

MECLİS-i MEŞÂYİH DEFTERLERİ

6

PROJE YÜRÜTÜCÜSÜ

HASAN KAMİL YILMAZ

EDİTÖRLER

HASAN KAMİL YILMAZ

AYHAN IŞIK

MELİHA AYDINLI



Türkiye Diyanet Vakfı Yayınları Yayın No. 1567
İSAM Yayınları 277
Başvuru Eserleri Dizisi 55
© Her hakkı mahfuzdur.

MECLİS-i MEŞÂYİH DEFTERLERİ 6. Cilt

Proje yürütücüsü Hasan Kamil Yılmaz
Editör Hasan Kamil Yılmaz, Ayhan Işık, Meliha Aydın
Yayın danışmanı İsmail Kara, Bilgin Aydın



TDV İslam Araştırmaları Merkezi (İSAM)
tarafından yayına hazırlanmıştır.
İcadiye-Bağlarbaşı Cad. 38 Üsküdar / İstanbul
Tel. 0216. 474 08 50
www.isam.org.tr yayin@isam.org.tr

Yayın yöneticisi Yaşar Çolak
Yayın editörü Mustafa Demiray
Proje koordinasyon Arzu Güldöşüren
Çeviri yazı ve özet Ayhan Işık, Meliha Aydın
Mukabele Esra Yıldız, Beşir Şen, Ömer Karadağ, Meliha Aydın
Özetlerin redaksiyonu Rabia Aydın
İmla İnayet Bebek
Grafik uygulama Ender Boztürk
Kapak tasarım Hasan Hüseyin Can

Bu eser
TDV İslam Araştırmaları Merkezi'nin (İSAM)
Meclis-i Meşâyih Defterleri Projesi
kapsamında yayımlanmıştır.

Bu kitap
İSAM Yönetim Kurulu'nun
29.08.2025 tarihli ve 2025/07 sayılı kararıyla basılmıştır.
Birinci Basım: İstanbul, Eylül 2025
ISBN 978-625-428-799-2 (Tk.)
978-625-428-805-0 (6. Cilt)



Basım, Yayın ve Dağıtım
TDV Yayın Matbaacılık ve Tic. İşl.
Ostim OSB Mahallesi, 1256 Cadde, No. 11
Yenimahalle / Ankara
Tel. 0312. 354 91 31 Faks. 0312. 354 91 32
bilgi@tdv.com.tr
Sertifika No. 48058

Meclis-i Meşâyih defterleri / ed. Hasan Kamil Yılmaz, Ayhan Işık, Meliha Aydın. -
İstanbul ; Ankara : İslam Araştırmaları Merkezi (İSAM) ; Türkiye Diyanet Vakfı, 2025.
6. c. (626 s.) ; 28 cm. - (Türkiye Diyanet Vakfı Yayınları ; 1567. İSAM Yayınları ; 277.
Başvuru Eserleri Dizisi ; 55)
ISBN 978-625-428-799-2 (Tk.) 978-625-428-805-0 (6. Cilt)

MECLİS - i MEŞÂYİH
DEFTERLERİ

1736
Numaralı
Müzekkire ve Derkenâr
Defteri

1736 NUMARALI MÜZEKKİRE VE DERKENÂR DEFTERİ

IST_MFT_MSH_DFT02_01736_0001_0001¹

Beşiktaş'ta Sinan Paşa Camii'ndeki Neccarzâde Dergâhı postnişini Şeyh Rıza Efendi'nin vefatıyla yerine damadı Şeyh Feyzi Efendi tayin edildiğinden dergâh tahsisatının onun mührüyle verilmesi.

Bâb-ı Fetvâ Meclis-i Meşâyih									
Târih-i Tesvîd		Müsevvid	Evrak Odası Numarası	Husûsî Numarası	Melfûfu		Umûmî	Târih-i Tebyîz	
Arabî	Rumî							Arabî	Rumî
-	-	-	-	111-112-113-114	-	-	-	-	15 Eylül sene [1]333 [15 Eylül 1917]
1 Beyoğlu'na:Ve mûmâ-ileyh Şeyh Feyzi Efendi şeyh-i sâbıkın damadı olmağla beraber zamân-ı hayâtında da vekâletinde bulunmuş olmağla gerek müteveffânın vefâtına ve gerek mûmâ-ileyh Feyzi Efendi zamân-ı meşihatine âid mu'ayyenâtın				Bihî Bahriye Nezâret-i celîlesine Ta'yînât Müdîriyyet-i behiyyesine Hazîne-i Hâssa-i Şâhâne Müdîriyyet-i Umûmiyyesi Cânib-i vâlâsına Hazîne-i Evkâf-ı Hümâyûn Tahsîsât-ı Hayriyye Kalemi Müdîriyyet-i behiyyesine Beyoğlu dâire-i Vakfiyyesi Me'mûriyyet-i behiyyesine Müzekkire Beşiktaş'ta kâin ve Neccârzâde demekle ma'rûf Sinan Paşa Câmi'-i şerîfi derûnundaki dergâh-ı şerîfin meşihat ciheti müteveffâ Şeyh Rıza Efendi mahlûlünden damadı Feyzi Efendi'ye bî't-tevcîh mu'âmele-i lâzimesi icrâ edilmiş 1 olmağla dergâh-ı şerîf-i mezkûra âid mu'ayyenâtın ba'demâ mûmâ-ileyh Şeyh Feyzi Efendi'nin bâlâda mahtûm olan mührünün tatbîk ittihâzıyla mûmâ-ileyhe i'tâsı zımında işbu müzekkire Bahriye Nezâret-i celîlesine Ta'yînât Müdîriyyet-i behiyyesine tevdi' kılındı. Mehmed Gülşen					

IST_MFT_MSH_DFT02_01736_0001_0001-A²

Fatih'teki Çenezâde Şeyh Mehmed Efendi Dergâhı'nın açılarak tarikat âyini icrasına başlandığına dair, Karagümrük Kabakulak'taki Alîme Hatun Zaviyesi postnişini Seyyid İsmâil Hakkı Efendi'nin ilmühaberi.

Bihî

Fâtih Sultân Mehmed civârında Çenezâde Şeyh Mehmed Ziyaeddin Efendi Dergâh-ı şerîfi

- 1 Tabloda bulunan başlıklar, diğer kararlarda tekrar edilmeden bu bilgi sırasına göre verilmiştir.
- 2 Defterlerde atlanan bazı kararlar, ilgili kararın devamı niteliğinde metnin içinde geçmektedir ya da orijinalinde bulunmadığı için aslına bağlı kalınarak verilmemiştir.

Pazartesi günleri taraf-ı âcizânemden küşâd olunarak âyîn-i tarîkat icrâ ve dervîşân it'âm edilmekte olduğunu mübeyyin işbu varaka merci'-i âlîsine takdîm kılındı.

Fî 13 Eylûl sene [1]333

Karagümrük'te Kabakulak'ta kâin Alîme Hatun

Zâviyye-i Kâdiriyyesi Postnişîni Seyyid İsmâîl Hakkı el-Kâdirî

IST_MFT_MSH_DFT02_01736_0001_0002

Fatih'teki Çenezâde Şeyh Mehmed Efendi Dergâhı şeyhi Mehmed Fikri Efendi'nin askerde olması sebebiyle, dergâh tahsisatının onun mührüyle validesine verilmesi.

Bir hususun görüşülmesi için belirtilen günde Meclis-i Meşâyih'e gelmesi için Fındıklı'daki Keşfi Ca'fer Efendi şeyhine yapılan tebligat.

Kasımpaşa'da Yahya Kethüda Camisi avlusundaki Yusuf Ağa Dergâhı şeyhi Mehmed Cemil Efendi'nin harpte şehit olduğu Meclis-i Meşâyih'e haber verildiğinden doğru olup olmadığının Harbiye Nezâreti'nden sorulması.

- / 15 Eylûl sene [1]333 [15 Eylûl 1917] / - / - / 115 / - / - / - / - / -

Enmile-pîrâ-yı terkîm olan işbu tezkire-i aliyyeleri üzerine lede't-tahkîk dergâh-ı şerîf-i mezkûr şeyhi Mehmed Fikrî Efendi el-yevm taht-ı silâhta bulunmasına binâen Kabakulak'ta kâin Alîme Hatun Zâviyesi şeyhi İsmâîl Hakkı Efendi tarafından ber-vech-i hasbî vekâletle eyyâm-ı mu'ayyenesinde âyîn-i tarîk icrâ ve it'âm-ı fukarâ edilmekte olduğundan dergâh-ı şerîf-i mezkûr muhassasât ve mu'ayyenâtının mûmâ-ileyh Mehmed Fikrî Efendi mührüyle vâlidisine it'âsı temennîsî beyân-ı ihtirâma vesîle ittihâz kılındı efendim.

Mehmed Gülşen

Fındıklı'da Keşfi Ca'fer Efendi Dergâh-ı şerîf Postnişîni Kâmil Efendi'ye

Reşâdetlü Efendim

Bir hususûsun müzâkeresi zımnında mâh-ı hâlin yirmi ikinci Cumartesi günü Meclis'e gelmeniz tavsiye olunur.

Mehmed Gülşen

116

Kasımpaşa'da Yahya Kethüdâ Câmî'-i şerîfi avlusunda kâin Yusuf Ağa Dergâh-ı şerîfi postnişîni Mehmed Cemil Efendi'nin bu kere cebhe-i harpte şehîden irtihâl eylediği haber verilmekle sıhhat ve adem-i sıhhatinin Harbiye Nezâret-i celîlesinden isti'lâm buyurulması menû-ı emr ü irâde-i hazret-i Fetvâ-penâhîleridir ol bâbda emr ü fermân hazret-i veliyyü'l-emrindir.

Mehmed Gülşen

IST_MFT_MSH_DFT02_01736_0001_0003

Eyüp'te Oluklubayır Nakşibendi Dergâhı şeyhi Şükrü Efendi'nin vefatı üzerine, yerine Yanyalı Şeyh Cevdet Efendi'nin tayini.

Fî 10 Ra. sene [1]336 / Fî 25 Kânûn-ı evvel sene [1]333 / Hüsâmeddin / - / - / - / - / 104 / Fî 14 Ra. sene [1]336 [28 Aralık 1917] / Fî 29 Kânûn-ı evvel sene [1]333

Mazbata

Evkâf-ı mülhakadan Hazret-i Ebâ Eyyûb-i Ensârî'de Oluklubayır nâm mevki'de ashâb-ı hayrâtın Niyâzî Efendi'nin ihyâ-kerdesi olan Nakşibendî dergâhı meşihat ciheti mutasarrıfı Şeyh Şükrü Efendi'nin bilâ-veled vukû'-ı vefâtına mebnî münhal olan meşihat cihetinin uhdesine tevcihi Yanya meşâyihiinden Cevdet Efendi tarafından taleb ve istid'â kılınmış ve bi'l-havâle Kuyûd-ı Kadîmeden muhrec kayıta dergâh-ı mezkûrun zâviyedâr ciheti müteveffâ-yı mûmâ-ileyhin uhdesinde idiği beyân olunmuş ve mûmâ-ileyh Şeyh Cevdet Efendi hizmet-i mezkûreyi ifâyâ mukteditr sulehâdan ve mesbûkü'l-imtihân ulemâdan olmasıyla cihet-i münhalle-i mezkûrenin mûmâ-ileyhe tevcihi Meclis-i dâ'iyânemizce tensîb edilmiş olmağla sûret-i ma'rûza nezd-i âlî-i hazret-i Fetvâ-penâhilerinde dahi mazhar-ı tasvîb olduğu hâlde keyfiyyetin Evkâf-ı Hümâyûn Nezâret-i celîlesine emr ü havâlesi menût-ı emr ü irâde-i aliyye-i hazret-i Meşihat-penâhileri olmağın ol bâbda.

Ali, Mehmed Gülşen

IST_MFT_MSH_DFT02_01736_0001_0004

Eyüp'te Oluklubayır Dergâhı şeyhi Şükrü Efendi'nin vefatıyla, geride kalan ailesine muhtâcîn tertibinden maaş bağlanması.

Fî 14 Ra. sene [1]336 / Fî 29 Kânûn-ı evvel sene [1]333 / Hüsâmeddin / - / - / - / - / 105 / Fî 14 Ra. sene [1]336 [28 Aralık 1917] / Fî 29 Kânûn-ı evvel sene [1]333

Müzekkire

Ebâ Eyyûb Ensârî civârında vâki' Oluklubayır Dergâhı şeyhi Şükrü Efendi'nin sagîre üç kerîmesiyle zevcesini terkle bilâ-veled-i zükûr vukû'-ı vefâtına mebnî cihet-i münhalle-i mezkûre Yanya meşâyihiinden Şeyh Cevdet Efendi uhdesine tevcih olunmuş olup ancak âile-i mûmâ-ileyh erbâb-ı fakr u ihtiyâçtan olarak şâyân-ı merhamet ve âtıfet bir hâlde bulundukları tahkîk kılınmış ve böyle sagîr-i sinleri ve kimsesizlikleri cihetle tedârik-i akvâttan âcize kalan bir âilenin dûçâr-ı sefâlet ve perîşânî olmaları şân-ı âlîye muvâfık olamayacağı derkâr bulunmuş olduğundan bunların sefâlet ve felâketten tahlîsleri zımında Hazîne-i Evkâf-ı Hümâyûnca muhtâcîn tertibinden münâsib mikdâr ma'âşla ikdârları menût-ı emr ü irâde-i aliyye-i Cenâb-ı Meşihat-penâhileri olmağın ol bâbda.

Ali, Mehmed Gülşen

IST_MFT_MSH_DFT02_01736_0001_0005

5. Kafkas fırkası, 13. alay, 4. tabur 1. bölüğün çavuşu ve Hacı Bektâş-ı Velî Dergâhı şeyhi müteveffa Şeyh Hamza Efendi'nin oğlu Sıddık Efendi'nin dilekçesinin Evkaf Nezâretine gönderilmesi.

Fî 7 Ra. sene [1]336 / Fî 22 Kânûn-ı evvel sene [1]333 / Hüsâmeddin / - / - / - / - / 102 / Fî 10 Ra. sene [1]336 [24 Aralık 1917] / Fî 25 Kânûn-ı evvel sene [1]333

Kafkas Fırka 5, alay 13, tabur 4, bölük 1 çavuşu Hacı Bektâş-ı Velî Dergâhı şeyhi merhûm Şeyh Hamza Efendi'nin mahdûmu Sıddık mührüyle takdîm olunan işbu arzuhâl lede'l-mütâla'a husûs-ı müsted'ânın âidiyyeti cihetiyle Evkâf-ı Hümâyûn Nezâreti Vekâlet-i celîlesine havâle buyurulması tezekkür kılınmağın ol bâbda.

Mehmed Gülşen

IST_MFT_MSH_DFT02_01736_0001_0006

Üsküdar'da Tavâşi Hasanağa Mahallesi Menzilhane Yokuşu'nda Rifâî Dergâhı'nın vakfiye ve diğer kayıtlarının Evkaf Nezâretinden istenmesi.

Fî 10 Ra. sene [1]336 / Fî 25 Kânûn-ı evvel sene [1]333 / Hüsâmeddin / İstid'â 653 / - / - / - / 103 / Fî 10 Ra. sene [1]336 [24 Aralık 1917] / Fî 25 Kânûn-ı evvel sene [1]333

Üsküdar'da Tavâşi Hasan Ağa Mahallesi'nde Menzilhâne Yokuşu'nda kâin Âsitâne-i Rifâî Dergâhı postnişini Şeyh Ziya Efendi'nin bilâ-veled vukû'-ı vefâtına mebnî münhal olan dergâh-ı mezkûr meşihatının uhdesine tevcihi hulefâ-yı Rifâ'iyye'den Şeyh Rıza Efendi tarafından bâ-istid'â taleb olunmuş ise de evveleminde dergâhın der'uhde ve şürût-ı vakfiyeleri kaydının mu-fassalan bi'l-ihrac irsâli zımnında işbu arzuhâlin mazrûfen Evkâf-ı Hümâyûn Kuyûd-ı Kadîme-i Vakfiye Müdiriyyeti'ne emr ü havâle buyurulması tezekkür kılınmağın ol bâbda.

Ali, Mehmed Gülşen

IST_MFT_MSH_DFT02_01736_0001_0007

Eyüp'te Mesnevîhan Hüsâmeddin Efendi Dergâhı'nın askerdeki şeyhi Mehmed Âgâh Efendi'nin meşihati bizzat yürütme talebinin uygun görülmeyle, dergâhın vekâleten idaresine karar verilmesi.

Fî 7 Rebî'ülevvel sene [1]336 / Fî 22 Kânûn-ı evvel sene [1]333 / Hüsâmeddin / Kırmızı 118 / 105 / 1 / - / 101 / Fî 10 Ra. sene [1]336 [24 Aralık 1917] / Fî 25 Kânûn-ı evvel sene [1]333
Eyüp'de Mesnevîhan Hüsâmeddin Efendi Dergâhı şeyhi olup taht-ı silâhta bulunması dolayısıyla vekâleten ifâ ettirilmekte olan vazîfesinin kendi tarafından ifâsı istirhâmını hâvî Defterdâr'da Mensûcât Fabrikası kalem odasında Yazıcı Mehmed Âgâh Efendi tarafından bâ-istid'â taleb olunması üzerine ol bâbda Harbiye Nezâret-i celîlesinin fî selh-i Safer sene [1]336 ve fî 19 Kânûn-ı evvel sene [1]333 târîh ve 13173/83 numaralı tezkiresinde dahi haftada bir iki gece mûmâ-ileyhin infikâkında mahzûr olmadığı bildirilmiş ise de dergâh-ı mezkûr külle-yevm kûşâde ve evkât-ı hamsede ifâ-yı salât edilmekte ve haftada iki gece âyîn-i tarîkat-i aliyye ifâsı lâbüd bulunduğundan ve herhâlde bir vekile eşedd-i ihtiyâç bulunduğundan kemâ-fi's-sâbık vekâleten ifâsı tensîb edilmekle ol vechile mu'âmele-i mukteziyye ifâsı tezekkür kılınmağın ol bâbda.

Ali, Mehmed Gülşen

IST_MFT_MSH_DFT02_01736_0001_0008

Üsküdar Rifâî Dergâhı şeyhi Ziyaeddin Efendi'nin vefatıyla, dergâh tahsisatının yerine vekâleten tayin edilen Şeyh Fuad Bey'e verilmesi.

- / - / - / - / - / - / - / 100 / Fî 7 Rebî'ülevvel sene [1]336 [21 Aralık 1917] / Fî 22 Kânûn-ı evvel sene [1]333

Bihî

Müzekkire

Üsküdar'da kâin Rifâî Âsitânesi şeyhi Ziyaeddin Efendi'nin 19 Kânûn-ı evvel sene [1]333 târîhinde bilâ-veled vefâtı vukû'una mebnî meşihat-i münhale münâsib birine tevcih olununcaya

kadar dergâh-ı mezkûr mesdûd ve âyîn-i tarîk mu'attal kalmamak üzere icrâ-yı âyîne hulefâ-i Rifâ'iyye'den Şeyh Fuad Bey tevkiîl edilmiş olduğundan iş'âr-ı ahîre kadar dergâh-ı mezkûra muhassas ta'âmiyenin mûmâ-ileyh Fuad Bey'e i'tâsı zımında keyfiyyetin bâ-tezkire-i aliyye Evkâf-ı Hümâyûn Nezâreti Vekâlet-i celîlesine emr ü iş'ârı menût-ı müsâ'ade-i celîle-i Fetvâ-penâhileridir ol bâbda.

Ali, Mehmed Gülşen

IST_MFT_MSH_DFT02_01736_0001_0009

Kasımpaşa'da Yahyâ Kethüdâ Camii bitişindeki Yusuf Çavuş Dergâhı meşihatine Şeyh Sâmi Efendi'nin tayini.

- / - / - / - / - / - / - / Fî 11 Kânûn-ı evvel sene [1]333 [11 Aralık 1917]

Kasımpaşa'da Yahya Kethüdâ Câmî'-i şerîfi ittisâlinde kâin Yusuf Çavuş Dergâhı meşihat ciheti fî 8 Safer sene [1]336 târihinde Şeyh Sâmi Efendi uhdesine tevcih olunup ifâ-yı vazîfe edilmekte bulunduğundan muhassasâtının mûmâ-ileyhe i'tâsı zımında işbu ilmühaber i'tâ kılındı.

Ali, Mehmed Gülşen

IST_MFT_MSH_DFT02_01736_0001_0010

Sütlüce'de Hasîrîzâde Dergâhı'nın vefat eden şeyhi Hasan Rıza Efendi'nin torunları Esad, Nazif ve Mürşide Fahriye'ye, dergâh tahsisatından hisse verilmesi taleplerinin uygun görülmemesi.

Kasımpaşa'da Yahya Kethüda Dergâhına Şeyh Sâmi Efendi'nin tayini.

15 Safer sene [1]336 / Fî 1 Kânûn-ı evvel sene [1]333 / - / 622 - 625 / 100 - 102 / - / - / 99 / Fî 15 S. sene [1]336 [30 Kasım 1917] / Fî 1 Kânûn-ı evvel sene [1]333

Sütlüce'de kâin Hasîrîzâde Dergâhı şeyh-i sâbıkı Hasan Rıza Efendi merhûmun hafîd ve hafîdeleri Es'ad ve Nazif ve Mürşide Fahriye hanımlar tarafından verilen arzuhâlde dergâh-ı mezkûr muhassasâtından öteden beri kendilerine verilmekte olan mikdârın bu kere şeyh-i lâhık Elifî Efendi tarafından verilmemekte olduğundan bahsile kemâ-kân i'tâ ettirilmesi istid'â kılınmış ise de bu gibi tekâyâ muhassasâtından şuna buna hisse tefrik ve i'tâsına mesâğ-ı şer'î ve nizâmı olmadığı cihetle bu bâbda Meclisce bir şey denilemeyeceğinden mürâca'atlarında kendilerine tefhîm-i keyfiyyetle işbu arzuhâlin Evrâk İdâresi'nde hıfzı tezekkür kılındı.

Ali, Mehmed Gülşen

100

Kasımpaşa'da Yahya Kethüdâ Dergâhı şeyhi mahdûmu Cemil Efendi'nin vukû'-ı vefâtından bahisle meşihat cihetinin müteveffânın amcazâdesi sagîr Mehmed Cevher Efendi'ye bi'n-niyâbe tevcihi Fatîma Hanım tarafından bâ-istid'â taleb olunmuş ise de meşihat-i mezkûre ol bâbdaki nizâmına tevfiikan fî 8 Safer sene [1]335 târih ve 95 numaralı mazbata-i dâ'iyanemiz mücebince Şeyh Sâmi Efendi'ye tevcih edildiğinden bu bâbda başka mu'âmele yapılamayacağının mürâca'atında mûmâ-ileyhâya tefhîmiyle işbu arzuhâlin Evrâk İdâresinde hıfzı tezekkür kılındı ol bâbda.

Ali, Mehmed Gülşen

IST_MFT_MSH_DFT02_01736_0001_0011

Fatih Otlukçu Yokuşu'nda Sâmânîzâde Nakşibendî Tekkesi'nin meşihatine Hoca Nasuh Efendizâde Mustafa Âsım Efendi'nin tayini.

Kadıköy İnâs Şubesi imâmı Hacı Mehmed Fâik Efendi'nin dergâh şeyhliğine tayin talebinin boş yer olmadığından uygun görülmemesi.

Fî 11 Safer sene [1]336 / Fî 27 Teşrîn-i sâni sene [1]333 / - / İstid'â 571 - 388 / 101 - 70 / - / - / 97 / Fî 15 S. sene [1]336 [30 Kasım 1917] / Fî 1 Kânûn-ı evvel sene [1]333

Derkenâr

Fâtih civârında Otlukçu Yokuşu'nda Samanîzâde Nakşibendî Tekkesi meşihat cihetinin uhdesine tevcihi Mesnevîhân Erzurumlu Ya'kûb Sabri Efendi tarafından bâ-istid'â taleb edilmiş ise de dergâh-ı mezkûrun meşihat ciheti fî 13 Teşrîn-i sâni sene [1]333 târîh ve 26 numaralı mazbata-i dâ'iyânemiz mücebince fudelâ-yı benâmdan Hoca Nasuh Efendizâde Mustafa Âsım Efendi uhdesine tevcih edildiğinin mürâca'atında müsted'î-i mûmâ-ileyhe tefhîmiyle Evrâk İdâresi'nde hıfzı tezekkür kılındı ol bâbda.

Ali, Mehmed Gülşen

“Kadıköy İnâs Şu'besi imâmı Hacı Mehmed Fâik Efendi tarafından takdîm olunup havâle buyurulan arzuhâlde tebeyyün edecek ehliyeti üzerine münhal bir dergâh meşihatının uhdesine tevcihi taleb edilmiş ise de şimdilik münhal dergâh bulunmadığının mürâca'atında kendisine tefhîmiyle işbu arzuhâlin Evrâk İdâresi'nde hıfzı tezekkür kılındı ol bâbda.”

Ali

98

Fâtih civârında kâin Samanîzâde Dergâhı meşihat cihetinin bir hayli zamandan beri mahlûl bulunduğundan bahisle uhdesine tevcihi tarikat-i aliyye mensûbîninden Abdülkâdir Efendi tarafından bâ-istid'â taleb olunmuş ise de meşihat-i mezkûre fî 3 Teşrîn-i sâni sene [1]333 târîh ve 26 numaralı mazbata-i dâ'iyânemiz mücebince tarîk-i Nakşibendiyye'den ve efâzıl-ı ulemâdan Hoca Nasuh Efendizâde Mustafa Âsım Efendi'ye tevcih edildiğinin mürâca'atında müsted'îye tefhîmiyle Evrâk İdaresinde hıfzı tezekkür kılındı.

Ali, Mehmed Gülşen

IST_MFT_MSH_DFT02_01736_0001_0012

Eyüp Düğmeciler Mahallesi'nde Mûsâ Çavuş Mescidi meşihatının mutasarrıfı Mehmed Celâleddin Efendi'nin vefatı üzerine, yerine oğlu Hafız Mehmed Hilmi Efendi'nin tayini.

25 Zilhicce sene [1]335 / 13 Teşrîn-i evvel sene [1]333 / - / - / - / - / - / 25 Zilhicce sene [1]335 [12 Ekim 1917] / 13 Teşrîn-i evvel sene [1]333

Mazbata

Evkâf-ı mülhakadan Hazret-i Ebâ Eyyûb-i Ensârî'de Düğmeciler Mahallesi'nde kâin Musa Çavuş Mescid-i şerîfi'ndeki meşihat cihetinin pederi müteveffâ Mehmed Celâleddin Efendi mahlûlünden kendisine tevcihi istid'âsına dâir Hâfız Mehmed Hilmi Efendi tarafından verilen arzuhâl üzerine bi'l-havâle kuyûd-ı vakfiyyeden muhrec kayıta cihet-i mezkûra şehri on

guruş vazîfe ile müteveffâ-yı mûmâ-ileyh uhdesinde idiği beyân olunmuş ve mûmâ-ileyh Hâfız Mehmed Hilmi Efendi hulefâ-yı Nakşıyye'den ve hamele-i Kur'ân'dan ve hizmet-i mezkûreyi ifâya ilmen de muktedir sulehâdan olmağla beraber hizmet-i ma'rûzanın vazîfesi on guruştan ibâret bulunmuş olmasına nazaran cihet-i mezkûrenin Tevcih-i Cihât Nizâmnâmesi'nin kırk altıncı maddesi mücebince pederi mahlûlünden bi'l-imtihân mûmâ-ileyhe tevcihi Meclis-i dâ'iyânemizce tensib edilmiş olmağla sûret-i ma'rûza nezd-i âlî-i hazret-i Fetvâ-penâhîlerinde dahi mazhar-ı tasvib ve tensib olduğu hâlde keyfiyyetin Evkâf-ı Hümayûn Nezâret-i celîlesine emr u havâlesi ve merbût kuyûd-ı vakfiyye müzekkiresinin de irsâl ve itâresi menût-ı emr ü irâde-i aliyye-i hazret-i Meşihat-penâhîleri olmağın ol bâbda.

Ali, Mehmed Gülşen

IST_MFT_MSH_DFT02_01736_0001_0013

Kasımpaşa'da Yahyâ Kethüdâ Mescidi bitişindeki Yusuf Çavuş Zaviyesi zaviyedarı Mehmed Cemil Efendi'nin Hanekin Hastahanesi'nde vefatı üzerine, yerine Kasımpaşa'da Büyükipiyâle Dergâhı şeyhliği vazifesini bırakmış olan Şeyh Sâmî Efendi'nin tayini.

8 S. sene [1]336 / 24 Teşrîn-i sâni sene [1]333 / - / - / - / - / 95 / 8 Safer sene [1]336 [23 Kasım 1917] / 24 Teşrîn-i sâni sene [1]333

Bihî

Mazbata

Evkâf-ı mülhakadan merhûm Yusuf Çavuş'un Kasımpaşa'da Yahya Kethüda Câmi'-i şerifi nezdinde kâin zâviyesinin vazîfe-i mu'ayyene ile zâviyedârlık ciheti mutasarrıfı olup taht-ı silâha alınmış olan Mehmed Cemil Efendi'nin 27 Eylül sene [1]332 târihinde Hanekin Hastahânesi'nde vefât eylediği Kasımpaşa Redîf Şu'besi ilmühaberinden anlaşıldığı mahallesinden gelen ilmühaberden anlaşılmış ve dergâh-ı mezkûr meşihatini bâ-arzuhâl istid'â eden Kasımpaşa'da Büyükipiyâle Zâviyesi şeyhi Sâmî Efendi mesbûkü'l-imtihân ulemâ ve hulefâdan ve hüsn-i sîret ashâbından olarak şâyân-ı iktidâr bulunmuş ve kendisi Büyükipiyâle Zâviyesi meşihatinden keff-i yed eylemiş olmağla ve şu hâlde mûmâ-ileyh Sâmî Efendi'nin zikr olunan Yusuf Çavuş Zâviyesi meşihatine ta'yini Meclis-i dâ'iyânemizce tensib edilmekle sûret-i ma'rûza nezd-i âlî-i hazret-i Fetvâ-penâhîlerinde dahi rehîn-i tasvib olduğu hâlde merbût arzuhâl ile birlikte işbu mazbata-i dâ'iyânemizin Evkâf-ı Hümayûn Nezâreti Vekâlet-i celîlesine mazrûfen irsâli menût-ı emr ü irâde-i aliyye-i Cenâb-ı Meşihat-penâhîleri olmağın ol bâbda.

Ali, Mehmed Gülşen

IST_MFT_MSH_DFT02_01736_0001_0014

Hüsâmeddin Efendi'nin Meclis-i Meşâyih kâtipliği görevine başlaması.

8 S. sene [1]336 / 24 Teşrîn-i sâni sene [1]333 / - / Kırmızı 109 / 99 / - / - / 94 / 8 S. sene [1]336 [23 Kasım 1917] / 24 Teşrîn-i sâni sene [1]333

Ber-müceb-i iş'âr mûmâ-ileyh Hüsâmeddin Efendi'ye tefhîm-i keyfiyyetle fi 24 Teşrîn-i sâni sene [1]333 târihinden vazîfesine başlamış olduğundan Me'mûrîn Kalemince de mu'amele-i lâzime ifâ kılınmak üzere Me'mûrîn Müdiriyyet-i aliyyesine tevdi'-i keyfiyyet kılındı.

Ali, Mehmed Gülşen

IST_MFT_MSH_DFT02_01736_0001_0015

Kasımpaşa Yahyâ Kethüdâ Mahallesi'ndeki Yâhû Baba Dergâhı'nın şeyhinin vefatı üzerine, dergâhta ikamet edenlerin dergâhı tahrip etmekte oldukları istihbar edildiğinden bu durumun engellenmesi gerektiğinin bildirilmesi.

9 Muharrem sene [1]336 / 27 Teşrîn-i evvel sene [1]333 / - / - / - / - / - / 9 Muharrem sene [1]336 [25 Ekim 1917] / 27 Teşrîn-i evvel sene [1]333

Bihî

Tezkire

Sa'âdetlü Efendim

Kasımpaşa'da Yahya Kethüdâ Mahallesi'nde kâin Yâhû Baba Dergâhı şeyhinin vefâtına mebnî derûnunda iskân etmekte bulunanlar dergâhı tahrîb etmekte ve döşeme taşı vesâire gibi bazı şeylerini de şuraya buraya nakletmekte bulundukları istihbâr kılınmış ve bu ise gayr-i câiz bulunmuş olmağla dergâh-ı mezkûr vakfını zarardan vikâyeten bu gibi hâlâta meydan veril-memesi esbâbının istikmâline himem-i vâlâları derkâr buyurulmak bâbında irâde efendim hazretlerindir.

IST_MFT_MSH_DFT02_01736_0001_0016

Fatih Otlukçu Yokuşu'nda Ömer Hulusi Efendi Dergâhı meşihatine, Hoca Nasuh Efendizâde Mustafa Âsım Efendi'nin tayini.

25 Zilhicce sene [1]335 [12 Ekim 1917] / 13 Teşrîn-i evvel sene [1]333 / - / - / - / - / 26 / - / -

Bihî

Mazbata

Sudûr-ı izâmdan merhûm Ömer Hulusi Efendi'nin cümle-i hayrâtından Fâtih civârında Ot-lukçu Yokuşu'nda kâin Nakşibendî zâviyesinin meşihati öteden beri mahlûl olmasıyla hizmet-i lâzimesini terk ve ta'tilden vikâyeten şerâit-i vakfiyyesi mücebince hulefâ-yı Nakşîyye'den ehil ve müstahik bir zâtın şeyh ta'yini lâzım gelmiş ve Medresetü'l-mütehassısın mu'allimîninden olup fazl ü kemâli ma'lûm olan ve hulefâ-yı Nakşîyye'den bulunan merhûm Hoca Nasuh Efendizâde faziletlü Mustafa Âsım Efendi dâ'îlerinin meşihat-i mezkûreye ta'yini müştâkîn-i ilm ve irşâd haklarında da mûcib-i füyûzât olacağı şübhesiz olarak münâsib bulunmuş olmağla nezd-i sâmi-i hazret-i Fetvâ-penâhîlerinde dahi sûret-i ma'rûza mazhar-ı tasvîb ve tensîb olduğu hâlde keyfiyye-tin Evkâf-ı Hümayûn Nezâret-i celîlesine emr u havâle ve bu bâbdaki kuyûd-ı vakfiyye müzekkire-sinin de rabten irsâli menû-ı emr ü irâde-i aliyye-i hazret-i Meşihat-penâhîleri olmağın ol bâbda.

Ali, Mehmed Gülşen

IST_MFT_MSH_DFT02_01736_0001_0017

Tahrip edildiği iddia edilen Merdivenköy Dergâhı'yla ilgili tahkikat yetkisinin Evkaf Nezâreti Mebânî-i Hayriyye Müdüriyetine ait olduğundan, ilgili evrakların oraya havalesi.

10 Muharrem sene [1]336 / 27 Teşrîn-i evvel sene [1]333 / - / - / 74 / - / - / - / Fî 10 Muharrem sene [1]336 [26 Ekim 1917] / 27 Teşrîn-i evvel sene [1]333

Müzekkire

Nerdüban Karyesi Dergâhı hakkında Evkâf-ı Hümayûn Nezâreti Vekâlet-i celîlesinden evvel ve âhir gelen merbût iki kıt'a tezkirede dergâhın tahrîb edilmekte olduğuna dâir Tefvîk Baba tarafından vukû' bulan ifâdâta nazaran Meclis-i Meşâyihce tahkîkât icrâsı lüzûmu beyân edilmekte ise de bu bâbda tahkîkât icrâsı hasbe't-ta'alluk Mebânî-i Hayriyyeye âid mevâddan bulunduğundan o vechile icrâ-yı îcâbı zımnında keyfiyyetin nezâret-i müşârun-ileyhâ vekâlet-i celîlesine cevâben izbârı menût-ı emr ü irâde-i aliyye-i hazret-i Fetvâ-penâhîleri olmağın ol bâbda.

Ali, Mehmed Gülşen

IST_MFT_MSH_DFT02_01736_0001_0018

Yâhû Baba Dergâhı meşihatının vakfiyesi ile deruhte kaydının Evkaf Nezâretinden istenmesi.

Fî 7 Zilhicce sene [1]335 / 25 Eylûl sene [1]333 / - / 521 / 90 / - / - / - / Fî 7 Zilhicce sene [1]335 [24 Eylûl 1917] / Fî 25 Eylûl sene [1]333

Bihî

Derkenâr

İşbu arzuhâlde mahkî Yâhû Baba Dergâhı meşihatının der'uhdesi kaydıyla şerâit-i vakfiyesinin beyânı zımnında arzuhâlin mazrûfen Evkâf-ı Hümayûn Nezâret-i celîlesine irsâli menût-ı emr ü irâde-i aliyye-i hazret-i Fetvâ-penâhîleridir ol bâbda.

Ali, Mehmed Gülşen

IST_MFT_MSH_DFT02_01736_0001_0019

Hendek'e gitmiş olan Meclis-i Meşâyih kâtip vekili Abdülkâdir Efendi'nin izninin uzatılması.

Fî 9 Muharrem sene [1]336 / 27 Teşrîn-i evvel sene [1]333 / - / - / - / - / - / Fî 9 Muharrem sene [1]336 [25 Ekim 1917] / 27 Teşrîn-i evvel sene [1]333

Bihî

Müzekkire

Bir mâh müddet me'zûniyetle Hendek'e azîmet etmiş olan Meclis-i Meşâyih kâtip vekîli Abdülkâdir Efendi tarafından Meclis'e hitâben gelen telgrafnâmede âilesinin hastalığı Dersâadet'e nakline müsâ'id olmadığından bahs ile müddet-i me'zûniyetinin yirmi gün temdîdi iş'âr olunmuş ve ber-vech-i iş'âr icrâ-yı îcâbı menût-ı müsâ'ade-i celîle-i hazret-i Fetvâ-penâhîleri bulunmuş olmağla ol bâbda ve herhâlde emr ü fermân hazret-i veliyyü'l-emrindir.

IST_MFT_MSH_DFT02_01736_0001_0020

Üsküdar Çamlıca'da Hazret-i Selâmî Dergâhı şeyhi Nurullah Efendi'nin vefatıyla, yerine kardeşinin oğlu Şeyh Mustafa Efendi tayin edilmesi ve dergâh teberrükâtının kendisine teslimi.

23 Muharrem sene [1]336 / 10 Teşrîn-i sâni sene [1]333 / - / - / - / - / - / 23 Muharrem sene [1]336 [8 Kasım 1917] / 10 Teşrîn-i sâni sene [1]333

Bihî

Üsküdar dâire-i Vakfiyyesi Müdîriyyeti aliyyesine

Üsküdar'da Çamlıca'da kâin Hazret-i Selâmî -kuddise sırruhu'l-âlî- Dergâh-ı şerîfi meşihat cihe-ti müteveffâ Nurullah Efendi mahlûlünden biraderzâdesi Şeyh Mustafa Efendi'ye tevcih olunduğu hâlde müteveffâ-yı mûmâ-ileyhin mahdûmu Yaşar Bey tarafından teberrükât-ı dergâhın Mustafa Efendi'ye devr ü tesliminden imtinâ' edilmekte bulunduğu istihbâr kılınmış ve bu ise gayr-i câiz bulunmuş olduğundan mûmâ-ileyhin imtinâ'ına bakılmayarak mu'âmele-i devr ü teslimin sür'at-i mümkün ile icrâsı esbâbının istikmâli husûsuna himem-i aliyye-i kerîmâneleri derkâr buyurulmak bâbında.

Ali, Mehmed Gülşen

IST_MFT_MSH_DFT02_01736_0001_0021

Yeniköy'de İsmâil Efendi Dergâhı meşihat vekâletine, Şeyh Mustafa Servet Efendi'nin tayini.

1 Safer sene [1]336 / 17 Teşrîn-i sâni sene [1]333 / - / - / - / - / - / - / 1 Safer sene [1]336 [16 Kasım 1917] / 17 Teşrîn-i sâni sene [1]333 Bihî

Beyoğlu Evkâf İdâre-i aliyyesine

Tarîkat-i aliyye-i Halvetiye'den Yeniköy'de kâin İsmâil Efendi Dergâh-ı şerîfi vekâletine Şeyh Mustafa Servet ta'yîn edildiğinden zâviyedârlık vazîfesinin kemâ-fi's-sâbık sagîr Niyazî Efendi vâlidresi Fatıma Hanım'a i'tâsı zımınında işbu tezkire idâre-i aliyyelerine irsâl ve takdîm kılındı.

Ali

IST_MFT_MSH_DFT02_01736_0001_0022

Yeniköy'de İsmâil Efendi Dergâhı tahsisâtının Niyazi Efendi'nin vâlidresi Fatma Hanım'a verilmesi.

Fî 1 Safer sene [1]336 / 17 Teşrîn-i sâni sene [1]333 / - / - / - / - / - / - / 1 Safer sene [1]336 [16 Kasım 1917] / 17 Teşrîn-i sâni sene [1]333

Bihî

Evkâf-ı Hümâyûn Nukûd-ı Mevkûfe İdâresi'ne

Yeniköy'de kâin Tarîkat-i aliyye-i Halvetiye'den İsmâil Efendi Dergâh-ı şerîfine Şeyh Mustafa Servet Efendi meclisimiz tarafından vekîl ta'yîn edilmiş olduğundan dergâh-ı mezkûr tahsisâtının kemâ-fi's-sâbık sagîr Niyazî Efendi vâlidresi Fatıma Hanım'a i'tâsı lâzım geleceği zımınında işbu tezkire taraf-ı âlilerine irsâl ve takdîm kılındı.

Ali

IST_MFT_MSH_DFT02_01736_0001_0023

Yeniköy'de İsmâil Efendi Dergâhı meşihat vekâletine tayin edilen Mustafa Servet Efendi'ye gönderilen vekâletnâme.

Fî 2 Muharrem sene [1]335 / 21 Ağustos [Teşrîn-i evvel] sene [1]333 / - / - / 97 / - / - / - / Fî 2 Muharrem sene [1]335 [18 Ekim 1917] / Fî 20 Teşrîn-i evvel sene [1]333

Kocamustafapaşâ'da Sancakdâr Dergâhı Şeyhi Sadeddin Efendi'ye

Reşâdetlü Efendim

Önümüzdeki cumartesi günü bazı husûsun müzâkeresi için behemehâl Meclis'e gelmeleri te'kîden beyân ve tebliğ olunur efendim.

21 Ağustos sene [1]333

Yeniköy'de kâin tarîkat-i Halvetiyye'den İsmâîl Efendi Dergâh-ı şerîfi şeyhi sagîr Niyazî bi'l-fi'îl icrâ-yı meşîhate kesb-i liyâkat edene kadar tarîkat-i mezkûra kudemâ-yı hulefâsından Şeyh Mustafa Servet Efendi'nin vekâleten îfâ-yı hizmet ve icrâ-yı usûl-i tarîkat eylemesi Meclis-i Meşâyihce ber-vech-i hasbî tensîbi karara alınmış olduğunu mübeyyin işbu vekâlet-nâme mûmâ-ileyh Şeyh Mustafa Servet Efendi'ye i'tâ kılındı.

Ali

IST_MFT_MSH_DFT02_01736_0001_0024

Meclis-i Meşâyihin askerde bulunan kâtibi Hüsâmeddin Efendi'nin kalan askerlik süresini vazifesi başında ifa etmesine izin verilmesi.

25 Zilhicce sene [1]335 / 13 Teşrîn-i evvel sene [1]333 / - / - / - / - / - / 25 Zilhicce sene [1]335 [12 Ekim 1917] / 13 Teşrîn-i evvel sene [1]333

Bihî

Müzekkire

Meclis-i dâ'iyânemizin hizmet-i kitâbetini îfâ etmek üzere teşkilât-ı sâbıkada da bir kâtib ta'yîn kılınmış ve bununla tedvîr-i mu'âmelât-ı rûzmerreye hasr-ı dikkat olunagelmekte bulunmuş iken kitâbet-i mezkûrede müstahdem Hüsâmeddin Efendi dâ'îlerinin sinn-i mükellefiyyet-i askeriyye dâhilinde bulunmasından dolayı taht-ı silâha alınarak iki seneye karîb bir müddetten beri vekâletle îfâ-yı hizmet edilegelmekte ise de ma'lûm-ı vekâyık-melzûm-ı âlî-i hazret-i veliyy-i ni'amîleri buyurulduğu üzere bu gibi müstahdeminden taht-ı silâha da'vet olunan bazı küttâbın hizmet-i askeriyyelerini vazîfeleri başında îfâ ettirilmekte bulunduğu mesbûk bi'l-emsâl olup Meclis-i âcizânemizin umûr-ı tahrîriyyesi de ber-vech-i ma'rûz bir kâtibe münhasır bulunmuş olduğundan mûmâ-ileyh Hüsâmeddin Efendi dâ'îlerinin de ber-vech-i ma'rûz hizmet-i askeriyyesini vazife-i asliyyesi başında îfâ etmesine müsâ'ade i'tâsı zımnında keyfiyyetin dâire-i mûte'allıkasına bâ-tezkire-i aliyye iş'ârı menût-ı emr ü irâde-i aliyye-i hazret-i Fetvâ-penâhîleri olmağın ol bâbda emr ü fermân.

Mehmed Gülşen

IST_MFT_MSH_DFT02_01736_0001_0025

Üsküdar'da Bezciâde diğer ismiyle Murad Efendi Dergâhı postnişini Abdülhay Subhî Efendi'nin yerine kardeşi Nasîh Efendi tayin edildiğinden dergâhın muhassasat ve tayinatının kendisine verilmesi.

5 Zilhicce sene [1]335 / 22 Eylül sene [1]333 / - / - / - / - / - / 4 Zilhicce sene [1]335 [21 Eylül 1917] / 22 Eylül sene [1]333

Bihî

Müzekkire

Üsküdar'da kâin Bezciâde nâm-ı diğer Murad Efendi Dergâh-ı şerîfi postnişinlik ciheti mutasarrıfı Abdülhay Subhî Efendi'nin 5 Haziran sene [1]333 târîhinde vefâtı vukû'una mebnî cihet-i münhale biraderi Nasîh Efendi'ye tevcih olunup târîh-i mezkûrdan beri mûmâ-ileyh Nasîh Efendi tarafından îfâ-yı hizmet olunmakta bulunmuş olduğundan ve bu gibi cihât muhassasâtının hıdemâtı îfâ olunmak şartıyla târîh-i inhilâlinden i'tibâren mutasarrıf-ı lâhıkına i'tâsı nizâmı iktizâsından idiğinden dergâh-ı mezkûr muhassasât ve mu'ayyenâtının da târîh-i inhilâlinden i'tibâren mûmâ-ileyh Nasîh Efendi'ye i'tâsı zımnında keyfiyyetin bâ-tezkire-i aliyye Evkâf-ı Hümâyûn Nezâret-i celîlesine iş'ârı menû-ı emr ü irâde-i aliyye-i hazret-i Fetvâ-penâhîleridir ol bâbda.

Ali, Mehmed Gülşen

IST_MFT_MSH_DFT02_01736_0001_0026

Eyüb'te Oluklubayır Dergâhı'nın deruhte ve vakfiye şartlarına ait kayıtların Evkaf Nezâretinden istenmesi.

20 Muharrem sene [1]336 / 6 Teşrîn-i sâni sene [1]333 / - / - / - / - / - / 20 Muharrem sene [1]336 [5 Kasım 1917] / 6 Teşrîn-i sâni sene [1]333

Bihî

Eyüb'de Oluklubayır Dergâhı Hakkındaki Arzuhâle Derkenâr

Bu bâbdaki der'uhde-i kaydiyyenin ve şerâit-i vakfiyyenin ihrâc ve irsâli zımnında mazrûfen Evkâf-ı Hümâyûn Nezâreti Vekâlet-i celîlesine irsâli menû-ı emr ü irâde-i aliyye-i hazret-i Fetvâ-penâhîleri olmağın ol bâbda ve herhâlde emr ü fermân.

Mehmed Gülşen

IST_MFT_MSH_DFT02_01736_0001_0027

Hazret-i Selâmî Dergâhı meşihati mutasarrıfları Şeyh Rıza ve Nurullah efendilerin vefatlarıyla, meşihate Şeyh Rıza Efendi'nin oğlu Şeyh Mustafa Efendi'nin tayini.

23 Muharrem sene [1]336 [8 Kasım 1917] / 10 Teşrîn-i sâni sene [1]333 / - / - / - / - / - / - / -

Bihî

Hazret-i Selâmî Dergâhı Meşihati Hakkında İbrâhîm Yaşar İmzalı Arzuhâle Derkenâr

İşbu arzuhâl mütâla'a olundu. Dergâh-ı mezkûr meşihati esâsen Şeyh Rıza ve Nurullah efendiler uhdelerinde iken Rıza Efendi'nin vefâtıyla hissesi biraderi Nurullah Efendi'ye ba'det-tevcih Nurullah Efendi'nin de vefâtıyla inhilâl eylemesi ve icrâ kılınan tahkikâtta mûmâ-ileyh Nurullah Efendi'nin terk etmiş olduğu Yaşar Bey nâmındaki mahdûmu iş ü işretle me'lûf süfehâdan olarak ve dervîşlikle bir alâkası olmadığı tahakkuk etmesi üzerine meşihat-i münhalle-i mezkûre mûmâ-ileyh Rıza Efendi'nin mahdûmu olup inde'l-imtihân isbât-ı ehliyet eden erbâb-ı liyâkatten ve hüsn-i sîret ashâbından Şeyh Mustafa Efendi'ye bi't-tevcih mu'âmele-i lâzimesi icrâ edilmiş ve şu hâlde başka mu'âmele icrâsına mahal görülememiş olduğundan mürâca'atında müsted'îye cevâb i'tâsıyla işbu arzuhâlin battâlâda hıfzı zımnında Evrâk Müdiriyyet-i aliyyesine tevdi' kılındı.

Ali, Mehmed Gülşen

IST_MFT_MSH_DFT02_01736_0001_0028

Mercimek Dergâhı'nın vakfiye şartları ile diğer kayıtlarının Evkaf Nezâretinden istenmesi.

27 Muharrem sene [1]336 / 13 Teşrîn-i sâni sene [1]333 / - / - / - / - / - / 27 Muharrem sene [1]336 [12 Kasım 1917] / 13 Teşrîn-i sâni sene [1]333

Bihî

Mercimek Dergâhı Hakkında

Ma'lûmât-ı kaydiyye ve şerâit-i vakfiyyesinin beyânı zımında mazrûfen Evkâf-ı Hümâyûn Nezâret-i celîlesine irsâli menûr-ı emr ü irâde-i aliyye-i hazret-i Fetvâ-penâhîleridir ol bâbda emr ü fermân hazret-i veliyyü'l-emrindir.

Ali

IST_MFT_MSH_DFT02_01736_0001_0029

Hekim Çelebi Zaviyesi'nin deruhte ve vakfiye kayıtlarının Evkaf Nezâretinden istenmesi.

24 Muharrem sene [1]336 / 10 Teşrîn-i sâni sene [1]333 / - / - / - / - / - / 24 Muharrem sene [1]336 [9 Kasım 1917] / 10 Teşrîn-i sâni sene [1]333

Bihî

Hekim Çelebi Zâviyesi Hakkında

Evveleminde bu bâbdaki der'uhde kaydının ve şerâit-i vakfiyyenin ihrâc ve iş'arı zımında işbu arzuhalin mazrûfen Evkâf-ı Hümâyûn Nezâret-i celîlesine irsâli menûr-ı emr ü irâde-i aliyye-i hazret-i Fetvâ-penâhîleridir ol bâbda ve herhâlde emr ü fermân hazret-i veliyyü'l-emrindir.

Ali

IST_MFT_MSH_DFT02_01736_0001_0030

Eyüp'te Özbekler Dergâhı şeyhi Âkil Efendi'nin vefatıyla, yerine Şeyh Feyzullah Efendi'nin tayini.

Fi 2 Cumâdelülâ [sene [1]334] [7 Mart 1916] / Fi 23 Şubat sene [1]331 / - / - / - / - / - / - / - / - / 70

Eyüb civârında kâin Özbekler Dergâhı şeyhi Âkil Efendi'nin bu kere irtihâl etmeleriyle münhal olan dergâh-ı mezkûr meşihatının tarikat-i aliyye-i Nakşibendiyye hulefâsından ve be-tahsîs Şâh-ı Nakşibend-i Velî hazretlerinin hânkâh-ı şerîfi şeyhi Seyyid Ubeydullah Efendi hazretlerinin birader-i âlîleri Şeyh Feyzullah Efendi ibn-i Halika Eşbey? mahdûm hazretlerine vekâleten tevcihi Meclis-i dâ'iyânemizce tensib kılınmış olmağla nezd-i sâmi-i hazret-i Fetvâ-penâhîlerince de tasvib buyurulduğu takdirde iktizâsının ifâ ve icrâsı bâbında Evkâf-ı Hümâyûn Nezâret-i celîlesine emr ü havâlesi menûr-ı re'y-i âli-i Meşihat-penâhîleridir ol bâbda emr ü fermân hazret-i veliyyü'l-emrindir.

Ali

IST_MFT_MSH_DFT02_01736_0001_0031

Çâlâk (Çaylak) Dergâhı'nın eski şeyhi Nûri Efendi'nin biraderi Tevfik Efendi hakkındaki şikâyet dilekçesinin, dosyasına konulmak üzere Evrak Müdüriyetine gönderilmesi.

- / Fî 23 Şubat sene [1]331 [7 Mart 1916] / - / 1565 / - / - / - / - / -

72

Çalak Dergâhının sâbık şeyhi Nûri Efendi'nin işbu istid'ası mütâla'a olundu. Mündericâtı: Biraderi Tevfik Efendi hakkında bir takım ihbârât ve şikâyâtta ibâret olup el-yevm 69 numaralı karar mücebince tevdi' kılınan Çalak Dergâhı evrâk dosyasıyla birleştirilmek üzere Evrâk Müdüriyyet-i behiyyesine tevdi' kılındı.

IST_MFT_MSH_DFT02_01736_0001_0032

Mahmutpaşa'da Çâlâk (Çaylak) Dergâhı meşihatine, Leskovikli Şeyh Muhyiddin Efendi'nin tayini.

Fî 2 Cumâdelûlâ sene [1]334 [7 Mart 1916] / Fî 23 Şubat sene [1]331 / - / - / - / - / - / - / -

69

Evkâf-ı Hümâyûn Nezâret-i celîlesinin husûsî 79 numaralı işbu tezkiresi mütâla'a olundu.

Mündericâtı: Mahmudpaşa'da Çalak Zâviyesi demekle ma'rûf Halil Efendi Zâviyesinin sâbık şeyhi Nûri Efendi'nin biraderi Tevfik Efendi'nin evlâd-ı vâkıftan olduğu iddi'asıyla Şûrâ-yı Evkâfa ibrâz eylediği vakfiye mücebince evlâddan olmağla bi'l-imtihân isbât-ı ehliyet eylediği hâlde meşihatın uhdesine tevcih edemediği takdîrde şûrût-ı vakfiyye iktizâsınca hâric-i hücrelerde ikâmetine müsâ'ade olunmasından ibâret olup matvî vakfiye tedkik edildikte vâkıf-ı merhûm Halil Efendi'nin serd ve beyân eylediği şerâit kendi evlâdına ve hulefâsına ve onların inkırâzında Karahisarî Mehmed Efendi hulefâsına intikali şurûtundan ibâret olmağla şûrût-ı vakfiyyenin böyle vâkıf Halil Efendi evlâd ve hulefâsından veya Karahisarî Mehmed Efendi hulefâsından olmayıp bir şahs-ı sâlis evlâdından bulunan ve Cerrâhiye hulefâsından olan bu Tevfik Efendi'ye aslâ şümûlu olmadığından iddi'asına mahal yoktur. Şöyle ki zâviye-i mezkûre ber-vech-i şûrût-ı vakfiyye vâkıfın evlâdından evlâdına ve hulefâsından hulefâsına intikâl edelmekte iken bir aralık hâlî kalıp arsa hâline münkali olmağla bin iki yüz kırk sekiz târihinde hilâf-ı şart-ı vâkıf bu arsa ta'âmiyesiyle beraber Nureddin-i Cerrâhî Asitânesine ilhâk olunmuş ba'dehû Nureddin-i Cerrâhî şeyhi Abdülaziz Efendi'nin vefâtıyla mahdûmları Galib ve Mehmed Rıza efendiler tarafından bu Tevfik Efendi'nin pederi şahs-ı sâlis dediğimiz Ebûbekir Mehmed Hasan Efendi'ye bedel mukâbilinde kasr-ı yed edilmiş şu hâlde ber-vech-i ma'rûz Tevfik Efendi'nin iddi'ası vâhî ve şart-ı vâkıfa mugâyir olduğundan mukaddemâ tevcihi tensib ve arz olunan Leskovikli Şeyh Muhyiddin Efendi ise elinde mevcûd silsile-nâme mücebince vakfiyede beyân olunan Karahisarî Mehmed Efendi hulefâsından olmağla tasdikî meşihati lâzım geleceği tahakkuk ettiğinden icâbının icrâsı husûsunun lâzım gelenlere emr ü inbâsı menût-ı re'y-i âlî-i Fetvâ-penâhileridir.

Ali

IST_MFT_MSH_DFT02_01736_0001_0033

Bütün mevlevîhane meşihatine ait tasarrufun, çelebi efendilere ait olduğunun belirtilmesi.

- / Fî 23 Şubat sene [1]331 [7 Mart 1916] / - / - / - / - / - / - / -

71

Bi'l-cümle mevlevîhânelerin meşihati bâ-fermân-ı hümayûn reşâdetlü çelebi efendi hazretlerine müfevvez olduğu cihetle Meclis-i Meşâyihce mu'ameleden müstağnî olan işbu istid'ânın icâb ve icrâsı menû-ı re'y-i rezîn-i hikmet-karîn-i Fetvâ-penâhîleri olmağın ol bâbda emr ü fermân hazret-i veliyyü'l-emrindir.

Ali

IST_MFT_MSH_DFT02_01736_0001_0034

Nuruosmaniye'deki Çâlâk (Çaylak) Dergâhı meşihatine, Leskovik Halveti Dergâhı şeyhi Muhyiddin Efendi'nin tayini.

Fî 29 Rebî'ülâhîr sene [1]334 [5 Mart 1916] / Fî 20 Şubat sene [1]331 / - / - / - / - / - / - / -

67

Nuruosmaniye'de Çalak Dergâhı şeyhi olup bundan evvel uhdesinden dergâh-ı mezkûr meşihati ref' olunan Mehmed Nûri Efendi'nin fî 26 Kânûn-ı evvel sene [1]331 târîh ve 1359 numaralı işbu istid'âsı mütâlâ'a olundu. Mezkûr meşihat Evkâf-ı Hümayûn Nezâret-i celîlesinin 49 numara ve fî 15 Teşrîn-i evvel sene [1]331 târîhli ve Şûrâ-yı Evkâf'ın fî 12 Teşrîn-i evvel sene [1]331 târîhli tahrîrâtı üzerine bi'l-imtihân Leskovik Halvetî Dergâhı şeyhi Muhyiddin Efendi'ye revcîhi tensîb ve arz ve inhâ olunmağla mu'ameleden müstağnî olan işbu istid'â berâ-yı hıfz Evrâk Müdiriyyet-i behiyyesine tevdi' kılındı.

Ali

IST_MFT_MSH_DFT02_01736_0001_0035

Büyükpiyâle Camii'ndeki meşihat vazifesinin deruhte ve vakfiye kayıtlarının Evkaf Nezâretinden istenmesi.

Fî 29 Rebî'ülâhîr sene [1]334 [5 Mart 1916] / Fî 20 Şubat sene [1]331 / - / - / - / - / - / - / -

68

İşbu istid'âda mahkî Büyükpiyâle Câmî'i'ndeki meşihat cihetinin vakfiyesiyle meşihati der'uhdesi kaydının beyânı zımnında işbu arzuhâlin mazrûfen Evkâf-ı Hümayûn Nezâret-i celîlesine irsâli menû-ı rey'-i âlî-i Meşihat-penâhîleridir ol bâbda emr ü fermân hazret-i veliyyü'l-emrindir.

IST_MFT_MSH_DFT02_01736_0001_0036

Anadolu'ya izinli olarak gidecek olan Eyüp Bahariye'deki Şah Sultan Dergâhı şeyhi Mustafa Saim Efendi'nin yerine, Nişanca Davutağa Mahallesi'ndeki Sertarikzâde Dergâhı şeyhi Hafız Mehmed Râşid Efendi'nin vekil tayin edilmesi.

- / Fî 30 Kânûn-ı sâni sene [1]331 [12 Şubat 1916] / - / - / - / - / - / - / -

Eyüb'de Bahariye'de kâin Şah Sultân Dergâh-ı şerifi şeyhi Mustafa Saim Efendi bu kere

li-ecli'l-maslaha Anadolu cihetine azîmet edeceğinden avdetinde vazîfesine bizzât mübâşeret edinceye kadar vazîfe-i meşîhate Eyüb'de Nişanca'da Davudağa Mahallesi'nde vâki' Sertarîkzâde Dergâh-ı şerîfi şeyhi Hâfız Mehmed Râşid Efendi'yi tarafından resmen tevkîl etmiş ve mûmâ-ileyh Şeyh Râşid Efendi dahi umûr-ı vekâleti idâreye muktedir zevâtan bulunmakla ol vechile icâbının icrâsı için Evkâf-ı Hümâyûn Nezâret-i celîlesine emr ü havâle buyurulması bâbında emr ü fermân hazret-i veliyyü'l-emrindir.

Ali

IST_MFT_MSH_DFT02_01736_0001_0037

İzmir'de Şemsi Baba Dergâhı meşihatine mahallinden tayini teklif edilen kişinin icazetnamesinin, Ehl-i sünnet'e aykırı olması gerekçesiyle kabul edilmemesi.

- / Fî 19 Kânûn-ı sâni sene [1]331 [1 Şubat 1916] / - / - / - / - / - / - / - / -

65

Fî 12 Teşrîn-i sâni sene [1]331 târîh ve 1009 numara ve Ali Ulvî imzâlı işbu istid'â ve melfûfu mütâlâ'a ve tedkik edildi.

Bâhis-i mündericâtı: İzmir'de kâin Şemsi Baba Dergâhı meşihatine vilâyette müteşekkil komisyonca müntahab olduğundan makâm-ı Meşihat-penâhîlerince de tasdik ve tevfiik buyurulması istirhâmından ibâret ise de melfûfu bulunan ve havâletnâme tesmiye edilen babalık icâzetnâmesi bi'l-cümle erbâb-ı tarâikin üslûb-ı tahrîriyyesine min külli'l-vücûh mübâyin ve mezheb-i ehl-i sünnete külliyyen mugâyir ve muhâlif bulunmakla beraber meşihat-i mezkûrenin talebi hakkında bundan mukaddem Şemsi Baba evlâdından Fuad Efendi nâmındaki zâtın 462 numaralı muhavvel telgraf ve evrâk-ı müteferri'ası lede'l-mütâlâ'a Meclis-i dâ'iyânemizin 58 numaralı kararı üzerine Evkâf-ı Hümâyûn Nezâret-i celîlesine havâle buyurulması bâbında i'ade olduğundan bu istid'ânın da aynı mahzûrdan dolayı tervîci kâbil olamayacağından mezkûr dosya ile birleştirilmesi için işbu evrâkın nezâret-i müşârun-ileyhâya havâle buyurulması bâbında emr ü fermân hazret-i veliyyü'l-emrindir.

Ali

IST_MFT_MSH_DFT02_01736_0001_0038

Beylerbeyi Abdullahağa Mahallesi'nde Seyyid Şeyh Hacı Hüseyin Hıfzı Efendi bin Ali'nin yaptırdığı dergâhın postnişini Şeyh Seyyid Mehmed Said Efendi'nin vefatıyla, yerine büyük oğlu Seyyid Nesib Efendi'nin tayini.

Fî 23 Rebî'ülevvel sene [1]334 [29 Ocak 1916] / Fî 16 Kânûn-ı sâni sene [1]331 / - / - / - / - / - / - / - / -

64

Beylerbeyi'nde Abdullahağa Mahallesi'nde kâin evkâf-ı mülhakadan ve tarîkat-i aliyye-i Bedeviyye meşâyihinden es-Seyyid eş-Şeyh el-Hâc Hüseyin Hıfzı Efendi ibn-i Ali'nin binâ-kerdeleri olan dergâh-ı şerîfin postnişini iken bu kere irtihâl-ı dâr-ı na'im eden sülâle-i tâhire-i nebeviyye ve sâdât-ı aleviyyeden İmâm Zeynelabidin -radiyallâhu anh- efendimiz hazretlerinin evlâd-ı kirâmından eş-Şeyh es-Seyyid Mehmed Said Efendi merhûmdan inhilâl eden dergâh-ı mezkûr

meşihat ciheti Evkâf-ı Hümayûn Nezâreti Kuyûd-ı Vakfiyye Müdiriyyeti'nin fi 7 Kânûn-ı sâni sene [1]331 târîhli muhrec kaydından müstebân olduğu üzere ber-nehc-i şart-ı vâkıf merhûm-ı müşârun-ileyhin vefâtından sonra evlâdına ve evlâd-ı evlâdına ve evlâd-ı evlâd-ı evlâdının ekber ve eslah ve erşedine meşrûta olduğundan mağfûr-ı müşârun-ileyhin vefâtıyla terk eylediği ekber ve eslah ve erşed mahdûmu müderrisîn-i kirâm ve ulemâ-i zevi'l-ihirâmından mucîz ve ehliyeti ale'l-usûl Meclisce nümâyân olan Seyyid Nesib Efendi hazretleri beyne'l-akrân müşârun bi'l-benâm ve müsellemin-i enâm olup cihet-i mezkûreye her vechile ehak ve elyak olmağla şart-ı vâkıf ve Cihât Nizâmname-i Cedîdi'nin altıncı maddesi muktezâsınca cihet-i meşihatın müşârun-ileyh Seyyid Nesib Efendi hazretlerine tevcihi Meclis-i dâ'iyânemizce tensib olunmağla makâm-ı sâmi-i Fetvâ-penâhilerince de rehîn-i kabûl ve tasvib buyurulduğu takdîrde keyfiyyetin Evkâf-ı Hümayûn Nezâret-i celîlesine emr ü inbâsı bâbında emr ü fermân hazret-i veliyyü'l-emrindir.

Ali, Mehmed Abdülbâkî

IST_MFT_MSH_DFT02_01736_0001_0039

Fatih Sofular'da Alaaddin Efendi Dergâhı meşihatine ait deruhte ve vakfiye kayıtlarının Evkaf Nezâretinden istenmesi.

- / Fi 12 Kânûn-ı sâni sene [1]331 [25 Ocak 1916] / - / - / - / - / - / - / - / -

62

İşbu istid'âda mahkî Sofular'da Alaaddin Efendi Dergâhının vakfiyesiyle meşihati der'uhde kaydının muvazzahan beyânı zımında arzuhâlin mazrûfen Evkâf-ı Hümayûn Nezâret-i celîlesine irsâli menût-ı emr ü irâde-i aliyye-i Meşihat-penâhileridir ol bâbda emr ü fermân hazret-i veliyyü'l-emrindir.

Ali, Mehmed Abdülbâkî

IST_MFT_MSH_DFT02_01736_0001_0040

Bir dergâhın meşihatine tayinini talep eden şahsın devlet memuru olması nedeniyle, talebinin kabul edilmemesi.

- / Fi 12 Kânûn-ı sâni sene [1]331 [25 Ocak 1916] / - / - / - / - / - / - / - / -

63

Sâhib-i istid'â hizmet-i devlette müstahdem bulunmasına binâen Cihât Nizâmnamesi'nin 49'uncu maddesi mücebince cihetin mûmâ-ileyhe tevcihi kâbil olamadığından keyfiyyetin kendisine tefhîmi ve istid'ânın hıfzı bâbında Evrâk Müdiriyyet-i behiyyesine tevdi' kılındı.

Ali, Mehmed Abdülbâkî

IST_MFT_MSH_DFT02_01736_0001_0041

Kasımpaşa'da Aynî Ali Baba Dergâhı'nın iki odasının kiraya verilmesi sebebiyle, istenilen verginin affedilmesine dair dergâh şeyhi Mehmed Ensârî Efendi'nin talebi.

- / Fi 9 Kânûn-ı sâni sene [1]331 [22 Ocak 1916] / - / - / - / - / - / - / - / -

Kasımpaşa'da Bedreddin Mahallesi'nde kâin Aynî Ali Baba Dergâh-ı şerîfi şeyhi Mehmed Ensârî Efendi tarafından takdîmi pîş-gâh-ı Meşihat-penâhileri olunup Meclis-i dâ'iyânemize havâle

buyurulan işbu fî 8 Kânûn-ı sâni sene [1]331 târîh ve 1403 numaralı istid'â mütâla'a olundu. Mündericâtı: Dergâh-ı şerîfin dervîşânı odalarından ikisini hasbe'z-zarûre icâra verdiğiinden dolayı vergi me'mûrları tarafından talep olunan verginin affına dâir olup âidiyyeti cihetiyle Evkâf-ı Hümâyûn Nezâret-i celîlesine emr ü havâle buyurulması tezekkür olunmağla ol bâbda emr ü fermân hazret-i veliyyü'l-emrindir.

Ali, Mehmed Abdülbâki

IST_MFT_MSH_DFT02_01736_0001_0042

Eyüp'te Selim Efendi diğer adıyla Hatuniyye Dergâhı'nın tayinat ve muhassasatının miktarı ve taksimi.

		Sülüsü	
Evkâf'tan şehri piring	24	8	
Evkâf'tan şehri sadeyağ	18	6	
Evkâf'tan senevî zeyt	277	92	133
Evkâf'tan senevî ispermeçet	48	16	
Evkâf'tan yevmî lahm	8	2	260

	Guruş	Para	Guruş	Para
Mâhiye ta'âmiye	972	20	324	
Mâhiye nân bedeli Mâliye'den	535	30	178	23
Senevî mütevellî yedinden	1400		466	26
Ramazâniye	1000		333	13

Civâr-ı Hazret-i Hâlid'de kâin Selim Efendi nâm-ı diğer Hatuniyye Dergâhının muhassasât ve mu'ayyenâtı ber-vech-i bâlâ öteden beri teslîsen idâre olunmakta olup sülüsü dergâh-ı mezkûr şeyhi Âgâh Efendi'ye ve sülüsü fukarâ ve dervîşâna ve sülüsü şeyh vekili Vezîr İzzet Paşa Dergâhı şeyhi Abdullah Efendi'ye teslîm olunduğu.

Fî 6 Şubat sene [1]331 [19 Şubat 1916]

IST_MFT_MSH_DFT02_01736_0001_0043

Mahmutpaşa'da Çâlâk (Çaylak) Zaviyesi diğer adıyla Halil Efendi Dergâhı'nın zaviyedarı Mehmed Nûri Efendi'nin azledilmesi üzerine, yerine Leskovik Halveti Dergâhı şeyhi Muhyiddin Efendi'nin tayini.

Fî 2 Safer sene [1]334 [10 Aralık 1915] / Fî 27 Kânûn-ı evvel sene [1]331 / - / - / - / - / - / - / - / -60

Mahmutpaşa'da Çalak Zâviyesi demekle ma'rûf Halil Efendi Dergâhının Mehmed Nûri Efendi'nin ref' edilen zâviyedârlık cihetinin Leskovik Halveti Dergâh-ı şerif postnişini iken hicret eden Şeyh Muhyiddin Efendi uhdesine tevcihi hakkında Meclis-i Meşâyih mazbatası üzerine Evkâf-ı Hümâyûn Nezâret-i celîlesinin 49 numaralı fî 15 Teşrîn-i evvel sene [1]331 târîhli ve Şûrâ-yı Evkâfın 12 Teşrîn-i evvel sene [1]331 târîhli tahrîrâtı lede'l-mütâla'a Cihât Nizâmname-i Cedîdi'nin sekizinci maddesi mücebince li-eclî'l-müsâbaka i'lân-ı keyfiyyet olunmuş ise de

Huzûr-ı Meşihat-penâhîlerine

Reşâdet-meâb Efendim hazretleri

Civâr-ı Hazret-i Hâlid'de merhûm Selim Efendi hazretlerinin dergâh-ı şerîfi meşihat vekâletinden afv buyurulmaklığını niyâz ederim efendim hazretleri.

Fî 17 Saferü'l-hayr sene [1]332 [25 Aralık 1915]

Kapdan Paşa Dergâh-ı şerîfi postnişini Mehmed Fehmi bin Arif

IST_MFT_MSH_DFT02_01736_0001_0046

İzmir'de Kâtipoğlu mevkiindeki Karadutlu Dergâhı meşihatının Nakşibendî tarikatına mensup bir kişiye tevcih edilmesi gerektiğinin mahalline bildirilmesi.

Fî 24 Safer sene [1]334 / Fî 19 Kânûn-ı evvel sene [1]331 / - / - / - / - / - / - /

58

İzmir'de Kâtiboğlu mevki'inde Karadutlu Dergâh-ı şerîfinin Şemsi Baba evlâdından bulunmasına ve şart-ı vâkıf ise evlâda tevcihine muktezî olmasına binâen cihet-i meşihatın uhdesine tevcihi hakkında Fuad Efendi imzasıyla İzmir Evkâf Müdüriyeti'ne takdîm kılınan istid'â ve bu bâbda Aydın Vilâyeti Merkez kâdısı cânibinden mevrûd ve Evkâf-ı Hümayûn Nezâret-i celîlesinden makâm-ı âlî-i Meşihat-penâhiye takdîm ve Meclis-i dâ'iyânemize havâle buyurulan tahrîrât ve buna müteferri' evrâk lede'l-mütâlâ'a fi'l-hakîka cennet-mekân firdevs-âşiyân Sultân Mahmud Hân -aleyhi'r-rahmeti ve'l-gufrân- zamân-ı saltanatından beri Bektâşîyye nâmına dergâh tevcihi bâ-irâde-i seniyye ilgâ olunduğuna dâir fermân-ı hümayûn sâdır olduğundan ba'demâ sû'-i tefehhüme mahal kalmamak üzere vakfiyenin o sûretle tescili ile ehliyet ve kifâyeti Cihât Nizâmname-i Cedîdi mücebince bi'l-imtihân tahakkuk edecek olan meşâyih-i Nakşibendiyye'den eslah ve erşed bir zâta tevcihi muktezî bulunduğu tezekkür kılınmağla ol vechile ifâ-yı mu'amele olunması bâbında işbu evrâkın Evkâf-ı Hümayûn Nezâret-i celîlesine i'ade ve havâle buyurulması bâbında emr ü fermân hazret-i veliyyü'l-emrindir.

Ali, Mehmed Abdülbâkî

IST_MFT_MSH_DFT02_01736_0001_0047

Şemsi Baba evladından Fuad Efendi'nin telgrafı ve İzmir Kadılığı tahriratının Evkaf Nezâretine gönderilmesi.

Fî 19 Muharrem sene [1]334 [27 Kasım 1915] / Fî 24 Teşrîn-i sâni sene [1]331 / - / - / - / - / - / - / - /

Dört yüz altmış iki numaralı ve Şemsi Baba evlâdlarından Fuad imzalı işbu telgrafta mahkî İzmir Kâdılığı'nın tahrîrâtına melfûf vakıfnâme Meclis-i dâ'iyânemize değil merbûtan takdîm kılınan pusulada gösterildiği vechile mazrûfen Evkâf-ı Hümayûn Nezâret-i celîlesine havâle buyurulmuş olduğundan icâbının icrâsı bâbında işbu telgrafın nezâret-i müşârun-ileyhâya havâlesi menû't-ı re'y-i âlî-i Meşihat-penâhîleri olmağın ol bâbda emr ü fermân hazret-i veliyyü'l-emrindir.

Ali, Mehmed Abdülbâkî

IST_MFT_MSH_DFT02_01736_0001_0048

Sultan Mahmud Türbesi'nde hatm-i hâce vakfiye şartları ve deruhte kayıtlarının Evkaf Nezâretinden istenmesi.

Fî 25 Muharrem sene [1]334 [3 Aralık 1915] / Fî 21 Teşrîn-i sâni sene [1]331 / - / - / - / - / - / - / -

55

Sultân Mahmud Türbesinde

İşbu arzuhâlde mahkî türbe-i şerîfede hatm-i hâce şerâit-i vakfiyyesiyle der'uhde kaydının muvazzahan beyânı zımnında arzuhâlin mazrûfen Evkâf-ı Hümâyûn Nezâret-i celîlesine tesyârı menû-tı emr ü irâde-i aliyye-i Meşihat-penâhileridir ol bâbda emr ü fermân hazret-i veliyyü'l-emrindir.

Ali, Mehmed Abdülbâkî

IST_MFT_MSH_DFT02_01736_0001_0049

Bahsi geçen dergâh meşihatının Şeyh İzzet Efendi vekâletiyle, müteveffa dergâh şeyhi Ahmed Refik Efendi'nin küçük oğlu Receb İrfan Efendi'ye tevcihi.

Fî 8 Muharrem sene [1]334 [16 Kasım 1915] / Fî 3 Teşrîn-i sâni sene [1]331 / - / - / - / - / - / - / -

52

Dergâh-ı şerîf-i mezkûrun muhassasâtının pek cüz'î olmasına ve vekâletin ber-vech-i hasbî idâre olunmasına nazaran bi'z-zarûre tâlib-i hizmet-i vekâlet kimse zuhûr etmediğini ve on birinci madde mücebince mûmâ-ileyh Şeyh İzzet Efendi niyâbetiyle Şeyh Ahmed Refik Efendi mahlûlünden müteveffânın sagîr mahdûmu Receb İrfan Efendi'ye tevcihi tensîb kılındığı cevâben arz ve beyân olunur.

Ali, Mehmed Abdülbâkî

IST_MFT_MSH_DFT02_01736_0001_0050

Haseki'de Bayrampaşa Dergâhı şeyhi Ahmed Efendi'nin istifası üzerine, meşihate Taştekneler Dergâhı şeyhi Kemâl Efendi'nin vekâleten tayini.

Fî 8 Muharrem sene [1]334 [16 Kasım 1915] / Fî 3 Teşrîn-i sâni sene [1]331 / - / - / - / - / - / - / -

53

Aksaray civârında Haseki'de Bayrampaşa Dergâh-ı şerîfi şeyhi Ahmed Efendi'nin vukû'-ı isti'fâsına ve mûmâ-ileyhin hemşiresi tarafından takdîm ve Meclis-i dâ'iyânemize havâle buyuru-lan istid'â ve şeyh-i mezbûrun emrâz-ı asabiyyeye mübtelâ bulunmasından i'âde-i âfiyet edinceye kadar yerine bir vekîl nasbı istirhâm ve lede'l-mu'âyene dâire-i celîle-i Meşihat Tabâbetine izbâr ve i'lâm kılınmış ise de tabâbet-i mezkûre tarafından muharrer derkenâra nazaran kendisinin mu'âyeneden müstenkif bulunmasına ve esâsen dergâh-ı şerîfe âid eşyâ-yı vakfiyenin fûrûhtuna ve dolayısıyla hukûk-ı vakfın ziyâ'ına ictisâr eylemesine binâen müdâhale-i vâkı'asından men' ve

olduğu hâlde keyfiyetin Evkâf-ı Hümayûn Nezâret-i celîlesine irsâli menût-ı rey'-i âlî-i hazret-i Meşihat-penâhîleri olmağın ol bâbda emr ü fermân hazret-i veliyyü'l-emrindir.

Mehmed Abdülbâkî, Ali

IST_MFT_MSH_DFT02_01736_0001_0053

Fatih'te Emîr Buhârî Dergâhı şeyhi İsmâîl Efendi'nin vefatı üzerine, yerine Şeyh Mustafa Efendi'nin vekâleten tayini.

- / Fî 31 Teşrîn-i evvel sene [1]331 [13 Kasım 1915] / - / - / - / - / - / - / -

51

Sultân Fâtih civâr-ı sa'âdet-medârında kâin Emîr Buhârî -kuddise sırruhu'l-Bârî- hazretlerinin [dergâhı] şeyhi İsmâîl Efendi'nin vefâtıyla inhilâl eden cihâtın bir ehline tevcîh olununcaya kadar dergâh-ı şerîf-i mezkûrun kâffe-i umûr ve husûsunu rû'yet ve icrâ-yı âyîn-i tarîkat ve âyendegânın it'âm ve ta'âmına dikkat etmek üzere tekke-i mezkûr hulefâsından olup dersten mücâz salâh ve takvâsıyla beyne'l-emsâl muhtâr olup ehliyeti müsellemler bulunan Şeyh Mustafa Efendi Meclis-i dâ'iyânemizce âyîn-i şerîfin ve hıdemât-ı sâirenin icrâsına vekîl nasb ve ta'yîn olunduğundan dergâh-ı mezkûr muhassasât ve mu'ayyenâtının efendi-i müşârun-ileyhin müh-rüyle itâsı tensîb kılınmış olmağla keyfiyyet makrûn-ı müsâ'ade-i sâmiyye-i Cenâb-ı Meşihat-penâhîleri buyurulduğu takdirde Evkâf-ı Hümayûn Nezâret-i celîlesine emr ü iş'âr buyurulması bâbında emr ü fermân hazret-i veliyyü'l-emrindir.

Ali, Mehmed Abdülbâkî

IST_MFT_MSH_DFT02_01736_0001_0054

Tekkelerden gelen resmî malumatlara ait evrakların Sicil Müdüriyetine gönderilmesi.

Fî 17 Zilhicce sene [1]333 [26 Ekim 1915] / Fî 13 Teşrîn-i evvel sene [1]331 / - / - / - / - / - / - / -

47

Tekâyâdan vârid ve ma'lûmât-ı resmîyelerine âid evrâk-ı matbû'anın 92 adedi dahi merbûtan Sicil Müdüriyyet-i aliyyesine tevdi' kılındı.

Mehmed Abdülbâkî

IST_MFT_MSH_DFT02_01736_0001_0055

İstanbul ve bilâd-ı selâsedeki şeyhlerden istenen sicil varakası ve diğer evrakların bir an önce Meclis-i Meşâyihe gönderilmesi için ihtarnâme.

Fî 17 Zilhicce sene [1]333 [26 Ekim 1915] / Fî 13 Teşrîn-i evvel sene [1]331 / - / - / - / - / - / - / -

Dersâdet'te ve Bilâd-ı selâsede kâin tekâyâ ve zevâyâ-yı şerîfenin ma'lûmât-ı resmîyeleriy-le meşâyihiin zabt ve tescîl-i ahvâlî hakkındaki irâde-i Meşihat-penâhî mücebince Meclis-ce vukû' bulan teblîgât-ı mükerrereye rağmen ma'lûmât-ı resmîyye evrâkından bir takımları Meclis'e vürûd etmediği gibi sicill-i ahvâl varakalarından henüz onda biri gelmediği Sicil Müdüriyyeti'nin müzekkiresinden anlaşılmağla suhûlet olmak üzere tezkire-i Osmâniyye ve

icâzetnâme ve hilâfetnâme ve vesâik-i sâire sûretlerine hâcet olmayıp li-ecli'l-irâe asıllarıyla ancak imlâ edecekleri sicil varakalarını sür'at-i mümkin ile bizzât veya bi'l-vâsıta getirmelerinin ve aksi müstevceb-i mücâzât olacağıının son defa olarak merkeziniz dâhilindeki meşâyih-i kirâma tefhîm buyurulmaları kemâl-i ehemmiyetle ihtâr olunur.

Mehmed Abdülbâkî

IST_MFT_MSH_DFT02_01736_0001_0056

İstanbul ve bilâd-ı selâsedeki şeyhlerin tercüme-i hal varakalarını biran önce göndermeleri için tekke merkezlerine yapılan tebligatın Sicill-i Ahvâl Müdüriyetine bildirilmesi.

Fî 27 Zilhicce sene [1]333 [5 Kasım 1915] / Fî 13 Teşrîn-i evvel sene [1]331 / - / - / - / - / - / - / -

Fî 15 Zilhicce sene [1]333 ve fî 10 Teşrîn-i evvel sene [1]331 târîh ve 326 numaralı müzekkire-i aliyyeleri muktezâsınca Dersââdet ve Bilâd-ı selâsede kâin tekâyâ ve zevâyâ-yı şerîfe meşâyihine terâcim-i ahvâllerinin sür'at-i isrâsı hakkında tefhîm olunmak üzere merâkize bir kere daha teblîgât-ı mukteziye îfâ kılındığını mübeyyin işbu müzekkire Sicil Müdüriyyet-i aliyyesine tevdi' kılındı.

Mehmed, Abdülbâkî

IST_MFT_MSH_DFT02_01736_0001_0057-A

Nuruosmaniye'deki Çâlâk (Çaylak) Baba Dergâhı meşihatine tayin edilen Leskovik Halvetî Dergâhı şeyhi Muhyiddin Efendi'nin, vefat eden Şeyh Bekir Efendi'nin büyük oğlu Mehmed Efendi'ye aylık seksen kuruş vermeyi taahhüt ettiği senet.

Uhde-i dâ'iyâneme tevcih olunan Nuruosmaniye civârında kâin Çalak Baba Dergâh-ı şerîfi esbak şeyhi merhûm Bekir Efendi'nin büyük mahdûmu olup kût-ı yevmiyyeye muhtâc bir hâlde bulunan Mehmed Efendi'ye şehri seksen gurusu i'tâsını ta'ahhüd eylediğimi mübeyyin işbu senedim Meclis-i Meşâyih'e tevdi' kılındı.

Fî 29 Eylül sene [1]331 [12 Ekim 1915]

Sâbık Leskovik Halvetî Dergâhı şeyhi eş-Şeyh Muhyiddin

IST_MFT_MSH_DFT02_01736_0001_0057-B

Mahmutpaşa'da Çâlâk (Çaylak) Baba diğer ismiyle Halil Efendi Dergâhı meşihatine, Leskovik Halvetî Dergâhı eski şeyhi Muhyiddin Efendi'nin tayini.

Bihî

Mazbata

Evkâf-ı mülhakadan İstanbul'da Mahmudpaşa nezdinde kâin Çalak Zâviyesi demekle ma'rûf merhûm Halil Efendi Zâviyesinin zâviyedârlık ciheti vaktiyle Ebûbekir Efendi uhdesinde iken vefât etmesiyle evlâd-ı kibârından olup kût-ı yevmiyyeye muhtâc bir hâlde şâyân-ı âtîfet bulunan Mehmed'e şehri yüz elli gurusu vermek şartıyla müteveffânın diğer kebîr oğlu Mehmed Nûri Efendi'ye tevcih olunduğu hâlde mûmâ-ileyh bu kere tehyîc-i efkârı mucib beyânât-ı kâzibede bulunmak sûretiyle hükûmet-i askeriyenin verdiği emir ve tenbîhi bozduğu cihetle sekiz ay yirmi gün hapse mahkûm olmasına binâen zikrolunan cihet-i meşihat Şûrâ-yı Evkâf'ın 29 Haziran sene [1]331 târîhli kararı mücebince uhdesinden ref olunduğu ve meşihat-i mezkûrenin

meşrûtiyetine dâir bir kayıd ve sarâhat olmadığı bu bâbda mu'âmeleyi hâvî arzuhâle Evkâf-ı Hümâyûn Kuyûd-ı Kadîme Kaleminden evvel ve âhir yazılan derkenârlarda gösterilmiş ve Leskovik Halvetî Dergâhı postnişini iken oraların istilâ görmesinden dolayı Dersaâdet'e hicret eden ve münâsib bir dergâhın inhilâlinde kendisine tevcihi istid'âsında bulunan Şeyh Muhyiddin Efendi hakikaten sezâvâr-ı âtîfet sulehâdan ve hüsn-i sîret ashâbından olarak meşihat-i münhalle-i mezkûreye ehil ve münâsib görülmüş ve esâsen mesbûku'l-imtihân bulunmuş ve merfû'un-anhın biraderi olup kût-ı yevmiyyeye muhtâc bulunan mezkûru'l-ism Mehmed'e şehri seksen gurusu i'tâsını mûmâ-ileyh Muhyiddin Efendi bi't-ta'ahhüd bu bâbda bir de ta'ahhüd senedi i'tâ etmiş olduğundan mezkûr meşihat cihetininin mûmâ-ileyh Şeyh Muhyiddin Efendi'ye tevcihi nezd-i sâmi-i Meşihat-penâhîlerinde rehîn-i tasvib olduğu hâlde keyfiyyetin Evkâf-ı Hümâyûn Nezâret-i celîlesine havâlesi ve bu bâbda olan evrâkın merbûtan tesyâr ve itâre[si] menût-ı emr ü irâde-i aliyye-i hazret-i Fetvâ-penâhîleri olmağın ol bâbda.

Mehmed Abdülbâkî, Mehmed Gülşen

IST_MFT_MSH_DFT02_01736_0001_0057-C

Mahmutpaşa'da Çâlâk (Çaylak) Baba diğer ismiyle Halil Efendi Dergâhı meşihatine, Leskovik Halvetî Dergâhı eski şeyhi Muhyiddin Efendi'nin tayini.

Şûrâ-yı Devlet'in gayri devâirden masâlih-i şahsiyyeye dâir verilen mazbatalara mahsus varakadır Maliye Nezâreti Evrâk-ı Nakdiyye ve Levâzım Müdüriyeti

Kıymeti beş guruşdur

Sah

46

Evkâf-ı mülhakadan İstanbul'da Mahmudpaşa nezdinde kâin Çalak Zâviyesi demekle ma'rûf merhûm Halil Efendi Zâviyesinin zâviyedârlık ciheti vaktiyle Ebûbekir Efendi uhdesinde iken vefât etmesiyle evlâd-ı kibârından olup kût-ı yevmiyyeye muhtâc bir hâlde şâyân-ı âtîfet bulunan Mehmed'e şehri yüz elli gurusu vermek şartıyla müteveffânın diğer kebîr oğlu Mehmed Nûri Efendi'ye tevcih olduğu hâlde mûmâ-ileyh bu kere tehyic-i efkârı mûcib beyânât-ı kâzibede bulunmak sûretiyle hükûmet-i askeriyenin verdiği emir ve tenbîhi bozduğu cihetle sekiz ay yirmi gün hapse mahkûm olmasına binâen zikr olunan cihet-i meşihat Şûrâ-yı Evkâfın 29 Haziran sene [1]331 târihli kararı mücebince uhdesinden ref' olduğu ve meşihat-i mezkûrenin meşrûtiyetine dâir bir kayıd ve sarâhat olmadığı bu bâbda mu'âmeleyi hâvî arzuhâle Evkâf-ı Hümâyûn Kuyûd-ı Kadîme Kaleminden evvel ve âhir yazılan derkenârlarda gösterilmiş ve Leskovik Halvetî Dergâhı postnişini iken oraların istilâ görmesinden dolayı Dersaâdet'e hicret eden ve münâsib bir dergâhın inhilâlinde kendisine tevcihi istid'âsında bulunan Şeyh Muhyiddin Efendi hakikaten sezâvâr-ı âtîfet sulehâdan ve hüsn-i sîret ashâbından olarak meşihat-i münhalle-i mezkûreye ehil ve münâsib görülmüş ve esâsen mesbûku'l-imtihân bulunmuş olduğundan mezkûr meşihat cihetininin mûmâ-ileyh Şeyh Muhyiddin Efendi'ye tevcihi nezd-i sâmi-i Meşihat-penâhîlerinde rehîn-i tasvib olduğu hâlde keyfiyyetin Evkâf-ı Hümâyûn Nezâret-i celîlesine havâlesi ve bu bâbda olan evrâkın merbûtan tesyâr ve itâresi menût-ı emr ü irâde-i aliyye-i hazret-i Fetvâ-penâhîleri olmağın ol bâbda emr ü fermân hazret-i veliyyü'l-emrindir.

Fî 3 Zilhicce sene 1333 ve fî 29 Eylûl sene 1331 [12 Ekim 1915]

Meclis-i Meşâyih reisi / A'zâ / A'zâ

Ed-dâ'î / Ed-dâ'î / Ed-dâ'î

IST_MFT_MSH_DFT02_01736_0001_0058

Arzuhalde bahsi geçen dergâhın vakıf ve meşihat kayıtlarının Evkaf Nezâretinden istenmesi.

Fî 26 Zilka'de sene [1]333 [5 Ekim 1915] / Fî 23 Eylül sene [1]331 / - / - / - / - / - / - / - / -

İşbu arzuhâlde mahkî Dergâh-ı şerîfin şerâit-i vakfiyyesiyle meşihat der'uhdesi kaydının muvazzahan beyânı zımnında arzuhâlin mazrûfen Evkâf-ı Hümâyûn Nezâret-i celîlesine tesyârı menûat-ı emr ü irâde-i aliyye-i hazret-i Meşihat-penâhîleridir ol bâbda emr ü fermân hazret-i veliyyü'l-emrindir.

Ali, Mehmed Gülşen

IST_MFT_MSH_DFT02_01736_0001_0059

Üsküdar'da Bezciâde Karabaş Mehmed Muhyiddin Efendi Dergâhı'nın şeyhi ve mütevellisi Abdülhay Subhî Efendi'nin görevini devrettiği oğlu Abdüşşekûr Efendi'nin şehit olması üzerine, meşihatın tekrar kendisine tevcihi.

Fî 19 Zilka'de sene [1]333 / Fî 15 Eylül sene [1]331 / - / - / - / - / - / - / Fî 23 Zilka'de sene [1]333 [2 Ekim 1915] / Fî 19 Eylül sene [1]331

44

Üsküdar'da Kazasker Ahmedefendi Mahallesi'nde kâin tarikat-i aliyye-i Halvetiyye'den el-Hâc Murad bin Abdullah Efendi'nin Bezciâde Karabaş Mehmed Muhyiddin Efendi nâmına binâ eylediği dergâhın meşihat ve tevliyet cihetleri sinîn-i vefireden beri uhdesinde iken oğlu Abdüşşekûr Efendi'ye bi'r-rızâ kasr-ı yed eyleyerek hıdemât-ı mezkûreyi bi'l-vekâle ifâ etmekte bulunmuş ise de bu kere oğlunun şehîden vefât etmesine binâen ciheteyn-i mezkûreteynin tekrar uhdesine tevcihi hakkında Abdülhay Subhî Efendi tarafından verilen arzuhâl ve merbûtu varaka-i tahkikiyyenin leffiyile Şûrâ-yı Evkâftan mürsel 5 Eylül sene [1]331 târih ve 2158 numaralı müzekkirede müsted'î-i mûmâ-ileyhin esâsen sâhib-i cihet olması ve kasr-ı yed eyleyerek bu kere şehîd olan mahdûmuna da el-yevm vekâlet etmekte bulunması nazar-ı i'tibâra alınarak meşihat hakkındaki mu'âmele-i lâzimenin ifâsı isbât olunmuştur. Evrâk-ı ma'rûza miyânında bulunan varaka-i tahkikiyye mündericâtına nazaran fi'l-hakîka zâviye-i mezkûrenin zâviyedârlık cihetiyle ber-vech-i meşrûtiyyet tevliyeti Karabaş Mehmed Efendi'nin hulefâsından müsted'î Abdülhay Subhî Efendi'nin uhdesinde iken kebîr mahdûmu Abdüşşekûr Sâfi Efendi'ye tevcih olunmuş idiği ve zikrolunan zâviyenin tevhihânesiyle bi'l-cümle tevâbi' ve levâhıkı Karabaş Şeyh Mehmed Efendi'nin hulefâsına meşrût bulunduğu anlaşılmış ve ber-vech-i ma'rûz müsted'î-i mûmâ-ileyhin esâsen sâhib-i cihet olmağla beraber kasr-ı yedinden sonra da şehîd olan mahdûmuna vekâlet edegelmiş bulunması ve Karabaş Mehmed Efendi hulefâsından olması ve mesbûku'l-imtihân olduğu vaktiyle dergâh-ı mezkûra kendi mülkünü terk ve teberru' etmek sûretiyle de bânî-i sâni hükümünde bulunması mülâbesesiyle cihet-i mezkûrenin i'âdeten mûmâ-ileyhe tevcihi münâsib görülmüş ve bu bâbdaki evrâk merbûtan takdîm kılınmış olmağla nezd-i sâmi-i Cenâb-ı Meşihat-penâhîlerinde dahi rehîn-i tasvib ve tensib olduğu hâlde meşihat-i münhalle-i mezkûrenin müsted'î-i mûmâ-ileyh Abdülhay Subhî Efendi'ye tevcihi zımnında keyfiyyetin Evkâf-ı Hümâyûn Nezâret-i celîlesine havâlesi menûat-ı emr ü irâde-i aliyye-i hazret-i Fetvâ-penâhîleri olmağın ol bâbda.

Ali, Mehmed Abdülbâkî, Mehmed Gülşen

IST_MFT_MSH_DFT02_01736_0001_0060

İstanbul Davutpaşa İskelesi'nde Yokuşçeşme Sokağı'ndaki Bekâr Bey Dergâhı şeyhi olan ve Sinop'a sürgün edilen Mehmed Fuad Efendi'nin affedilerek görevine başlaması ve dergâhın tayinat ve muhassasâtının kendi mührüyle verilmesi.

Fî 16 Zilkâ'de sene [1]333 / Fî 12 Eylül sene [1]331 / - / - / - / - / - / Fî 16 Zilkâ'de sene [1]333 [25 Eylül 1915] / Fî 12 Eylül sene [1]331

Dersâdet'te Davudpaşa İskelesi civârında Yokuşçeşme sokağında Bekar Bey demekle ma'rûf Rifâ'î Dergâh-ı şerîfi şeyhi Mehmed Fuad Efendi hasbe'l-icâb Sinop'ta ikâmete me'mûr bulunduğu müddet Dergâh-ı şerîfin umûr ve husûsı alâ-tarîki'l-vekâle idâre olunmakta iken bu kere mazhar-ı afv-ı âlî olarak avdetine binâen kemâ-kân mu'ayyenât ve muhassasâtının efendi-i mûmâ-ileyhin mührüyle i'tâ olunması siyâkında işbu ilmühaber Evkâf-ı Hümâyûn Nezâret-i celîlesine takdîm kılındı.

IST_MFT_MSH_DFT02_01736_0001_0061

Belirtilen vakitte Meclis-i Meşâyihe gelmesi için bir dergâh şeyhine yapılan tebligat.

Fî 16 Zilkâ'de sene [1]333 [25 Eylül 1915] / Fî 12 Eylül sene [1]331 / - / - / - / - / - / - / -
Bir emr-i mühimmin müzâkerâtı için bu Salı günü behemehâl Meclis'e teşrîfiniz lâzımdır efendim.

Ali, Mehmed Abdülbâkî

IST_MFT_MSH_DFT02_01736_0001_0062

Nuruosmaniye'de Çâlâk (Çaylak) Baba Dergâhı Vakfı meşihat kaydının Evkaf Nezâretinden istenmesi.

Fî 9 Zilkâ'de sene [1]333 [18 Eylül 1915] / Fî 5 Eylül sene [1]331 / - / - / - / - / - / - / -

İşbu mu'ameleli evrâkta meşihat cihetinin Mehmed Nûri Efendi uhdesinden ref' olunduğu beyân olunan Nuruosmaniye'deki Çalak Baba Dergâhı Vakfının meşihat hakkındaki fıkra-i vakfiyyesinin muvazzahan iş'arı zımında işbu evrâkın mazrûfen Evkâf-ı Hümâyûn Nezâret-i celîlesine tesyârı menût-ı re'y-i âlî-i Hazret-i Meşihat-penâhileri olmağın ol bâbda emr ü fermân hazret-i veliyyü'l-emrindir.

Ali, Mehmed Abdülbâkî, Mehmed Gülşen

IST_MFT_MSH_DFT02_01736_0001_0063

Mercimek Dergâhı'nın vakıf ve meşihat kayıtlarının Evkaf Nezâretinden istenmesi.

2 Zilkâ'de sene [1]333 [11 Eylül 1915] / Fî 29 Ağustos sene [1]331 / - / - / - / - / - / - / -
41

Mercimek Dergâhı Meşihat-i Münhalesi Hakkında

İşbu mazbatada mahkî dergâh-ı şerîfin şerâit-i vakfiyyesiyle meşihati der'uhdesi kaydının muvazzahan beyânı zımında mazbatanın mazrûfen Evkâf-ı Hümâyûn Nezâret-i celîlesine tesyârı menût-ı emr ü irâde-i aliyye-i hazret-i Meşihat-penâhileridir ol bâbda emr ü fermân hazret-i veliyyü'l-emrindir.

Ali, Mehmed Gülşen

IST_MFT_MSH_DFT02_01736_0001_0064

İstenilen matbu evraklar ile tercüme-i hal varakalarının gönderilmesi için Rumelihisarı'nda Durmuş Baba Dergâhı şeyhi ve Beykoz'daki dergâhların şeylerine yapılan tebligat.

27 Şevvâl sene [1]333 / 25 Ağustos sene [1]331 / - / - / - / - / - / 27 Şevvâl sene [1]333 [7 Eylül 1915] / 25 Ağustos sene [1]331

Bihî

Rumelihisarı'nda Kâin Durmuş Baba ve Beykoz Dergâh-ı şerîfleri Postnişinliklerine

21 Ağustos sene [1]331/17 Ağustos sene [1]331 târîhli tezkire-i vâlâ cevâbıdır. Gönderildiği beyân olunan matbû' varakaların bir kısmı gelmiş ise de kısım-ı mütebâkisi henüz vürûd etmediği gibi tanzîm ve tesyârı evvel ve âhir tebliğ olunan tercüme-i hâl evrâkından da el-yevm hiçbir varaka gelmemiş olduğundan gerek zıkr olunan matbû' varakalar bakiyyesinin ve gerek tercüme-i hâl evrâkının iş'ârât-ı sâbika vechile tanzîm ve tesyârı himem-i vâlâlarından muntazırdır efendim.

IST_MFT_MSH_DFT02_01736_0001_0065

Eyüp Otakçılar'da Vezir Mustafa Paşa Dergâhı şeyhi Yahya Efendi'nin vefatı üzerine, yerine oğlu Mehmed Ali Can Efendi'nin tayini.

Fî 24 Şevvâl sene [1]333 [4 Eylül 1915] / Fî 22 Ağustos sene [1]331 / - / - / - / - / - / - / - / - / 39

Vezîr-i esbak merhûm Mustafa Paşa'nın Hazret-i Ebâ Eyyûb el-Ensârî -radiyallâhu anhü'l-Bârî-civârında Otakçılar'da kâin zâviyelerinde müteveffâ Yahya Efendi'den münhal meşîhatin oğlu Mehmed Ali Can Efendi'ye tevcîhi hakkında mukaddemâ Meclis-i dâ'iyânemizden tanzîm ve takdîm olunan mazbata üzere Şûrâ-yı Evkâf kararıyla Evkâf-ı Hümâyûn Nezâret-i celîlesinden bi'l-vürûd emr ü havâle buyurulan 9 Mayıs sene [1]331 târîh ve 819480/23 numaralı merbût tezkirede bu bâbdaki mevâdd-ı nizâmiyyeye tevfiķan mûmâ-ileyhin icrâ-yı imtîhânî lüzûmu iş'ârı kılınmış ve ber-vech-i iş'âr nizâmî dâiresinde icrâ olunan imtîhânda mûmâ-ileyh ibrâz-ı âsâr-ı ehliyet eylemiş olmağla cihet-i meşîhat-i mezkûrenin mûmâ-ileyhe icrâ-yı tevcîhi muvâfık-ı emr ü irâde-i aliyeye-i Cenâb-ı Meşîhat-penâhîleri olduğu takdirde keyfiyyetin bâ-tezkire-i cevâbiyye nezâret-i müşârun-ileyhâya iş'ârı menût-i re'y-i âlî-i müsâ'ade-i celîle-i hazret-i Fetvâ-penâhîleri olmağın ol bâbda emr ü fermân hazret-i veliyyü'l-emrindir.

Ali, Mehmed Abdülbâkî

IST_MFT_MSH_DFT02_01736_0001_0066

Tekkelerden gelecek resmî evraklarla tercüme-i hal varakalarının, ulaştığı zaman Sicil Müdüriyetine teslim edilmesi.

Fî 20 Şevvâl sene [1]333 [31 Ağustos 1915] / Fî 18 Ağustos sene [1]331 / - / - / - / - / - / - / - / - / İrâde-i isâbet-âde-i hazret-i Meşîhat-penâhî mûcib-i âlîsınca meşâyih-i kirâmın tescîl-i ahvâlî ve tekâyânın ma'lûmât-ı resmiyyelerinin ol bâbdaki evrâk-ı matbû'aya imlâ ve irsâlî hakkında mukaddemâ ta'mîmen sebk eden iş'âr üzerine vürûd eden () kıt'a matbû' varaka ile () kıt'a tercüme-i hâl varakası merbûtan takdîm kılınmış ve henüz vürûd etmeyen evrâkın sür'at-i

IST_MFT_MSH_DFT02_01736_0001_0069

Matbu evraklar ile tercüme-i hal varakalarını on beş güne kadar göndermeyen şeyhlerin maaş ve tahsisatlarının kesileceğine dair tekke merkezlerine yapılan tebligat.

Fî 17 Şevvâl sene [1]333 [28 Ağustos 1915] / Fî 15 Ağustos sene [1]331 / - / - / - / - / - / - / - / -
Reşâdetlü Efendim

Meşâyih-i kirâmın tescil-i ahvâli zımında mukaddemâ bâ-emr-i âlî-i hazret-i Meşihat-penâhî taleb olunan tercüme-i hâl varakalarıyla matbû' evrâk-ı resmiyye ekser mahallerden henüz imlâ ve isrâ olunmamış ve bunların nihâyet on beş güne kadar tanzim ve tesyârî ve müddet-i mezkûre zarfında da göndermeyen olur ise ma'âş ve muhassasâtı kat' olunacağını te'kidten tebliğ ve iş'ârı Sicil Müdiriyyeti'nden ifâde kılınmış olmağla bu bâbda tehhüra meydan verilmemek üzere tesrî-i ifâ-yı muktezâsı husûsuna himem-i vâlâ-yı reşâdet-penâhîleri masrûf buyurulması ricâ olunur efendim.

Ali, Mehmed Abdülbâkî, Mehmed Gülşen

IST_MFT_MSH_DFT02_01736_0001_0070

Tophane'nin Sakabaşı Mahallesi'nde, Fındıklı yangınında yanan Gülşenî Tatar Şeyh Hasan Efendi Dergâhı'nın şeyhi Ahmed Cemâl Efendi'nin vefatıyla, geride kalan hanımı ile çocuklarına dergâh tahsisatının verilmesi talebi.

Fî 13 Şevvâl sene [1]333 [24 Ağustos 1915] / Fî 11 Ağustos sene [1]331 / - / - / - / - / - / - / - / -
34

Tophâne'de Sakabaşı Mahallesi'nde kâin Gülşenî Tatar Şeyh Hasan Efendi Dergâhı meşihatının müteveffâ Ahmed Cemâl Efendi mahlûlünden Eşref Efendi niyâbetiyle sagîr oğlu Mehmed Efendi'ye tevcihi mukaddemâ tanzim ve takdim olunan mazbata üzerine Evkâf-ı Hümayûn Nezâret-i celîlesinden bi'l-vürûd havâle buyurulan fî 3 Ağustos sene [1]331 târîhli merbût tezkirede niyâbet-i mezkûre için i'lân-ı müsâbaka lüzûmu beyân olunmuş ise de Fındıklı harîkinde muhterik olmasıyla hâlen bi'n-niyâbe tevcihine lüzûm görülememiş dergâh-ı mezkûr ahîran şu kadar var ki meskensiz ve bi-vâye kalan merhûmun evlâdlarıyla haremi Fatıma Hanım'a medâr-ı ma'îşet olmak ve âtiyen dergâhın inşâ ve ihyâsında oraya şeyh olması lâzım gelen kebîr mahdûmunun tahsîli emrinde sarf olunmak üzere dergâh-ı mezkûra muhassas yüz gurus ma'âşın fakr u zarûretlerine binâen kendilerine devâm-ı i'tâsı mûmâ-ileyhâ Fatıma Hanım tarafından mütevâliyen mürâca'atla istirhâm kılınmakta bulunmuş olduğundan makrûn-ı lütf ve müsâ'ade-i celîle-i hazret-i Meşihat-penâhîleri olduğu hâlde o vech ile icrâ-yı icâbı husûsunun bâ-tezkire-i cevâbiye emr ü inbâsı ve bu husûs hakkında mukaddemâ nezâret-i müşârun-ileyhâdan vürûd eden evrâkın da i'âdeten isrâsı menût-ı emr ü irâde-i aliyye-i Cenâb-ı Meşihat-penâhîleri olmağın ol bâbda emr ü fermân hazret-i veliyyü'l-emrindir.

Ali, Mehmed Abdülbâkî, Mehmed Gülşen

IST_MFT_MSH_DFT02_01736_0001_0071

Haseki'de Bayrampaşa Dergâhı şeyhi Ahmed Efendi'nin Meşihat Dairesi Tabibliğince muayenesinin yapılması için Meclis-i Meşâyih çağırılması.

Fî 13 Şevvâl sene [1]333 / Fî 11 Ağustos sene [1]331 / - / - / - / - / - / - / Fî 13 Şevvâl sene [1]333
[24 Ağustos 1915] / Fî 11 Ağustos sene [1]331

Bihî

33

Haseki'de kâin Bayrampaşa Dergâhı şeyhi Ahmed Efendi'nin vukû'-ı isti'fâsına ve mûmâ-ileyhin emrâz-ı asabiyeye mübtelâ olduğundan bahisle i'âde-i âfiyetine kadar yerine bir vekîl ta'yîni hakkında hemşiresi Vasfiye Hanım tarafından verilen istid'âya binâen mûmâ-ileyh şehr-i hâl-i Rûmî'nin on beşinci Cumartesi günü Meclis'e mürâca'at etmesi lüzûmu kendisine tebliğ edilmiş olmağla mûmâ-ileyh icrâ-yı mu'ayenesiyle neticesinin inbâsı zımnında keyfiyyetin dâire-i celîle tabâbetine emr ü havâle buyurulması bâbında.

Hasköy'de Bayrampaşa Dergâhı Şeyhi Reşâdetlü Ahmed Efendi'ye

Bazı istizâhât zımnında önümüzdeki cumartesi günü behemehâl Meclis'e gelmeleri ricâ olunur efendim.

Ali, Mehmed Abdülbâkî, Mehmed Gülşen

IST_MFT_MSH_DFT02_01736_0001_0072

Aksaray Horhor'daki Hindîler Dergâhı şeyhi Abdullah Efendi'nin, görevden azledilen önceki şeyh Aziz Efendi'nin kız kardeşi ile üvey validelerine aylık yüz elli kuruş ödemesinin kendisine tebliği.

Fî 6 L. sene [1]333 / Fî 4 Ağustos sene [1]331 / - / - / - / - / - / Fî 6 L. sene [1]333 [17 Ağustos 1915] / Fî 4 Ağustos sene [1]331

Aksaray'da Horhor'da kâin Hindîler Dergâhı meşihatının Aziz Efendi uhdesinden hîn-i ref'inde hemşiresiyle üvey vâlidesi hanımların ma'îşetlerine medâr olmak üzere şeyh-i lâhık Abdullah Efendi tarafından ma'lûmü'l-mikdâr yağ ve pirinç ve lahm i'tâsı Meclisce taht-ı karâra alınmış idi bu kere şeyh-i lâhık mûmâ-ileyhe müracaatla mûmâ-ileyhimâya ayniyât i'tâsı müşkilâtı ve beynlerinde ihtilâf zuhûrunu müstelzem olmakta idiğinden bahisle icrâ-yı icâbını ifâde eylemiş ve lede'l-müzâkere mûmâ-ileyhimânın fakr u zarûretlerine binâen muhassas olan nafakaları karşılığının bütün bütün kat'ı uyamayıp ancak kendilerinin de perîşânî-i ahvâlini mûcib olmamak üzere aynen erzâk i'tâsından sarf-ı nazarla şehrî yüz elli gurus i'tâsı bi't-tensîb keyfiyyet şeyh-i lâhık tebliğ edilmiş olmağla o vech ile mûmâ-ileyhimâya şehrî ancak yüz elli gurus i'tâsı zımnında işbu müzekkire şeyh-i lâhık-ı mûmâ-ileyhe tebliğ ve tevdî' kılındı.

Ali, Mehmed Abdülbâkî, Mehmed Gülşen

IST_MFT_MSH_DFT02_01736_0001_0073

Tophane Sakabaşı Mahallesi'nde Gülşenî Tatar Şeyh Hasan Efendi Dergâhı şeyhi Ahmed Cemâl Efendi'nin vefatı üzerine, meşihatın Cihangir Dergâhı şeyhi Eşref Efendi'nin vekâletinde müteveffanın oğlu Mehmed Efendi'ye tevcihi.

Fî 30 Şa'bân sene [1]333 / Fî 30 Haziran sene [1]331 / - / - / - / - / - / Fî 30 Ş. sene [1]333 [12 Temmuz 1915] / Fî 30 Haziran sene [1]331

29

Evkâf-ı mülhakadan Tophâne'de Sakabaşı Mahallesi'nde kâin Gülşenî Tatar Şeyh Hasan Efendi Zâviyesi Vakfının süknâ-yı zâviyye ile meşihat ve tevliyet cihetlerine bâ-berât-ı âliye mutasarrıf

“Garbî Karaağaç kazâsında Niyazlar karyesindeki Niyazî Baba Dergâhı meşîhat imtihanı için Evkâf-ı Hümâyûn Nezâret-i celîlesinin 3 Haziran sene [1]331 târîhli tezkiresi üzerine tertîb edilen es’iledir.”

“S 1. Tarîkat neye derler ve tarîkate sülûkden maksad nedir?

2. Âdâb-ı tarîk nedir?

3. Merâtib-i nefis nedir?”

IST_MFT_MSH_DFT02_01736_0001_0079

Sultanahmet'te Kabasakal Sinanağa Mahallesi'ndeki Hâce Fatma Hanım Tekkesi'nin yanmasıyla, arsasının şehremanetince istimlak edilmesi ve dergâh meşihatının tevcihine gerek kalmaması.

Fî 16 Ş. sene [1]333 / Fî 16 Haziran sene [1]331 / - / - / - / - / Fî 16 Ş. sene [1]333 [29 Haziran 1915] / Fî 16 Haziran sene [1]331

Karâr-ı meclis numarası: 24

Sultânahmet'te Kabasakal Sinanağa Mahallesi'nde Hâce Fatıma Hanım Tekkesi Hakkında Evkâf-ı Hümâyûn Nezâret-i celîlesinden mevrûd melfûf tezkire ile merbûtâtında mahkî Sultânahmet'te Sinanağa Mahallesi'ndeki dergâhın ihrâkıyla arsasının Şehremânetince istimlak edildiği bu bâbda Müfettiş Osman Bey tarafından verilen raporda beyân olunmasına nazaran meşîhatın tevcihine mahal olmadığından keyfiyyetin bâ-tezkire-i aliyye nezâret-i müşârun-ileyhâya cevâben iş'ârı menût-ı emr ü irâde-i aliyye-i hazret-i Fetvâ-penâhîleri olmağın ol bâbda.

Ali, Mehmed Abdülbâkî, Mehmed Gülşen

IST_MFT_MSH_DFT02_01736_0001_0080

Nuruosmaniye'de Çâlâk (Çaylak) Dergâhı şeyhi Mehmed Nûri Efendi hakkında Şûrâ-yı Evkaf tarafından yapılmakta olan muamelenin Evkaf Nezâretinden öğrenilmesi.

Fî 13 Ş. sene [1]333 / Fî 13 Haziran sene [1]331 / - / 33 / 225 / - / - / - / Fî 13 Ş. sene [1]333 [26 Haziran 1915] / Fî 13 Haziran sene [1]331

23

Nûruosmâniye'de kâin Çaylak Dergâhı şeyhi Mehmed Nûri Efendi hakkında bi'l-muhâbere Dîvân-ı Harb-i Örfî Riyâsetinden takdîm olunup Meclis-i dâ'iyânemize havâle buyurulan fî 22 Mayıs sene [1]331 târîhli tezkirenin leffiyle mûmâ-ileyhin emsâli cihât ashâbı hakkında Şûrâ-yı Evkâfca ne yolda mu'âmele yapılmakta olduğunun ve mûndericât-ı tezkireye nazaran cihet-i meşîhatın ref'i lâzım gelip gelmeyeceğinin bâ-tezkire-i aliyye Evkâf-ı Hümâyûn Nezâret-i celîlesinden istifsârı menût-ı emr ü irâde-i aliyye-i hazret-i Meşîhat-penâhîleri olmağın ol bâbda emr ü fermân hazret-i veliyyü'l-emrindir.

Ali, Mehmed Abdülbâkî, Mehmed Gülşen

zâviyedârlığının müteveffâ-yı mûmâ-ileyhin sagîr oğlu Rıza Efendi'ye bi'n-niyâbe tevcihi lâzım geldiğinden ve cihet-i mezkûrenin uhdesine tevcihi talebinde bulunan Dersââdet'te mukîm Dârüşşafaka Arabî mu'allim-i sâbıkı Hasan Tahsin Efendi'nin kabûl-i niyâbetle mahallinde ikâmeti ta'ahhüd eylediği takdîrde mücerred imtihân için mahalline azîmetine lüzûm olmayıp Meclis-i Meşâyihce imtihânının icrâsı mücâz idiğinden bahisle o vechile icrâ-yı iktizâsı Evkâf-ı Hümâyûn Nezâret-i celîlesinden bi't-takdîm Meclis-i dâ'iyânemize havâle buyurulan 20 Mayıs sene [1]331 târîhli tezkirede iş'âr olunmuş ve ber-mûceb-i iş'âr mûmâ-ileyh Hasan Tahsin Efendi'nin icrâ kılınan imtihânında Meclisce mu'ayyen olan yüz numaradan yetmiş dokuz numaraya kesb-i istihkâk ile ibrâz-ı ehliyet eylemiş olduğundan cihet-i münhallenin müteveffâ-yı mûmâ-ileyh mahlûlünden bi'n-nefs ifâ-yı hizmete iktidâr kesb edinceye kadar Hasan Tahsin Efendi tarafından niyâbetiyle ifâ-yı hizmet olunmak üzere sagîr-i mezbûra tevcihi nezd-i sâmi-i Cenâb-ı Fetvâ-penâhîlerinde dahi rehîn-i tensîb olduğu takdîrde keyfiyyetin nezâret-i müşârun-ileyhâya emr ü havâlesi menû-tı re'y-i âlî-i Cenâb-ı Meşihat-penâhîleri olmağın ol bâbda emr ü fermân hazret-i veliyyü'l-emrindir.

Mehmed Abdülbâkî, Mehmed Gülşen

IST_MFT_MSH_DFT02_01736_0001_0084

Samsun'un Zeylan köyündeki Nakşibendi Tekkesi'nin deruhte kaydı ile meşihate ait vakfiye kaydının Evkaf Nezâretinden istenmesi.

Fî 29 Receb sene [1]333 [12 Haziran 1915] / Fî 30 Mayıs sene [1]331 / - / - / - / - / - / - / - / - Samsun kazâsında Zeylan karyesinde tarîkat-i Nakşîyye'ye mensûb tekkenin meşihati hakkında Dergâh-ı mezkûr der'uhdesi kaydının ve vakfiyesi var ise meşihat hakkında fıkrasının inbâsı zımında işbu arzuhâlin mazrûfen Evkâf-ı Hümâyûn Nezâret-i celîlesine irsâli menû-tı emr ü irâde-i aliyye-i Cenâb-ı Meşihat-penâhîleridir ol bâbda emr ü fermân hazret-i veliyyü'l-emrindir.

Mehmed Abdülbâkî, Mehmed Gülşen

IST_MFT_MSH_DFT02_01736_0001_0085

Eyüb'te Mihrişah Vâlide Sultan Türbesi'nin hatm-i hâcegân ciheti mutasarrıfı Hacı Mehmed Sâlih Efendi'nin vefatı üzerine, yerine Mustafapaşa Dergâhı müdavimlerinden oğlu Sâlih Efendi'nin tayini.

Fî 26 C. sene [1]333 / Fî 28 Nisan sene [1]331 / - / - / - / - / - / - / Fî 3 Receb sene [1]333 [17 Mayıs 1915] / Fî 5 Mayıs sene [1]331

Merhûme Mihrişah Vâlide Sultân hazretlerinin Eyüb'de kâin türbe-i şerîfelerinde hatm-i hâcegân cihetine mutasarrıf olan el-Hâc Mehmed Sâlih Efendi'nin vefâtına mebnî münhal olan cihet-i mezkûreye ber-mûceb-i şart-ı vâkıf ehlinin ta'yîn ve inbâsı hakkında Şûrâ-yı Evkâftan muhavvel evrâk miyânında bulunan vâkıfe-i müşârun-ileyhânın vakfiyesinde Eyüb'de İdris Köşkü nâm mahalde kâin Özbekî Abdullah ve Şeyh Murad Efendi ve Şâhsultân ve Mustafa Paşa Zâviyesi demekle ma'rûf dört aded zâviyenin şeyhi olan efendilerden lede'l-imtihân hangisinin ilm ü fazlı zâhir olur ise ol şeyh efendi, kezâlik dört aded zâviyenin dervîşânından istihkâkı nümâyân olan on iki nefer dervîşân ile beher hafta Pazar ve Perşembe günleri ba'de salâti'l-asr türbe-i şerife-i mezkûrede halka-bend cem'iyet olup hatm-i hâcegân ba'de kelime-i tevhîd-i

şerîf tilâvet ve kırâet ve cehren zikrullâh ve du‘â etmesi ve gerek şeyh-i merkûm ve gerek on iki nefer dervîşandan birinin vefâtında mutasarrıf olduğu cihet âhar zâviyeden ve ecânibden olan ve nâ-ehle verilmeyip ancak dört aded zâviyeden olmak üzere hatm-i hâcegân ve kelime-i tevhîd zikrine muktedir olduğu tebeyyün eden zâta tevcîh olunması mastûr bulunmuş ve müteveffâ-yı mûmâ-ileyh el-Hâc Mehmed Sâlih Efendi'den inhilâl eden cihet-i mezkûreye merhûmun mahdûmu ve Mustafapaşa Zâviyesi müntesibîninden bulunan Sâlih Efendi'nin mülâzemeten hatm-i hâceye ve kelime-i tevhîde müdâvim ve sulehâdan bulunduğu Mustafapaşa şeyhi tarafından i'tâ olunan şehâdetnâmede gösterilmiş ve hizmet-i mezkûreyi ifâya ehliyet ve liyâkati Meclis-ce tebeyyün etmiş olduğundan Cihât Nizâm-nâmesi'nin kırk altıncı maddesi ahkâmına tevfiikan müteveffâ-yı mûmâ-ileyh el-Hâc Mehmed Sâlih Efendi'den inhilâl eden cihet-i mezkûrenin mûmâ-ileyh Sâlih Efendi uhdesine bi't-tevcîh yedine berât-ı âlî i'tâsı zımında işbu mazbata-i dâ'iyânemize işâret-i aliyye-i Cenâb-ı Fetvâ-penâhî keşîdesiyle Evkâf-ı Hümâyûn Nezâret-i celîlesine irsâli menût-ı rey'-i sâmi-i hazret-i Meşîhat-penâhîleri olmağın ol bâbda emr ü fermân hazret-i veliyyü'l-emrindir.

Mehmed Abdülbâkî, Gülşen Efendi rahatsız olduğu, Es'ad

IST_MFT_MSH_DFT02_01736_0001_0086

Eyüp'te Mihrişah Vâlide Sultan Türbesi'nin hatm-i hâcegân şeyhliği ciheti mutasarrıfı Şeyh Ebulfeyz Efendi'nin vefatı üzerine, yerine Şeyh Murad Zaviyesi şeyhi Abdülkâdir Efendi'nin tayini.

Fî 26 C. sene [1]333 / Fî 28 Nisan sene [1]331 / - / - / - / - / - / Fî 26 C. sene [1]333 [11 Mayıs 1915] / Fî 28 Nisan sene [1]331

Eyüb'de Bostan İskeleyi kurbünde kâin Mihrişah Vâlide Sultân Türbe-i şerîfesinde şeyh-i hatm-i hâcegân ciheti mutasarrıfı Şeyh Ebulfeyz Efendi'nin vefâtıyla cihet-i mezkûrenin inhilâlîne ve kuyûd-ı vakfiyyeden muhrec hülâsa-i vakfiyyeye nazaran zikrolunan cihetin Eyüb'de kâin Özbekî Abdullah Efendi ve Şeyh Murad Efendi ve Şâh Sultân ve Otakçılar'da kâin Mustafapaşa zâviyelerinin şeyhleri olan zevâtta lede'l-imtihân hangisi a'lem ve efdal ve elyak olduğu tebeyyün eder ise ona tevcîhi lâzım geleceği anlaşılmış olmağla bunlardan Özbekî Abdullah Efendi Zâviyesi şeyhinin Sinop'ta bulunmasından imtihân ve re'yi istihsâl edilemeyeceğinden Şâh Sultân ve Mustafapaşa zâviyelerinin şeyhleri de müsâbakadan istinkâf ile kıdem ve ehliyeti kendilerince de muhakkık olan Şeyh Murad Zâviyesi şeyhi Abdülkâdir Efendi'yi kendilerine tercîh ederek meşîhat-i mezkûrenin müşârun-ileyhe tevcîhine râzı olduklarını beyân ve ifâde eylediklerinden müsâbakaya hâcet kalmadığı gibi müşârun-ileyh Şeyh Abdülkâdir Efendi ise zâten irşâd ve terbiye-i mürîdâne ile meşgûl ve ez-her cihet muktedir ve erbâb-ı fazl ü kemâlden olduğundan Meclis-i dâ'iyânemizce ehliyet ve liyâkati ez-her cihet ma'lûm ve cümlece müsellemlen olan şeyh-i müşârun-ileyhe tevcîhi tensib edilmiş olmağla ol bâbda emr ü fermân hazret-i veliyyü'l-emrindir.

Mehmed Abdülbâkî, Es'ad

IST_MFT_MSH_DFT02_01736_0001_0087

Antalya'da Açıkbaş diğer ismiyle Yusuf Dede Zaviyesi postnişini Ali Baba ile Köse Ahmed Efendi arasındaki anlaşmazlığın sebebinin mahallinden öğrenilmesi.

Fî 19 C. sene [1]333 / Fî 21 Nisan sene [1]331 / - / - / - / - / - / Fî 19 C. sene [1]333 [4 Mayıs 1915] / Fî 21 Nisan sene [1]331

Müsted'î-i mûmâ-ileyh Ali Baba'nın Konya vilâyeti dâhilinde Antalya sancağında vâki' Açıkbaş nâm-ı diğer Yusuf Dede Zâviyesinin postnişini olduğu mûmâ-ileyhin yedinde mevcûd vakfiye ve sâirden müstebân oluyor ise de derûn-ı istid'âda mezkûr Köse Ahmed Efendi tarafından vukû' bulan mu'âraza ve müdâhalenin esbâbı, Meclis-i dâ'iyânemizce mechûl bulunduğundan keyfiyyetin evvelemirde mahallinden isti'lâmı husûsuna müsâ'ade-i celîle-i Fetvâ-penâhîlerinin erzân buyurulması bâbında emr ü fermân hazret-i veliyyü'l-emrindir.

Mehmed Abdülbâkî, Es'ad

IST_MFT_MSH_DFT02_01736_0001_0088

Nuruosmaniye'deki Çâlâk (Çaylak) Dergâhı şeyhi Mehmed Nûri Efendi'nin hapis cezası almasından dolayı meşihatten azledilip edilmeyeceğinin Dîvân-ı Harb-i Örfiden sorulması.

Fî 17 R. sene [1]333 / Fî 19 Mayıs sene [1]331 / - / - / - / - / - / Fî 17 R. sene [1]333 [4 Mart 1915] / Fî 19 Mayıs sene [1]331

18

Nûruosmâniye'de kâin Çalak Dergâhı şeyhi Mehmed Nûri Efendi'nin Dîvân-ı Harb-i Örfice taht-ı mahbûsiyete alındığı evrâk-ı havâdiste görülmesine mebnî âtiyen tahakkuk edecek hâle göre mu'âmele-i lâzime ifâ olunmak ve hâlen mûmâ-ileyhin dergâhta âilesi dûçâr-ı muzâyaka olmamak ve âyîn-i tarîk dahi sekte ve teehhura uğramamak üzere şimdilik mûmâ-ileyhin biraderi Şeyh Tevfîk Efendi tevkîl edilmiş ve dergâha âid muhassasâtın mûmâ-ileyh Tevfîk Efendi'nin mührüyle i'tâsı bâ-müzekkire Levâzım İdaresine iş'âr kılınmış ise de mûmâ-ileyh Nûri Efendi'nin keyfiyyet ve müddet-i mahbûsiyetinin ve uhdesindeki cihetin ref'ini mûcib bir hâli olup olmadığının Dîvân-ı Harb-i Örfiden bâ-tezkire istifsârı menût-ı emr ü irâde-i aliyye-i hazret-i Fetvâ-penâhîleridir ol bâbda.

Mehmed Abdülbâkî, Mehmed Gülşen

IST_MFT_MSH_DFT02_01736_0001_0089

Üsküdar'daki Şeyh Selim Efendi Dergâhı postnişini Osman Nûri Efendi'nin vefatı üzerine, meşihatın Üsküdar dersiâmlarından Ahmed Efendi'nin niyâbetinde müteveffanın oğlu Hâşim Efendi'ye tevcihi.

Fî 16 C. sene [1]333 / Fî 18 Nisan sene [1]331 / - / - / - / - / - / Fî 16 C. sene [1]333 [1 Mayıs 1915] / Fî 18 Nisan sene [1]331

Üsküdar'da kâin Şeyh Selim Efendi Dergâh-ı şerîfi postnişini pederi Osman Nûri Efendi'nin vukû'-ı vefâtına mebnî dergâh-ı mezkûr meşihatının uhdesine tevcihi hakkında mûmâ-ileyhin mahdûmu Hâşim Efendi tarafından verilen arzuhâl mündericâtıyla zahrındaki Kuyûd-ı Vakfiyye İdaresi'nden muharrer derkenâr mütâla'a olundu. Mûmâ-ileyh Hâşim Efendi sagîrû's-sin

olmasına binâen bizzât ifâ-yı hizmete kesb-i iktidâr edinceye kadar cihet-i mezbûrenin bi'n-niyâbe tevcihi muktezî bulunmuş olduğundan Üsküdar müciz dersi'âmlarından ve erbâb-ı salâh ve takvâdan ve tarikat-i aliyye-i Nakşibendiyye ricâlinden Ahmed Efendi bi'l-imtihân isbât-ı liyâkat eylediği cihetle ber-vech-i hasbî efendi-i mûmâ-ileyhin niyâbetiyle meşihat-i mezkûrenin sagır-i mûmâ-ileyh Haşim Efendi uhdesine tevcihi zımında işbu mazbata-i dâ'iyânemizin işâret-i aliyye-i Cenâb-ı Fetvâ-penâhileriyle bi't-tevşih Evkâf-ı Hümâyûn Nezâret-i celîlesine irsâli menût-ı re'y-i âlî-i Fetvâ-penâhileri olmağın ol bâbda emr ü fermân hazret-i veliyyü'l-emrindir.

Mehmed Abdülbâkî, Mehmed Gülşen, Es'ad

IST_MFT_MSH_DFT02_01736_0001_0090

Meclis-i Meşâyihe verilen arzuhalde bahsedilen hususun mahallinden sorulması.

Fî 5 C. sene [1]333 [20 Nisan 1915] / Fî 7 Nisan sene [1]331 / - / - / - / - / - / - / -

İşbu arzuhâlin mündericâtından bahs ile keyfiyyetin evveleminde mahallinden isti'lâm olunması menût-ı re'y-i âlî-i hazret-i Meşihat-penâhileridir ol bâbda emr ü fermân hazret-i veliyyü'l-emrindir.

IST_MFT_MSH_DFT02_01736_0001_0091

Bir yıl zarfında Meclis-i Meşâyihe gelen evraklar hakkında yapılan muameleyi havi düzenlenen istatistik cetveli.

Fî 5 C. sene [1]333 [20 Nisan 1915] / Fî 7 Nisan sene [1]331 / - / - / - / - / - / - / -

Meclis-i Meşâyihi'nin İstatistik Cedvelidir.

Aded

Makâm-ı Meşihat'ten Meclis-i dâ'iyânemize muhavvel evrâk-ı muhtelif	137
Bunlardan icâbı bi'l-icrâ mu'âmelesi hitâm bularak evrâk-ı müsbete miyânında hıfz olunan	93
Bunlardan bazıları derdest-i mu'âmele ve bazıları ashâbı tarafından ta'kib olunmadığından Meclisce mahfûzdur	44
Re'sen makamdan tevdi' kılınan ta'mimler Meclis'te mahfuzdur	21

Fî 1 Mart sene [1]330 târihinden fî 1 Mart sene [1]331 târihine kadar Meclis'e havâle buyurulan evrâk-ı muhtelif ber-vech-i bâlâ idigini mübeyyin işbu müzekkire Evrâk Müdüriyyet-i behiyyesine tevdi' kılındı.

Fî 7 Nisan sene [1]331

IST_MFT_MSH_DFT02_01736_0001_0092

Üsküdar Sultantepeci'nde Hâce Hesnahatun Mahallesi'nde Hacıhâce Özbek Tekkesi'nin şeyhi Sâdık Efendi'nin vefatıyla, yerine oğlu Mehmed Atâ Efendi'nin tayini.

Fî 1 Receb sene [1]333 / Fî 2 Mayıs sene [1]331 / - / - / - / - / - / Fî 1 Receb sene [1]333 [15 Mayıs 1915] / Fî 2 Mayıs sene [1]331

Mazbata

Üsküdar'da Sultantepe'si'nde Hacı Hesna Hatun Mahallesi'nde kâin merhûm Hacıhâce'nın Özbekiye Zâviyesi meşihat cihetinin pederi müteveffâ Şeyh Sâdık Efendi mahlûlünden kendisine tevcihi istid'âsına dâir Mehmed Ata Efendi tarafından verilip Evkâf-ı Hümâyûn Nezâret-i celîlesinden makâm-ı âlî-i Cenâb-ı Meşihat-penâhîlerine bi't-takdîm Meclis-i dâ'iyânemize havâle buyurulan arzuhâl zahrına Kuyûd-ı Kadîme Kaleminden muharrer derkenârda dergâh-ı mezkûrun meşihat ciheti müteveffâ-yı mûmâ-ileyh uhdesinde idiği gösterilmiş ve müsted'î Mehmed Ata Efendi'nin ber-mûceb-i nizâm icrâ kılınan imtihânında Meclisce mu'ayyen olan yüz numaradan seksen beş numaraya istihkâk kesb ederek ibrâz-ı ehliyet eylemiş ve mûmâ-ileyh tarîk-i Nakşibendiyye'den de me'zûn ve mücâz olarak meşihat-i mezkûreye hâiz-i liyâkat ve kifâyet bulunmuş olduğundan makrûn-ı müsâ'ade-i celîle-i hazret-i Fetvâ-penâhîleri olduğu hâlde zâviye-i mezkûre meşihat cihetinin pederi mûmâ-ileyh Sâdık Efendi mahlûlünden mûmâ-ileyh Mehmed Ata Efendi'ye tevcihi zımnında işbu mazbata-i dâ'iyânemizin Evkâf-ı Hümâyûn Nezâret-i celîlesine irsâli menû-ı emr ü irâde-i aliyye-i Cenâb-ı Meşihat-penâhîleridir ol bâbda emr ü fermân hazret-i veliyyü'l-emrindir.

Mehmed Abdülbâkî, Mehmed Gülşen, Es'ad

IST_MFT_MSH_DFT02_01736_0001_0093

Fatih Çarşamba'da Cebecibaşı Mahallesi'nde Şeyh İsmet Efendi Dergâhı meşihatinden azledilen Şeyh Nimetullah Efendi'nin yerine, Şeyh Mustafa Hâki Efendi'nin tayini.

- / Fî 1 Mayıs sene [1]331 / - / - / - / - / - / - / Fî 2 Mayıs sene [1]331 [14 Mayıs 1915]

Meclis numarası: 13

Meşâyih-i Nakşibendiyye'den Şeyh İsmet Efendi merhûmun Çarşamba civârında kâin Cebecibaşı Mahallesi'nde binâ ve ihyâ ettiği dergâh-ı şerîfin meşihat ciheti Evkâf-ı Hümâyûn Nezâret-i celîlesinin 21 Rebî'ülevvel sene [1]333 ve fî 24 Kânûn-ı sâni sene [1]330 târîh [ve] 123 numaralı tezkiresi mûcebince Şeyh Nimetullah Efendi uhdesinden ref olunmuş ve tezkire-i mebhûseye müsteniden ve şürût-ı vakfiyyeye tevfiқан bi'l-imtihân, ehliyyet-i kâmileyi ve evsâf-ı lâzime-i mezkûreyi bi-hakkın hâiz bulunan Mustafa Hâki Efendi'nin uhdesine tevcihi husûsu bâ-mazbata inhâ edilmiş idi bu kere vürûd eden fî 23 Mart sene [1]331 târîh ve husûsî 8 numaralı evkâf tezkiresiyle merbût Şûrâ-yı Evkâf kararında cihet-i mezkûrenin bânî-i mûmâ-ileyhin mahdûmu Mehmed Sıddık Efendi uhdesine tevcihi husûsu hey'et-i sâbika tarafından mazbata edilmiş olduğundan bunların Meclis-i dâ'iyânemizce bir karara rabtıyla inbâsı husûsundan bahs olunuyor ma'lûm-ı âlî-i Meşihat-penâhîleri buyurulduğu üzere cihet-i mezkûre henüz Nimetullah Efendi uhdesinde bâkî bulunmuş olduğu hâlde tanzîm edilmiş ve bâ-husûs derecât-ı mu'âmeleden geçmemiş ve netîce-i kat'iyeye iktirân etmemiş olan bir mazbatanın hükmü olamayacağını şürût-ı vakfiyyeye ve gâye-i matlûbeyeye muvâfık olarak ber-vech-i ma'rûz mûmâ-ileyh Mustafa Hâki Efendi'ye vukû' bulan tevcihten sonra bu bâbda başka bir mu'âmeleye Meclis-i dâ'iyânemizce mahal olmadığından keyfiyyetin Evkâf-ı Hümâyûn Nezâret-i celîlesine inbâsı menû-ı re'y-i âlî-i Meşihat-penâhîleri olmağın ol bâbda emr ü fermân hazret-i veliyyü'l-emrindir.

Mehmed Abdülbaki, Mehmed Gülşen, Es'ad

IST_MFT_MSH_DFT02_01736_0001_0094

Şehremini'nde Nazmî Efendi Dergâhı tahsisatının taksimi.

Fî 25 Ca. sene [1]333 / Fî 28 Mart sene [1]331 / - / - / - / - / - / Fî 25 Ca. sene [1]333 [10 Nisan 1915] / Fî 28 Mart sene [1]331

Şehremini civârında kâin Nazmî Efendi Dergâh-ı şerîfinin meşîhati kendi niyâbetiyle mukaddemâ sagîr Abdullah Efendi'ye tevcih olunmuş olduğundan bahs ile dergâhın muhassasâtından vekâletine mukâbil kendisine bir mikdâr şey tefrîk ve î'tâsı ve öteden beri sagîrin mührüyle alınmakta olan muhassasât-ı mezkûrenin ba'demâ bi-hasebi'l-vekâle kendi mührüyle istifâsı lüzûmuna dâir Şeyh Nâil Efendi tarafından verilen işbu arzuhâl mütâla'a olundu. Meşîhat-i mezkûre vekâletini meccânen îfâ etmek üzere mukaddemâ tevcih mu'amelesi îfâ kılınmış ise de bu gibi vekil ta'yîn olunan zevât meccânen îfâ-yı hizmette i'tizâr eyledikleri sûrette kendilerine bir mikdâr şey tahsîs ve î'tâsı muktezî olduğuna ve ancak öteden beri sagîrin mührüyle alınmakta olan muhassasâtın ba'demâ vekil mührüyle î'tâsına bir lüzûm olmadığına binâen kemâ-kân muhassasât-ı mezkûre asîlin mührüyle alınmak üzere dergâhın muhassasât-ı hâzırasından sülüsünün asîle ve sülüsünün vekile î'tâsı ve bir sülüsünün de icrâ-yı âyîne muhassas eyyâmında vekil ma'rifetiyle fukarâ ve züvvârın it'âmına tefrîk ve hasrı bi'l-müzâkere kararlaştırılmış ve bu sûrete asîl ve vekil taraflarından da bir-rızâ muvâfakat olunmuş olduğundan o vech ile idâre-i hâl olunmak ve bir güne sızıltıya mahal bırakılmamak üzere işbu karar vekil-i mûmâ-ileyhe î'tâ kılındı.

Fî 28 Mart sene [1]331

Mehmed Abdülbâkî, Es'ad

IST_MFT_MSH_DFT02_01736_0001_0095

Üsküdar Kefçedede Mahallesi'ndeki Şeyh Feyzullah Efendi Dergâhı şeyhinin askerde olması sebebiyle, muhassasatının şeyh vekilinin mührüyle alınması.

/ - / - / - / - / - / - / - / Fî 25 Ca. sene [1]333 [10 Nisan 1915] / Fî 28 Mart sene [1]331

Üsküdar'da Kefçedede Mahallesi'nde Şeyh Feyzullah Efendi Dergâhı Muhassasâtı

Şeyh-i mûmâ-ileyhin taht-ı silâha alındığı bi't-tahkîk anlaşılmış olmağla dergâh-ı mezkûr muhassasât ve mu'ayyenâtının kendi burada bulunduğu müddetçe kendi mührüyle zamân-ı gaybûbetinde ise ta'yîn edeceği bir vekilin mührüyle î'tâsı münâsib görülmüş olduğundan o vech ile îfâ-yı muktezâsı zımnında işbu evrâk Evkâf-ı Hümayûn Tahsisât-ı Hayriyye Kalemine tevdi' kılındı.

Fî 28 Mart sene [1]331

Mehmed Abdülbâkî, Es'ad

IST_MFT_MSH_DFT02_01736_0001_0096

Şeyh İsmet Efendi Dergâhı'nın meşîhati hakkındaki Şûrâ-yı Evkaf kararının Evkaf Nezâretinden istenmesi.

Fî 21 Ca. sene [1]333 / Fî 24 Mart sene [1]331 / - / 22 / - / - / - / - / Fî 21 Ca. sene [1]333 [6 Nisan 1915] / Fî 24 Mart sene [1]331

Meşâyih-i Nakşibendiyye'den Şeyh İsmet Efendi Dergâh-ı şerîfinin meşîhati hakkında Evkâf-ı

Hümâyûn Nezâret-i celîlesinden vârid olan matvî tezkirede merbût olduğu mahkî Şûrâ-yı Evkâf kararı evrâk miyânında mevcûd olmadığından karâr-ı mezkûrun irsâli husûsunun nezâret-i müşârun-ileyhâya cevâben izbârı menût-ı emr ü irâde-i aliyye-i hazret-i Fetvâ-penâhîleri olmağın ol bâbda emr ü fermân hazret-i veliyyü'l-emrindir.

Mehmed Gülşen, Es'ad

IST_MFT_MSH_DFT02_01736_0001_0097

Eyüp Otakçılar'da Vezir Mustafa Paşa Dergâhı Vakfından almak üzere Mahmutbey Mahallesi'ndeki Nakşibendî Dergâhı meşîhati ile Mihrişah Vâlide Sultan Türbesi türbedarlık vazifelerinin mutasarrıfı Yahya Efendi'nin vefatı üzerine, meşihat vazifesinin Bâlî Dergâhı şeyhi Sadeddin Efendi niyâbetiyle müteveffanın oğlu Mehmed Ali Can Efendi'ye tevcihi.

Fî 14 Ca. sene [1]333 / Fî 17 Mart sene [1]331 / - / - / - / - / - / Fî 14 Ca. sene [1]333 [30 Mart 1915] / Fî 17 Mart sene [1]331Mazbata

Hazret-i Ebâ Eyyûb el-Ensârî -raziye anhu'l-Bârî- civârında Otakçılar'da kâin Vezîr-i a'zam-ı esbak Mustafa Paşa Vakfından almak üzere vazîfe-i mu'ayyene ile Mahmudbey Mahallesi'ndeki Nakşibendî zâviyesinin meşîhat ve merhûme Mihrişah Vâlide Sultân hazretleri vakfından almak üzere vazîfe-i mu'ayyene ile türbedâr-ı müşârun-ileyhâda hatm-i hâcegân cihetleri mutasarrıfı Yahya Efendi'nin mukaddemâ vefâtı vukû'una mebnî ciheteyn-i mezkûreteynden meşîhat cihetinin bi'l-fi'îl hizmetini ifâya kesb-i iktidâr edinceye kadar Bâlî Dergâhı şeyhi Sadeddin Efendi tarafından bi'n-niyâbe ifâ-yı meşîhat olunmak üzere müteveffânın sagîr mahdûmu Mehmed Ali Can Efendi'ye ve hatm-i hâcegân cihetinin Özbekî Abdullah Efendi Zâviyesi şeyhi Mehmed Aşîr Efendi'ye tevcihi 4 Receb sene [1]316 târîhli Meclis-i Meşâyih mazbatasıyla arz ve inhâ edilmesiyle keyfiyyet Mahkeme-i Evkâf-ı Hümâyûnca ol vakit i'lâma rabt kılınmış idiği bi't-tedkîk anlaşılmış ve ahîran Şûrâ-yı Evkâftan bi't-tanzîm Meclis-i dâ'iyânemize havâle buyurulan 2 Nisan sene [1]330 târîhli müzekkirede mûmâ-ileyh Mehmed Ali Can Efendi el-yevm kebîr olmasına mebnî niyâbetten sarf-ı nazarla cihet-i meşîhatin uhdesine asâleten tevcihi istid'asında bulunduğu beyânıyla mûmâ-ileyhin Meclis-i Meşâyihce icrâ-yı imtihânı iş'âr olunmuş olup ancak Tevcih-i Cihât Nizamnâmesi'nin kırk altıncı maddesinde vazîfesi kalîl veya ber-vech-i hasbî olan cihât için bi'l-imtihân tâlib zuhûr etmediği takdîrde intihâbnâme ile mu'âmele-i tevcih icrâsı musarrah olmasına ve dergâh-ı mezkûrun muhassasâtı ekall-i kalîl olmağla beraber mûmâ-ileyh...[bu belge yarım kalmıştır.]

IST_MFT_MSH_DFT02_01736_0001_0098

Hoca Vildan Efendi'nin Sultan Selim Hân-ı Sâlis Vakfına tayin talebinin, vakfiye şartlarına uymadığından kabul edilmemesi.

Fî 14 Ca. sene [1]333 / Fî 17 Mart sene [1]331 / - / 122 / - / - / - / - / Fî 14 Ca. sene [1]333 [30 Mart 1915] / Fî 17 Mart sene [1]331

İşbu mazbatanâmede mûmâ-ileyh Hoca Vildan Efendi'nin ilm u fazlî tasdik olunmakta ise de bu bâbda ancak ilm u fazl ile ittisâf kifâyet etmeyip çünkü dergâh-ı mezkûrun vâkıf ve bânisi ecdâd-ı âlî-nejâd-ı Cenâb-ı şehriyârîden cennet-mekân Sultân Selim Hân-ı Sâlis hazretlerinin derdest bulunan sûret-i vakfiyelerinde ilm u fazl ile beraber sülûk-ı Nakşibendî ile

mevsûf ve irşâd-ı fukarâ ve dervîşân ile me'lûf bir zâtın şeyh ta'yîni musarrâh olmasına nazaran tervîc-i istid'âya mahal olmadığından battâlde li-eclî'l-hıfz işbu mazbatanın Evrâk Kalemine havâlesi menût-ı emr ü irâde-i aliyye-i Fetvâ-penâhîleri olmağın ol bâbda emr ü fermân hazret-i veliyyü'l-emrindir.

Mehmed Gülşen, Es'ad

IST_MFT_MSH_DFT02_01736_0001_0099

Ordunun muzafferiyeti için her bir dergâhta onar bin kelime-i tevhit tilâvet edildikten sonra Hz. Hüdâyî Dergâhı'nda yapılacak toplu dua merasimine katılmaları için Hazret-i Hüdâyî, Sünbül, Merkez, Nasuhi, Selimiye, Yahya ve Kelâmî dergâhlarının şeyhlerine yapılan tebligat.

Fi 7 Ca. sene [1]333 / Fi 10 Mart sene [1]331 / - / - / - / - / - / - / Fi 7 Ca. sene [1]333 [23 Mart 1915] / Fi 10 Mart sene [1]331

Hazret-i Hüdâî, Sünbül, Merkez, Nasûhi, Selimiye, Yahya, Kelâmî Dergâh-ı şerîfleri Postnişinlerine

Reşâdetlü Efendim

Asâkir-i İslâmiyye'nin muzafferiyetini te'mîn için yetmiş bin kelime-i tevhîd tilâvet ve hitâmında du'asının kırâet olunması muktezâ-yı irâde-i Cenâb-ı Fetvâ-penâhî olduğundan Meclis-i dâ'iyânemizde lede't-tezekkür dergâh-ı âlîleriyle diğer altı dergâh-ı şerîfede onar bin kelime-i tevhîdin tilâveti münâsib görülmüş olmağla dergâh-ı şerîfinizin yevm-i mahsûsunda cemâ'at-i ihvân ile beraber on bin kelime-i tevhîd tilâvet buyurmaları ve mâh-ı hâl-i Rûmî'nin on altıncı gününe müsâdif Pazartesi günü ba'de salâti'l-asr Hazret-i Hüdâî Dergâh-ı şerîfinde kırâet olunacak du'âda hâzır bulunmaları sûret-i mahsûsada ricâ ve tavsiye olunur efendim.

IST_MFT_MSH_DFT02_01736_0001_0100

Üsküdar'daki Atık Vâlide Dergâhı'nda talebe iskân edildiğinden dergâh faaliyetlerinin yapılabilmesi için boş durumdaki ibtidâî mektebinin dergâha karşılık âyin icrasına tahsis edilmesi.

Fi Ca. sene [1]333 [Mart 1915] / Fi Mart sene [1]331 / - / 56 / - / - / - / - / - / -

Üsküdar'da kâin Atık Vâlide Dergâh-ı şerîfi bu kere talebe-i ulûmun iskânına tahsis edilmesinden nâşî âyîn-i tarîk icrâ olunamamakta bulunduğu bahisle o civârda bulunup Üsküdar dâire-i Vakfiyyesince icâre verileceği istihbâr kılınan hâlî mekteb-i ibtidâînin derûnunda icrâ-yı âyîn-i tarîk olunmak üzere dergâha mukâbil kendisine terki Şeyh Mahmud Efendi tarafından verilen işbu arzuhâlde istid'â kılınmıştır. Fi'l-hakîka dergâh-ı mezkûrun vüs'atine mebnî görülen lüzûm üzerine talebe iskânına tahsisi muvâfık-ı hâl görülmüş ise de nezd-i dekâyık-ı vefd-i âlî-i hazret-i Meşîhat-penâhîlerinde dahi terk ve ta'tîlinin adem-i cevâzı derkâr bulunan âyîn-i tarîkat-i aliyyenin icrâ edilebilmesi için bir mahall-i mahsûsa olan lüzûm ve ihtiyâç dahi âşikâr idiğinden ve zikrolunan hâlî mektebin icrâ-yı âyîn için müsâ'id ve elverişli bulunduğu siyâk-ı istid'âdan münfehim olduğundan makrûn-ı müsâ'ade-i celile-i hazret-i Meşîhat-penâhîleri olduğu hâlde o vechile âyîn-i tarîkat-i aliyye icrâ ve i'tilâ-yı şân ve şevket ve azamet-i Osmâniyye'nin du'â-yı ehemmi'îl-ifâsı bu sûretle de tezkâr murâd kılınmak üzere dergâha mukâbil yine vâkıf-ı

müşârun-ileyhânın cümle-i hayrâtından bulunan mekteb-i mezkûrun şeyh-i mûmâ-ileyhe terk ve itâsı zımnında lâzım gelenlere evâmîr-i mukteziye itâsı merhûn-ı emr ü irâde-i aliyye-i hazret-i Fetvâ-penâhileri olmağın ol bâbda.

Mehmed Gülşen, Es'ad

IST_MFT_MSH_DFT02_01736_0001_0100-A

Silivrikapı'da Seyyid Nizâmeddin Dergâhı meşihat, imamet, türbedarlık ve tevliyet cihetlerinin mutasarrıfı Şeyh İbrâhîm Şücâeddin Efendi'nin vefatı üzerine, cihetlerin Edirne'de Saçlı İbrâhîm Efendi Dergâhı postnişini Şeyh Seyyid Hasan Adli Efendi'ye tevcihi.

Bihî

Seyyid Nizâmeddin hazretlerinin Silivrikapısı hâricinde vâki' nâm-ı âlilerine mensûb dergâh-ı şerifte imâmet ve türbedârlik ve meşihat ve tevliyet cihetlerinin müşârun-ileyh Seyyid Nizâmeddin hazretlerinin evlâd-ı evlâdından hâlâ hânkâh-ı mezkûrda seccâde-nişîn-i irşâd olan Şeyh İbrâhîm Şücâeddin Efendi el-Halveti ibnü'l-merhûm es-Seyyid eş-Şeyh Ali Efendi'ye ve ba'de'l-vefât mecmû' cihât-ı mezkûre şeyh-i mûmâ-ileyhin isrine sâlik olan evlâdına ve evlâd-ı evlâdına ve evlâd-ı evlâd-ı evlâdının batnen ba'de batnin müstakîmü'l-etvâr sâlih ve zâhid ve âbid olanlarına ve ba'de'l-inkırâzi'l-kül şeyh-i mûmâ-ileyhin biraderleri es-Seyyid Yunus Talat ve es-Seyyid Lütfullah ve es-Seyyid Nizâmeddin efendilerin evlâd-ı evlâd-ı evlâd-ı evlâd-ı evlâd-ı evlâd-ı evlâd-ı evlâdının kezâlik tarikat-i aliyye-i Halvetiyye'ye müntesib irşâda kâdir ve pederleri mesleğine sâlik âbid ve zâhid olanlarına batnen ba'de batnin ve onlar dahi külliyyen inkırâz bulursa fukarâ-yı azîz-i müşârun-ileyh Seyyid Nizâmeddin'den ve hulefâyı Halvetiyye'den müstahik bir zâta meşrûta olduğu ve cihât-ı mezkûrenin tevcîhâtı Kocamustafapaşa Hânkâhı postnişinlerinin inhâsiyla icrâ olunmasının meşrûta bulunduğu merhûme ve mağfûrun-lehâ Adile Sultân hazretlerinin bin iki yüz doksan dört târihli vakfiyesinin kuyûd-ı vakfiyyeden muhrec cihât-ı mezkûrenin tevcîhi hakkındaki fıkrasından müstebân olduktan sonra Avratpazarı'nda Keçihatun Mahallesi'nde Bekçi Hasanağa Sokağı'nda altı numaralı hânedâ sâkin Mâliye Vâridât Müdiriyyeti Evrâk Kaleminde tezkire mukayyidi Mehmed Seyfullah Efendi ibn-i Mehmed Tevfik bin Mahmud meclis-i şer'-i şerif-i enverde vakf-ı müşârun-ileyhâya taraf-ı şer'den kâimmakâm-ı mütevellî ta'yîn ve husûmeti re'y olunan Nezâret-i Evkâf-ı Hümayûn da'vâ vekillerinden Mehmed Asaf Bey ibn-i Mustafa muvâcehesinde cihât-ı mezkûrenin ber-mûceb-i vakfiyye mutasarrıfı mûmâ-ileyh Şeyh Şücâeddin Efendi'nin bu defa bilâ-veled-i zükûr vefâtı vukû' bulup ve biraderleri mûmâ-ileyhim Yunus Talat ve Seyyid Lütfullah ve Seyyid Nizâmeddin efendilerin dahi mukaddemâ vefâtları vukû' bulduğundan evlâd-ı evlâdından kimseleri olmadığından yedimde bulunan şecere mûcebince ben azîz-i müşârun-ileyhin sulbî oğlu Seyyid Seyfullah Efendi hazretlerinin mahdûm-ı mükerrerleri Şeyh Hasan Cüneydi hazretlerinin mahdûm-ı âlileri Şeyh Ahmed Murtaza Efendi hazretlerinin mahdûm-ı âlileri eş-Şeyh Mehmed Nûri Efendi hazretlerinin mahdûm-ı âlileri Şeyh Abdüşşekûr Efendi hazretlerinin mahdûm-ı âlileri Şeyh Abdüssamed Efendi hazretlerinin mahdûm-ı âlileri Seyyid Mustafa Efendi hazretlerinin mahdûm-ı âlileri Seyyid Ali Efendi hazretlerinin mahdûm-ı âlileri Seyyid Mahmud Efendi hazretlerinin kerîmeleri Fatîma Zehra Hanım'ın mahdûm-ı âlileri Şeyh Mahmud Efendi hazretlerinin mahdûm-ı âlileri Şerîf Tevfik Efendi'nin sulbî oğlu ve bu sûretle azîz-i müşârun-ileyhin evlâd-ı evlâd-ı evlâdından olarak meşihat-i mezkûre ile cihât-ı sâirenin

Üçüncü madde: İcrâ edilecek tahkîkâtın şevâib-i garazdan âriyeti şarttır.

Dördüncü madde: Müfettiş-i mûmâ-ileyh kemâl-i bî-tarafî ile icrâ edeceği tahkîkât ve teftîşât dâir ancak Meclis'e ma'lûmât i'tâsıyla mükellef olup tekâyâda hod be-hod icrâ-yı nüfûz ve vesâyâ salâhiyetini hâiz değildir.

Beşinci madde: İnde'l-lüzûm müfettişe tevdi' edilecek evrâk-ı tahkîka üzerine lâzîmü'l-ifâ teftîşât ve tahkîkâtı alâ kadri'l-imkân şer'le icrâ edecek ve mu'âmelât ve tahkîkâtından hiçbir kimseye ifşâatta bulunmayacaktır.

[s.101] Altıncı madde: Bi'l-umûm tekâyâ ve zevâyâda evkât-ı mu'ayyenede icrâ-yı âyîn-i tarîk olunmakta ve it'âm-ı ta'âm meşrûr olan tekâyâda bu husûsa ri'âyet edilmekte midir? Hilâf-ı şer' ve tarîk hâlâta cür'et ve cesâret eden var mıdır? İmâmet ve hitâbet vesâire gibi cihâtı bulunan tekkelerde mechûlül-ahvâl ve serseri takımından kimesnelerin iskânına cevâz ve meydan verilmekte midir? Şerâit-i vakfiyyenin icrâsında ihtimâm veya ihmâl mi edilmektedir? Emr-i ehemmi-nezâfet ve tahârete dikkat olunmakta mıdır? İşbu husûsât ile meşâyih ve dervîşandan halleriyle mütenâsib olmayan mahallerde bulunanlar olur ise bunların tahkîk-i ahvâliyle netâyici Meclis'e bildirilecektir.

Mehmed Abdülbâkî, Mehmed Gülşen, Es'ad

IST_MFT_MSH_DFT02_01736_0001_0103

Tekke şeyhlerinin askerlik hizmetinden muaf tutulmaları talebi.

- / - / - / Telgraf 682 / 51 / - / - / - / - / -

Bâ-berât-ı meşihat bulunan meşâyihin bi'l-fi'il hizmet-i askeriyeye mecbûr olması ve zikrullâh-ı te'âlâ için açılmış olan tekâyâ-yı şerîfenin kapanması hâris-i şer'at ve hâmî-i tarîkat olan zât-ı sâmi-i veliyy-i ni'amîlerince de tecvîz buyurulmayacağı şübhesiz idiğinden mikdâr-ı nüfûs esâsen bir mertebe-i ekalliyette bulunan tekâyâ meşâyihî dâ'îlerinin dahi hizmet-i askeriyeden istisnâsı esbâbının istikmâlî husûsuna lütf ü müsâ'ade-i celile-i hazret-i Meşihat-penâhîleri şâyân buyurulmak bâbında.

Mehmed Abdülbâkî, Mehmed Gülşen, Es'ad

IST_MFT_MSH_DFT02_01736_0001_0104

Kudüs'te Şeyh Yâkub Efendi'nin askerlik hizmetinden muaf tutulması talebi.

- / - / - / - / - / - / - / - 66 / Fi 27 Şa'bân sene [1]332 [21 Temmuz 1914] / Fi 7 Temmuz sene [1]330

Bihî

Müzekkire

Ya'kûb imzâsıyla Kudüs-i şerîften huzûr-ı âli-i Meşihat-penâhîlerine keşide olunup [Meclis-i Meşâyih'e] havâle buyurulan merbût telgrafnâmede kendisi bâ-berât-ı âli Nakşibendî Dergâhı postnişini olduğu hâlde silk-i askerîye da'vet olunmakta bulunduğundan bahs ile istid'â-yı istisnâiyet ve ma'delet olunmuştur. Arz ve beyândan müstağnî olduğu üzere merdümün uyûn-ı iftihâr olan mülûk ve vatanın istikmâl-i esbâb-ı muhafazası için her türlü fedâkârlık ihtiyârı el-yak ve sezâ ve şu kazîye-i mühimmenin müstenidün-aleyhi olan hizmet-i mukaddese-i askeriyeden imtinâ' ve ibâ gibi bir hâle iczâ ise elbette nâ-revâ olup hâlbuki Ahz-ı Asker Kânûnnâme-i

Cedîdi mücebince uhdesinde imâmet ve hitâbet bulunan bazı zevât-ı ilmiyye ile milel-i gayr-i müslime me'mûrîn-i rûhâniyyesi askerlikten müstesnâ tutulmuş oldukları hâlde te'âlî-i kadr u şân ve ifâ-yı mülk ve millete halka-i dervîşân ile her an ve zaman du'âhân ve kendileri için akdem ve ecel-vezâif olan bu emr-i akdesi şitâyân olan ve uhdelerinde... [belgenin devamı yoktur].

IST_MFT_MSH_DFT02_01736_0001_0105

Üsküdar'daki Selimiye Dergâhı'na asker yerleştirilmesi sebebiyle kesilen tahsisatının, tarikat faaliyetlerinin devam etmesi sebebiyle tekrar verilmesi.

- / - / - / - / - / - / - / - / 71 / Fî 23 Muharrem sene [1]333 [11 Aralık 1914] / -

Üsküdar'da Selimiye Dergâh-ı şerîfine asâkir-i Osmâniyye iskân edildiği dolayısıyla Evkâf-ı Hümayûn Levâzım Müdiriyyetince dergâh-ı mezkûr muhassasâtının kat' olunması üzerine bu bâbda Meclis-i Meşâyih ma'îyyetine me'mûr İstanbul Evkâf Müdiriyyeti müfettişi Osman Bey tarafından icrâ kılınan tahkîkât neticesinde dergâhın hücurâtı hâlî ve derûnunda ifâ-yı vazîfe ve it'âm-ı ta'âm edilmekte olduğu mûmâ-ileyhin takdîm etmiş olduğu raporla da tebeyyün eylediğinden muhassasât-ı dergâhın kemâ-kân i'tâsı zımında işbu müzekkire-i dâ'iyânemizin merbûtuyla nezâret-i müşârun-ileyhâ Levâzım Müdiriyyeti'ne irsâl kılındı.

Mehmed Abdülbâkî, Mehmed Gülşen, Es'ad

IST_MFT_MSH_DFT02_01736_0001_0106

Eyüp Babahaydar Mahallesi'nde Hazret-i Selâmî Dergâhı postnişini Kâzım Efendi'nin vefatı üzerine, yerine kardeşi Ali Muhsin Efendi'nin tayini.

- / - / - / - / - / - / - / - / - / -

Eyüb civârında Babahaydar Mahallesi'nde kâin Hazret-i Selâmî Dergâh-ı şerîfi postnişini biraderi Kâzım Efendi'nin vukû'-ı vefâtına mebnî ber-müceb-i şart-ı vâkıf münhal olan meşihat cihetinin uhdesine tevcihi Ali Muhsin mührüyle takdîm olunup havâle buyurulan arzuhâlde taleb olunmuş ve zahr-ı istid'âya muhrec Evkâf-ı Hümayûn Kuyûd-ı Kadîme-i Vakfiyye Kaleminin kaydında da merhûm İbrâhîm Nesim Efendi'nin Eyüb mahallâtından Babahaydar-ı Nakşibendî Mahallesi'nde kâin Selami Efendi Tekkesi için menzil ve nukûd-ı mevkûfesinden almak üzere yevmî kırk akçe vazîfe fukarâ ve dervîşâna tevzî' olunmak üzere merhûm Mihrişâh Vâlîde Sultan İmâretinden yevmî altı çift fodula ile meşihat ciheti fî 24 Zilkâ'de sene [1]327 târihinde Mehmed Kâzım Efendi'ye müvecceh idiği anlaşılmış ve vâkıf-ı mûmâ-ileyhin mukayyed vakfiyesinde tekke-i mezkûrede hayatta oldukça kendisi şeyh ve mütevellî olup ve ba'de'l-vefât biraderi Şeyh Selim Efendi şeyh ve halîfe ola ve evlâd-ı zükûru mevcûd bulunur ise onlara vasî ve mürşid ve türbelerine himmet eyleye ve zevcesi nefsinî âhara tezvîc eylemediği takdîrde mütevellîye ola ve Şeyh Selim Efendi'nin vefâtından sonra damadı Muhsin Efendi şeyh olup evlâd-ı inâstan şürûtu üzerine zükûrunu şeyh ve inâsını mütevellî edeler ve dergâh-ı mezkûrda şeyh olanların mevcûd bulunan evlâdlarından icrâ-yı âyîn-i evliyâullâha muvâzabet ve meslek-i Nakşibendiyye amel ve hareket edip ehl-i istikâmet olurlar ise pederleri yerine şeyh olup hulefâ ve ecnebî üzerine takdîm oluna ve herhâlde şerî'at-i garrâya hürrmet ve muktezâ-yı tarikat-i Nakşibendiyye üzere amel ve hareket etmesi meşrûta idiği muharrer bulunduğundan ve mûmâ-ileyh Ali Muhsin Efendi'nin vazîfe-i meşihati ifâya kifâyeti Meclisce bi'l-imtihân tebeyyün eylediğinden ve tarikat-i mezkûreden müstahlef ve mücâz bulunmağla dergâh-ı mezkûr meşihat cihetinin

biraderi müteveffâ-yı mûmâ-ileyh Mehmed Kâzım Efendi mahlûlünden ehliyet ve iktidârı tahakkuk eden mûmâ-ileyh Ali Muhsin Efendi uhdesine tevcihiyle yedine berât-ı âlî i'tâsı bi't-tensîb takdîm kılınan işbu mazbata-i dâ'iyânemizin merbûtuyla mazrûfen Evkâf-ı Hümâyûn Nezâret-i aliyyesine irsâl buyurulması bâbında.

IST_MFT_MSH_DFT02_01736_0001_0107

Davutpaşa'da Beşikçizâde Dergâhı'nın açık olduğu ve faaliyetine devam ettiği için dergâh tahsisatının Ali Enver Efendi'ye verilmesi.

- / - / - / - / - / - / - / - / - / -

Davudpaşa'da Beşikçizâde Dergâhı el-yevm ma'mûr ve küşâde ve derûnunda âyîn-i tarikat-i aliyye icrâ ve it'âm-ı fukarâ edilmekte olup dergâh-ı mezkûr mu'ayyenâtının Ali Enver Efendi'ye verilmesi zımında işbu ilmühaber itâ kılındı.

IST_MFT_MSH_DFT02_01736_0001_0108

Tekke şeyhleriyle Meclis-i Meşâyih azaları ve kâtibinin askerlik hizmetinden muaf tutulmaları talebi.

- / - / - / - / - / - / - / - / - / -

Ahz-ı Asker Kânûn-ı Cedîdi mücebince dâhil-i esnân olan sunûf-ı teb'a-i Osmâniyye'den bazıları bi-hasebî'l-me'mûriyye askerlikten müstesnâ olduğu gibi ahîran ve mütevâliyen neşr ve i'lân edilen mevâdd-ı mu'addile-i nizâmiyye ile de sâir bazı sunûf-ı me'mûrîn dahi istisnâ edilmiş olduğu hâlde hizmetleri te'âlî-i şân ve kadr ve mülk-i millet ve irşâd-ı enâma maksûr olan ve el-yevm taht-ı silâha alındıkları takdirde mikdâr-ı mecmû'u gayr-i mu'allem oldukları hâlde ancak otuz nefere bâliğ olmakta bulunduğu mevâsûkan tahakkuk eden tekâyâ ve zevâyâ meşâyih ile Meclis-i dâ'iyânemiz hey'eti istisnâ edilmemiş olduğundan dürûd-ı hayriyet-nümûd-ı millete ferâğ-ı bâl ile hasr-ı iştigâl etmek üzere arz ve ta'dâd edilen meşâyih ile Meclis-i dâ'iyânemiz hey'et ve bir neferden ibâret olan kâtibinin bir mâtde-i nizâmiyye ile istisnâsına lûtf ü müsâade-i celîle-i veliyyü'n-ni'âmîleri şâyân buyurulmak bâbında.

IST_MFT_MSH_DFT02_01736_0001_0109

Padişahın sıhhati, ordunun muzafferiyeti ve memleketin selameti için bütün tekkelerde kelime-i tevhit okunarak dualar yapılması.

- / - / - / - / - / - / - / - / - / -

Veliyy-i ni'met-i bî-minnetimiz zât-ı şevket-simât efendimiz hazretlerinin devâm-ı sıhhat ve âfiyetleri ve hükûmet ve millet-i mu'azzama-i İslâmiyye'nin selâmet ve sa'âdeti ve merdümün uyûn-ı iftihâr olan asâkir-i nusret-me'ser-i Osmâniyye'nin nusreti ve muzafferiyeti için sulehâ ve meşâyih ve dervîşânın bazı makâmâtta ictimâ'îyle tehlîlât ve ed'iyânda bulunulması husûsunun ta'mîmen tebliği muktezâ-yı irâde-i aliyye-i hazret-i Meşîhat-penâhîden olmağla o vech ile münâsib günlerde merâkiz-i tekâyâda icrâ-yı tehlîlât ve da'avât edilmesi lüzûmunun tebliğiyle takdîm-i ihtirâmâta müsâberet kılındı efendim hazretleri.

Mehmed Gülşen

IST_MFT_MSH_DFT02_01736_0001_0110

Bazı şeyh ve dervişlerin mesleklerine yakışmayan yerlerde bulunduklarından, bu durumun önlenmesi için tekke merkezlerine gönderilen tamim.

- / - / - / - / - / - / - / - / - / -

Bihî

Merâkiz-i Tekâyâya Ta'mîmen Tezkire

Reşâdetlü Efendim

Bazı meşâyih ve dervîşânın teblîgât-ı mükerrere hilâfına olarak meslek ve haysiyetleriyle gayr-i mütenâsib mahallerde gezmekte ve oturmakta oldukları mesmû' olup böyle muhîl-i kadr u haysiyet hâlâta cür'et ve cesâret ise bi'l-âhare müstelzem-i mes'ûliyet olacağı derkâr bulunduğu-na ve bi't-tabî' meşâyih-i kirâm ile sâir müntesibîn-i turuk-ı aliyyenin muhâfaza-i kadr u şân-ı tarîka son derece bezl-i mechûd buyuracakları şübhesiz idiğine mebnî ba'demâ bu gibi hâlât ve harekâttan mücânebet ve tevakkîye gayret ve bu yolda hiçbir ihbârât ve şikâyâta meydan verilmemesine himmet olunmak üzere îcâb edenlere ve merkez dâhilindeki tekâyâ-yı şerîfeye teblîgât-ı lâzime icrâsı ricâsına müsâberet kılındı efendim.

Mehmed Abdülbâkî, Mehmed Gülşen

IST_MFT_MSH_DFT02_01736_0001_0111

Eyüp Kızılmescit'te Afife Hanım Zâviyesi'nin şeyhi Ahmed Esad Efendi'nin vefatı üzerine, yerine Şeyh Hasan Efendi'nin niyâbetinde müteveffanın oğlu Mesud Necâtî Efendi'nin tayini.

- / - / - / - / - / - / - / - / - / -

Eyüb'de Kızılmescid'de kâin Afife Hanım Zâviyesinin meşihat ciheti mutasarrıfı Şeyh Ahmed Es'ad Efendi'nin vefâtına mebnî inhilâl eden meşihatın sulbî sagîr mahdûmu Mes'ûd Necâtî Efendi'ye bi'n-niyâbe tevcîhi merhûm-ı mûmâ-ileyhin haremi Rabia Adeviye Hanım tarafından verilen arzuhâlde istid'â olunmuş ve zâviyye-i mezkûrenin vazîfesi ekall-i kalîl olmak cihetiyle meşihat niyâbetine tâlib zuhûr etmeyip ancak Cenâb-ı hak ömr ü âfiyet-i şâhânelerini rûz-efzûn buyursun taraf-ı zî-şân-ı hazret-i Hilâfet-penâhîden Eyüb'de inşâ ve ihyâ buyurulan türbe-i şerîfenin türbedâr-ı sânisî Şeyh Hasan Efendi niyâbet-i mezkûreyi ber-vech-i hasbî der'uhde ve kabûl etmiş ve kendisi erbâb-ı salâh ve takvâdan olarak tarîkat-i aliyye-i Nakşibendiyye'den dahi müstahlef bulunmuş olmasına ve bu gibi vazîfesi olmayıp da ber-vech-i hasbî ta'yîn kılınacak vekîl ve nâiblerin hüsn-i hâl ashâbından oldukları hâlde bilâ-imtihân ta'yîni Tevcîh-i Cihât Nizâmnâmesi'nin mâdde-i mahsûsası îcâbından olarak mûmâ-ileyhin hüsn-i hâl ve kifâyeti de ma'lûm bulunmasına binâen meşihat-i münhalle-i mezkûrenin mûmâ-ileyh Şeyh Hasan Efendi niyâbetiyle sagîr-i mezbûr Mes'ûd Necâtî Efendi'ye tevcîhi nezd-i sâmi-i Cenâb-ı Meşihat-penâhîlerinde rehîn-i tasvîb olduğu takdîrde keyfiyyetin Evkâf-ı Hümayûn Nezâret-i celîlesine emr ü havâlesi ve bu bâbdaki mu'âmeleli arzuhâlin rabten tesyâr ve itâresi menût-ı re'y-i âlî-i Fetvâ-penâhîleridir ol bâbda emr ü fermân hazret-i veliyyü'l-emrindir.

Mehmed Gülşen

IST_MFT_MSH_DFT02_01736_0001_0112

Ordumuzun muzafferiyetiyle memleketin selameti için bütün tekkelerde “Hasbünallâh ve ni’mel-vekîl” zikrinin okunarak dua ve niyazlarda bulunulması.

- / - / - / - / - / - / - / - / - / -

Her husûsta ve bi’t-tahsîs zuhûr-ı emr-i azîmde tevessülât-ı ma’nevîyyede bulunmak vecâibden olup devlet ve millet-i mu’azzama-i Osmâniyye’nin te’âlî-i şevket ve celâleti ve asâkir-i İslâmiyye’nin fevz ü nusteri için hadîs-i celîl ile de müeyyed olduğu üzere Hasbünallâh ve ni’mel-vekîl me’sûre-i celîlesine müdâvemetteki fâide-i azîm ve iktitâf-ı semerât-ı ma’nevîyye pek serî ve mühim idiğinden âsitâne ve hânkâh-ı şerîflerde her vakitten ziyâde şu sıralarda zikr-i şerîfe ve me’sûre-i celîle-i mezkûreye devam ve da’vât ve tazarruât-ı ma’nevîyyeye ikdâm olunması lüzûmunun ta’mîm ve tebliği muktezâ-yı emr ü irâde-i aliyye-i hazret-i Fetvâ-penâhîden olarak o vech ile ta’mîm-i keyfiyyet kılınmağla hânkâh-ı âlilerince de icrâ-yı icâbına himem-i vâlâ-yı reşâdetleri ma’rûz buyurulmak bâbında irâde efendimindir.

Mehmed Gülşen

IST_MFT_MSH_DFT02_01736_0001_0113

Pazartesi ve perşembe günleri tarikat âyini icrası için bahsi geçen dergâhın şeyh vekâletine Esad Efendi’nin tayin edilmesi.

- / - / - / - / - / - / - / - / - / -

Cümle şerâit-i vakfiyeden olduğu üzere haftada iki gün yani Pazartesi ve Perşembe günleri icrâ-yı usûl-i tarikat eylemek üzere niyâbet-i mezkûrenin mûmâ-ileyh Es’ad Efendi’ye tevdi’ ve ihâlesi nezd-i âlî-i hazret-i Fetvâ-penâhîlerinde dahi rehîn-i tensîb ve tasvîb olduğu hâlde keyfiyyetin Evkâf-ı Hümayûn Nezâreti Vekâlet-i celîlesine havâlesi ve bu babdaki evrâkın merbûtan irsâli menût-ı emr ü irâde-i aliyye-i Cenâb-ı Meşîhat-penâhîleridir ol bâbda.

Ali, Mehmed Gülşen

IST_MFT_MSH_DFT02_01736_0001_0114-0115-0116

Hacı Bektâş-ı Velî Dergâhı şeyhi Hacı Hamza Efendi’nin, dergâhta Nakşibendî âyini icrasına engel olunmaması ve dergâhın vakıf gelirlerinin vakıf şartlarına aykırı olarak harcanmaması hususunda mahalline tebligat yapılması.

Fî 18 Şevvâl sene [1]327 / - / - / - / - / - / - / 58 / Fî 22 Şevvâl sene [1]327 [6 Kasım 1909] / Fî 24 Teşrîn-i evvel sene [1]325

“1”

Hacı Bektâş-ı Velî Dergâh-ı şerîfi tevliyet ve meşîhatine dâir dergâh-ı mezkûrda sâkin baba efendilerle etrâfta bulunan bazı tarîk-i Bektâşî mensûblarının takdîm eyledikleri müsted’âyât ile ittisâl-i neseb iddi’asında bulunan Cemâl Efendi’nin istid’â ve yedinde bulunan berevât ve ferâmîn-i âliye sûretleri ve el-yevm dergâh-ı mezkûr seccâde-nişîni bulunan Şeyh Hacı Hamza Efendi’nin istirhâmnâmeleri ve mahallî ahâlîsi tarafından gönderilen mahzarlarla zât-ı sâmi-i Sadâret-penâhî’ye ve Meclis-i dâ’iyân ve Meb’ûsân riyâset-i celîlelerine verilip bâ-tezâkir-i sâmiye havâle buyurulan arzuhâllerle mûte’addid telgraftnâmeler ve çıkarılmış olan kuyûd-ı vakfiyye ve sâire birleştirilerek yegân yegân serâpâ mütâla’a ve tedkîk olundu.

Baba efendilerin hülâsa-i müdde'ayâtı dergâh-ı mezkûrdan tarikat-i Nakşibendiyye meşihatının ref'iyle tarikat-i kadîmelerinin resmen tasdîk ve nâm-ı kadîmlerinin i'âdesi ve tarîk-i Bektâş nâmına bir şeyh ikâmesi ve yâhûd meşihat mes'elesinin külliyyen ilgâsı ve Çelebi Cemâleddin Efendi'nin azîz-i müşârun-ileyhe ittisâl-i nesebinin adem-i sıhhatine mebnî dergâh-ı mezkûra müdâhalesinin de men'î husûsuna ve mûmâ-ileyh Cemâleddin Efendi'nin hülâsa-i iddi'ası da kendisi evlâd-ı mürselden olmak hasebiyle elinde bulunan fermânlarla istinâden dergâh-ı mezkûr tevliyet ve meşihatının kendisine âid olduğuna ve seccâde-nişîn-i mûmâ-ileyh Hacı Hamza Efendi'nin fezleke-i ifâdesi ise dergâh-ı mezkûrda sâkin mücerred babalar kendisine icrâ-yı âyîn-i tarikat-i Nakşibendiyye ettirmedikleri gibi dergâhtan tard ve icrâ-yı vazîfe ve umûr-ı dergâha müdâhaleden men' eylediklerine ve ahâlî tarafından gönderilen mahzarların bir kısmı baba efendilerin bir kısmı da mûmâ-ileyh Cemâl Efendi'nin leh ve aleyhine dâir olduğu gösterilmiştir müntesibîn-i Bektâşiyye'nin müdde'aları olan tarîk-i Bektâşiyye'nin devletçe resmen kabûl ve tasdîkine gelince turuk-ı aliyye cümleten kitâb ve sünnetten müstenbat ve me'hûz ber-nehc-i kavîm meşrû' olduğu cihetle umûm efrâd-ı millet-i İslâmiyye'nin teveccüh ve hüsn-i kabûlüyle teessüs ve intişâr etmiş olduğundan hiçbir vakitte hiçbir devletin resmen kabûl ve tasdîkine muhtâc olmadığı için turuk-ı müşârun-ileyhâ hakkında böyle bir tasdîk-i resmî sebk etmediğinden bu talep abes görünüyor. Çünkü turuk-ı müşârun-ileyhâ zevâhir-i şer'-i şerîf dâiresinde kabûl-i âmme-i müslimîn ile teessüs etmeğin bi'l-cümle hulefâ ve mülûk-ı akdemîn-i İslâmiye tarafından husûsan selâtîn-i Osmâniyye hazerâtı ahkâm-ı şer'iyye ve umûr-ı dîniyyede pek ziyâde ihtimâm ettiklerinden turuk-ı mezkûre müntesibîn-i devlet-i ebed-müddet-i Osmâniyye uhdesinde her zamandan ziyâde mazhar-ı hürmet ve mu'âvenet olmuş ve el-yevm olmakta bulunuyor. Binâen-aleyh Hacı Bektâş-ı Velî hazretlerinin de tarîk-i sûfiyyeden olması tabî'î bulunması cihetiyle kendisine mensûb tarîkın dahi diğerleri gibi bir gûne kabûl ve tasdîk-i resmîye muhtâc olmadığı ve kendilerinin el-yevm Bektâşi tesmiyesine de hiçbir taraftan mûmâna'at edilmediği gibi gerek nâmları gerek kıyâfet ve kisveleri yüzünden kendilerine bir gûne ta'arruz vukû'u da işitilmemekte ve gerek Meclis-i Meşâyih'e gerek mehâkim-i şer'iyye ve nizâmiyyeye hülâsa umûm devâir-i devlete mürâca'atları vukû'unda işlerine de bakılmakta olduğu umûr-ı müsellemedendir. Ancak tarikat-i mezkûre müntesibîn-i şer'an tebeyyün eden bazı ahvâline mebnî islâhları için makâm-ı celîl-i Hilâfet-i uzmâ'dan cânib-i akdes-i şer'-i şerîfe bi'l-mürâca'a ber-nehc-i şer'î [s.115] "2" Hacı Bektâş-ı Velî Hânkâhına bir Nakşibendî şeyhi ta'yîn ve bu bâbda bâlâları hatt-ı hümayûnlarla müveşşah fermânlar ısdâr buyurulmuş ve el-yevm ol vechile mu'âmele cereyân etmekte bulunmuş olduğundan bunun tebdîl ve tağyîri yine öylece bir mu'âmele-i mühimmeye mütevakkıf olmağla husûs-ı mezkûr Meclis-i Meşâyih'in salâhiyeti hâricindedir.

Yalnız bu bâbda Meclis-i dâ'iyânemizin mülâhaza ve mütâla'asına gelince bunlar için bu talep ve iddi'ada bir hakk-ı salâhiyet görülememiş çünkü nizâmen bir ta'alluk olmayınca da'vâya salâhiyet olamaz zirâ umûm müntesibîn-i Bektâşiyye şöyle dursun bizzât Hacı Bektâş-ı Velî Dergâhında bulunan mücerred babalar bile dergâhın sükkânı olup dergâhta resmen veya bâberât-ı âlî bir cihete mâlik olmadıklarından ashâb-ı alâkadan değillerdir. Dergâhlarda mine'l-kadîm cârî olan usûl ve kavâ'ide ve müttehiz olan kavânin-i sûfiyyeye göre de bir dergâhın müntesibîn-i o dergâhın umûruna müdâhale edemez. Bulunduğu dergâhın idâre ve usûlü her ne ise onu kabûle mecbûr olup aksi hâlinde dergâhtan çıkar ve çıkmazsa insilâb-ı huzûr-ı dervîşâna sebep olacağından çıkarılır. İşte bu husûsa binâen talep-i mezkûr nâ-hak görülüyor. Nizâmen

dahi dergâhın idâre ve bi'l-cümle umûr ve husûsu mütevellî ve şeyhe âid olup eğer o dergâhta bâ-berât-ı âlî resmen imâmet ve müezzinlik gibi bir cihete mutasarrıf olanlar da var ise ashâb-ı alâkadan olmağla sırf kendilerine âid bazı hukûk-ı meşrû'alarını talep edebilirler bundan mâ'adâ hükûmet-i seniyyeden gayrisi her kim olursa olsun müdâhale edemez.

Cemâl Efendi'nin ittisâl-i neseb mes'elesine gelince yüzlerce senelerden beri cereyân eden te'âmül ve şeref-sâdır olan berevât-ı âliyyede mûmâ-ileyhin evlâd-ı mürselden olmak üzere telakkî edilmiş olmasına göre bu husûs lede't-terâfu'îş-şer'î bir hüküm ve i'lâm ile hal olunabileceği umûr-ı vâzihadan bulunmuştur ve mûmâ-ileyh Cemâleddin Efendi dergâh-ı mezkûr meşihatının hasbe's-sülâle kendisine âidiyyeti şart-ı vâkıf ve te'âmül-i kadîm iktizâsından olduğunu beyân ediyorsa da bu iddi'asını nâlık iki kıt'a fermân ile bir iki berâttan başka bir şart-ı vâkıf görülemediği ve meşihat-i mezkûrenin ba'zen iktizâsına göre âbâ u ecdâdından bazılarına tevcih olunmuş bulunması te'âmül-i kadîm hâlini iktisâb edemeyeceğinden mûmâ-ileyhin bu bâbdaki iddi'ası mu'teber değildir. El-yevm dergâh-ı mezkûrda şeyh bulunan Hacı Hamza Efendi'nin beyânâtı vechile kendisi dergâhta bulunan babalar tarafından bi't-tegallüb icrâ-yı vazife-i meşihatten men' ve dergâhtan tard edildiği vâkı' ise bâ-berât-ı âlî-şân dergâh-ı mezkûr şeyhi olan mûmâ-ileyh hakkında nizâmen ve şer'an hiçbir hakk-ı müdâheleyi hâiz olmayan sükkân-ı dergâhın şu mu'amelesi kat'iyen gayr-i câiz ve herhâlde muhâlif-i usûl ve kâ'ide olduğundan müdâhale-i vâkı'anın hemen men'yle mûmâ-ileyhin vazifesine devâm ettirilmesi zımında mahallî hükûmetine şedîdü'l-meâl [0116] "3" emir verilmesi muktezîdir.

Ve ahâlî-i mahalliyyenin şikâyetleri vechile galle-i vakfın Bektâşî babaları ve çelebi tarafından hilâf-ı şart-ı vâkıf sarf edildiği ve şuradan buradan bir takım kanlı kâtil adamların ehl-i tarik-zî ve kıyâfesinde dergâh-ı mezkûre sokularak ahkâm-ı şer'ate ve âdâb-ı tarîkate muhâlif halleri ve Çelebi Cemâleddin Efendi hakkındaki isnâdât ve bu bâbda vâkı' olan bi'l-cümle müdde'âyât mukârin-i sıhhat ise bu gibi şeyler intizâm-ı ahvâl-i memleket ve âsâyiş-i mahallî ve idâre-i hükûmeti işkâl ve ahlâka sirâyet eder ahvâlden olmağla hemen men'î ve gerek bu husûsa gerek gallât-ı mevkûfenin istâfî mes'elesine meydan vermemek ve dergâh-ı mezkûr ahvâlini dâimâ nazar-ı teftîş ve murâkabe de bulundurmak üzere kezâlik mahallî hükûmetine tebligât icrâsı ile fesâd-ı ahlâkın sirâyet ve ta'mîmi mahzûrunun önü alınması lüzûmu tezekkür kılınmış olmağla ol bâbda.

Vasfi, es-Seyyid Mehmed es-Sukûti, Elif

IST_MFT_MSH_DFT02_01736_0001_0117

Tophane'nin Sakabaşı Mahallesi'nde Gülşenî Tatar Hasan Efendi Zaviyesi şeyhinin vefatıyla; meşihate, Cihangir Dergâhı şeyhi Eşref Efendi'nin niyâbetinde müteveffanın küçük oğlu Mehmed Efendi'nin tayini.

- / - / - / - / - / - / - / - / - / -

İşbu merbût arzuhâllerde mahkî Tophâne'de Sakabaşı Mahallesi'nde kâin Gülşenî Tatar Hasan Efendi Zâviyesi meşihat cihetinin Cihangir şeyhi Eşref Efendi niyâbetiyle müteveffâ-yı mûmâ-ileyhin sagîr mahdûmu Mehmed Efendi uhdesine tevcihi bi't-tensîb mazbatası tanzîm ve takdîm kılındığından mu'ameleden müstağnî olan mezkûr arzuhâller berâ-yı hıfz Evrâk Müdîriyyet-i behiyyesine tevdi' kılındı.

Ali, Mehmed Gülşen

IST_MFT_MSH_DFT02_01736_0001_0118

Mahmudpaşa'da Çâlâk (Çaylak) Zaviyesi diğer ismiyle Halil Efendi Zaviyesi meşihat görevinden azledilen Mehmed Nûri Efendi'nin yerine, Leskovik Halveti Dergâhı şeyhi Muhyiddin Efendi'nin tayini.

- / - / - / - / - / - / - / - / - / -

60

Mahmudpaşa'da Çalak Zâviyesi denmekle ma'rûf Halil Efendi Zâviyesinin Mehmed Nûri Efendi'den ref' edilmiş olan zâviyedârlık cihetinin Leskovik Halvetî Dergâhı postnişini muhâcirinden mesbûku'l-imtihan Şeyh Muhyiddin Efendi uhdesine tevcihi hakkında 28 Eylül sene [1]331 târihli Meclis-i Meşâyih mazbatası Şûrâ-yı Evkâf Hey'et-i aliyyesi tarafından lede'l-mütâla'a 12 Teşrin-i evvel sene [1]331 târih ve 49 numaralı tezkirede bazı mütâla'ât-ı kânûniye serd ve ityân edilmiş ve mazbata-i dâ'iyânemiz Meclis-i Meşâyih'e i'ade kılınmış ve şu hâlde Şûrâ-yı Evkâf Hey'et-i aliyyesinin mütâla'ât-ı vâkı'ası min-vechin muhik görülmüş ise de mûmâ-ileyh Şeyh Muhyiddin Efendi'ye dergâh-ı mezkûr ciheti ibtidâ-i tevcih olmayıp uhdesine müvecceh olan meşihati ve ona müretteb vazife-i mevdû'asının memleketinde edâ ve ifâya imkân müsâ'id olmadığından Leskovik Dergâhının meşihati Çalak Dergâhına nakl ve tahvilinden ibâret bulunması ve bu gibi memleketleri pâzede-i huyûl-i küffâr ve gârât-dîde-i zulm ve füccâr olan memâlikin me'mûrîn ve mülkiye ve ilmiye ve ahâlî ve seknesi haklarında fevka'l-âde olarak devletçe müttehiz usûl iktizâsınca her birerlerini me'mûriyetleriyle mütenâsib mahâll-i münhalleye telâfi-i mâ-fât zımında terfihen ve terfi'an nasb ve ta'yînleri icrâ kılınmış olmasına nazaran mûmâ-ileyh Muhyiddin Efendi'nin de Vezîr Tekkesi şeyhi Abdullah Efendi'ye tevcih buyurulduğu misilli mu'amele-i lâzimenin ifâsı emr-i âlî-i Fetvâ-penâhîye de iktirân eylemiş bulunduğundan ve merfû'un-anhın biraderi müsted'î Tefvîk Efendi'nin me'mûrîn-i muvazzafadan bulunması ve diğer müsted'î Ahmed Arif Efendi'nin hulefâ-i ma'rûfedden bulunmaması cihetlerinden istid'âları hıfz edilerek mûmâ-ileyh Muhyiddin Efendi hakkında bi't-tanzîm takdîm-i pîş-gâh-ı Fetvâ-penâhîleri kılınan mazbata-i dâ'iyânemizin iktizâsının icrâsı zımında cevâben Şûrâ-yı Evkâf Hey'et-i aliyyesine mazbata-i mezkûrenin i'adesi husûsuna müsâ'ade-i aliyye-i Meşihat-penâhîlerinin erzân buyurulması bâbında emr ü fermân hazret-i veliyyü'l-emrindir.

IST_MFT_MSH_DFT02_01736_0001_0119

Tekke ve hayrat görevlilerine, Meclis-i Meşâyih tarafından maaşları hakkında hazırlanan lâyiha'nın tekrar gönderilmesi.

- / - / - / - / - / - / - / - / - / -

Beyne'd-düvel temeyyüz ettiği şi'âr-ı merhamet ve adl ü şefkat iktizâsınca altı yüz seneden beri ibzâl buyurmakta olduğu lütf ü âtîfetin kemâ-kân ibkâsı muvâfık-ı maslahat görülmüştür. Şâyân-ı tezkîr bir mes'eleda bütçenin dokuzuncu faslının beşinci maddesindeki tekâyâ ta'âmiye ve mu'ayyenât defteri miyânında cevâmî' ve medâris ve livâ-i şerîf hademesi ve du'â-gû ve eytâm [ve] arâmil ma'âşâtı ve bazı zevât ve mahâll-i mahsûsâya ve hattâ bir yerin tulumba efrâdına bile hazînece verilmekte olan nukûd ve ta'yînât karıştırılmış olmağla bütçe yekûnu kabarmış ve binâen-aleyh enzâr-ı dikkatine celbe sebebiyet vermiş olduğunun da ayrıca arzıyla işbu lâyiha-i dâ'iyânemizin takdîmine mübâderet kılınmıştır ol bâbda.

Sâdık, Elif

Yazılmıştır Hüsâm

IST_MFT_MSH_DFT02_01736_0001_0119-A

Meclis-i Meşâyih tarafından askerlik şubelerinde görevlendirilen tekke şeyhlerinin isim ve görev mahalleri.

Ahz-ı Asker Şu'belerine Ta'yîn Olunan Meşâyihin Esâmîsi

Topkapı Sarayı dâhilindeki kur'a dâiresine / Bahçekapısı'nda Yıldız Dede Tekkesi şeyhi Nûri Efendi

Bâyezid dâire-i Belediyesine / Ağayokuşu'nda Müştâkzâde şeyhi Ahmed Efendi

Kocamustafapaşa Ahz-ı Asker Şu'besine / Bâlâ Dergâhı şeyhi Mehmed Sadeddin Efendi

Fâtih dâire-i Belediyesine / Piri Paşa Dergâhı şeyhi Zekai Efendi

Beşiktaş'ta Eski Belediye dâiresine / Neccârzâde Dergâhı şeyhi Mustafa Rıza Efendi

Yeniköy dâire-i Belediyesine / Rumelihisarı'nda Durmuş Dede Dergâhı şeyhi Eşref Efendi

Beyoğlu Mutasarrıflık dâiresine / Kasımpaşa Mevlevihânesi postnişini Seyfeddin Efendi

Beyoğlu dâire-i Belediyesine / Kâdirihâne şeyhi Abdüşşekûr Efendi

Üsküdar Jandarma dâiresine / Hazret-i Nasûhî Dergâhı şeyhi Kerameddin Efendi

Yoğurtçu Çayırı civârında Kadıköy İnâs Mektebine / Üsküdar'da Bandarmalı Yusuf Efendi Dergâhı şeyhi Münib Efendi

IST_MFT_MSH_DFT02_01736_0001_0120

Bahsi geçen dergâhın Dîvân-ı Hümâyûn ve Defter-i Hâkânî kalemlerinde vakfiyesi varsa bir suretinin Meclis-i Meşâyih'e gönderilmesi.

- / - / - / - / - / - / - / - / - / -

Kuyûd-ı Kadîme-i Vakfiyye Müdiriyyeti'nin işbu müzekkiresinde dergâh-ı mezkûrun mukayyed vakfiyesi olmadığı gösterilmesine nazaran Defter-i Hâkânî ve Dîvân-ı Hümâyûn kalemlerinde mukayyed vakfiyesi var ise bir kıt'a sûretinin bi'l-ihrac Meclis'e isbâli zımında işbu evrâkın mazrûfen Dîvân-ı Hümâyûn Kalemi Müdiriyyeti'ne irsâl buyurulması menû-ı re'y-i sâmi-i Cenâb-ı Fetvâ-penâhileridir ol bâbda.

Mehmed Abdülbâkî, Mehmed Gülşen, Es'ad

IST_MFT_MSH_DFT02_01736_0001_0121

Eyüp'te Vezir Mustafa Paşa Dergâhı şeyhinin vefatıyla, yerine oğlu Mehmed Ali Can Efendi'nin tayini.

- / - / - / - / - / - / - / - / - / -

Mehmed Ali Can Efendi hakkında hüsn-i şehâdeti hâvî vürûd eden mazbatada mûmâ-ileyh sekiz on seneden beri dergâh-ı mezkûrda bi'l-fi'il ve bilâ-kusûr ifâ-yı hizmet etmekte olduğu ve hoşnûdî-i âmmeyi kazanmış erbâb-ı nâmûs ve istikâmetten ve dersten mücâz ulemâdan bulunduğu ve dergâh-ı mezkûrun imâmet ve hitâbeti de mukaddemâ bi'l-imtihân uhdesine müveccceh idiği ve âyende ve revende ile fukarâ için dergâh-ı mezkûr hemîşe küşâde bulunduğu beyân ve tasdîk kılınmasına ve mûmâ-ileyh fi'l-hakîka meşîhat-i mezkûreye ehil ve elyak olmasına mebnî

mâdde-i mezkûreye tatbîkan icrâ-yı imtihânına mahal görülememiş olduğundan muvâfık-ı emr ü irâde-i aliyye-i Cenâb-ı Meşîhat-penâhîleri olduğu takdirde sâlifü'l-arz meşîhat cihetinin pederi mahlûlünden mûmâ-ileyh Mehmed Ali Can Efendi'ye bi't-tevcîh berât-ı âlî i'tâsı zımında keyfiyyetin Evkâf-ı Hümayûn Nezâret-i celîlesine havâlesi husûsuna müsâ'ade-i celîle-i hazret-i Fetvâ-penâhîleri şâyân buyurulmak bâbında.

Mehmed Gülşen, Es'ad

IST_MFT_MSH_DFT02_01736_0001_0122

On dördüncü tekke merkezi olan Şeyh Camii'ne bağlı dergâhların isim listesi.

- / - / - / - / - / - / - / - / - / -

Ondördüncü Merkez Tekâyâ Şeyh Câmi'i / Şeyh Câmi'i Dergâhı / Halim Gülüm Dergâhı / Yarımca Baba Dergâhı / Kefçedede Mahallesi'nde Rifâ'i Dergâhı / Hallâc Baba Dergâhı / Tarîk-i Rifâ'iyye'den Mahmud Efendi Tekkesi Dergâhı / Şeyh Hüseyin Efendi Dergâhı / Havuzbaşı Dergâhı / Şeyh Seyyid Efendi Dergâhı / Şeyh Hâmil Efendi Dergâhı / Nu'mân Baba Dergâhı / Ivaz Fakih Dergâhı / Ümmühanî Hatun Dergâhı / Abdullah Efendi Dergâhı / Çengelköyü'nde Bedevî Dergâhı

IST_MFT_MSH_DFT02_01736_0001_0123

Bahsedilen dergâhın meşîhatine Ali Efendi'nin tayin edilmesi.

- / - / - / - / - / - / - / - / - / -

İmtihân numarasından min-haysü'l-mecmû' doksan yedi numara kazanarak isbât-ı ehliyyet eylemesiyle bu bâbdaki varaka-i imtihâniyye ale'l-usûl hıfz edilmiş ve kendisi tarîk-i Nakşibendiyye'den mücâz ve müstahlef ve hüsn-i hâl ve sîret ashâbından olarak meşîhat-i mezkûreye liyâkati derkâr bulunmuş olduğundan şu hâlde zikrolunan meşîhat cihetinin müteveffâ-yı mûmâ-ileyh mahlûlünden mûmâ-ileyh Ali Efendi uhdesine tevcîhi makrûn-ı müsâ'ade-i aliyye-i Fetvâ-penâhîleri olduğu hâlde işbu mazbata-i dâ'iyânemizin bâlâsı işâret-i aliyye-i Cenâb-ı Meşîhat-penâhîleriyle bi't-tevcîh Evkâf-ı Hümayûn Nezâret-i celîlesine irsâli bâbında.

Mehmed Abdülbâkî, Mehmed Gülşen, Es'ad

IST_MFT_MSH_DFT02_01736_0001_0124

Eyüp'te Özbekler Dergâhı meşîhatine ait vakfiye kaydının Evkaf Nezâretinden istenmesi.

16 Şevvâl sene [1]334 [16 Ağustos 1916] / 2 Ağustos sene [1]332 / - / 2 - 773 / - / - / - / - / - / - / -
Bihî

Hazret-i Halid Civârındaki Özbekler Dergâhı Meşîhat-i Münhalesi Hakkındaki Şûrâ-yı Evkâf Müzekkiresine Zeyl64

Evveleminde Dergâh-ı şerîf-i mezkûr meşîhati hakkındaki şerâit-i vakfiyenin beyânı zımında işbu evrâkın mazrûfen Evkâf-ı Hümâyûn Nezâreti Vekâlet-i celîlesine irsâli menû-ı emr ü irâde-i aliyye-i hazret-i Fetvâ-penâhîleridir ol bâbda.

Ali, Mehmed Gülşen

IST_MFT_MSH_DFT02_01736_0001_0125

Üsküdar'daki Selimiye Dergâhı meşîhatine müştereken mutasarrıf olan Mehmed Hüsâmeddin ile kardeşi Mehmed Kemâleddin efendilerden Mehmed Kemâleddin'in azledilmesi üzerine, yerine Kelâmî Dergâhı şeyhi Mehmed Esad Efendi'nin niyâbetinde Mehmed Hidayet Efendi'nin tayini.

- / 26 Temmuz sene [1]332 [8 Ağustos 1916] / - / 1-42 / 59 / - / - / - / - / -

Cennet-mekân Sultân Selim Hân-ı Sâlis hazretlerinin Üsküdar'da kâin Selimiye Dergâh-ı şerîfi meşîhat ciheti sagîr biraderi Mehmed Hüsâmeddin Efendi ile birlikte i'âne ve iskân olunmak üzere fî 7 Safer sene 1315 târîhinde Mehmed Kemâleddin Efendi'nin uhdesinde iken mûmâ-ileyh Mehmed Kemâleddin Efendi ber-mûceb-i şart-ı vâkıf evsâf-ı lâzimeyi hâiz olmadığı gibi fezâhat-ı lisâniyyeye dahi mütecâsir bulunduğu bi'l-muhâkeme sâbit olmağla mahkeme-i Evkâfın 25 Şevvâl sene [1]329 târîhli i'lâmı mûcebince uhdesinden ref' edilen mezkûr meşîhat ciheti Kelâmî Dergâhı şeyhi Mehmed Es'ad niyâbetiyle merfû'un-anh Mehmed Kemâleddin Efendi'nin sagîr mahdûmu Mehmed Hidayet Efendi'ye tevcih edilmiş ve ahîran nâib-i mûmâ-ileyhin dahi isti'fâsıyla diğer bir nâib ta'yinine kadar umûr-ı dergâh mu'attal kalmamak için müsta'fî nâibin oğlu Şeyh Ali Efendi vekil ta'yîn edilmiş idi. Bu kere mûmâ-ileyh Şeyh Ali Efendi'ye Hasköy'de kâin Bayrampaşa Dergâh-ı şerîfi meşîhati tevcih edilmekle Selimiye Dergâhı vekâletinden keff-i yedi derkâr olup meşîhat-i mezkûre niyâbetine münâsib bir zâtın ta'yîni muktezî bulunmasına ve nâib-i sâbık mûmâ-ileyh Es'ad Efendi'nin arzu ve taleb-i vâkı'ı ve ma'lûm olan fazl ü kemâli cihetiyle i'âdeten meşîhat niyâbetinin efendi-i mûmâ-ileyhe tevcihi Meclis-i dâ'iyânemizce tensîb kılınmasına binâen ber-vech-i ma'rûza sagîr-i mezbûrun otuz yaşını ikmâl ve kesb-i iktidâr ve kemâl edinceye kadar vazîfe-i meşîhati bi'n-niyâbe ifâ ve ol bâbdaki şerâit-i vakfiyeyi tamâmıyla icrâya i'tinâ etmek üzere sagîr-i mûmâ-ileyh Mehmed Hidayet Efendi'ye tevcihi Meclis-i dâ'iyânemizde tensîb edilmekle taraf-ı sâmi-i Fetvâ-penâhîlerince de karîn-i kabûl buyurulduğu takdîrde işbu mazbata-i dâ'iyânemizin mazrûfen Evkâf-ı Hümâyûn Nezâret-i celîlesine havâlesi menû-ı re'y-i Meşîhat-penâhîleridir ol bâbda.

IST_MFT_MSH_DFT02_01736_0001_0126

Evkaf Mahkemesinin ilamının arzuhal sahiplerine bildirilmesi.

- / Fî 23 Temmuz sene [1]332 [5 Ağustos 1916] / - / 525 / 57 / - / - / - / - / -

Mahkeme-i Evkâfın bâlâdaki muktezî i'lâmı mündericâtının hîn-i mürâca'atlarında tefhîmiyle işbu arzuhâlin battâlda hıfzı zımında Evrâk Müdiriyyet-i aliyyesine tevdi' kılındı.

Fî 23 Temmuz sene [1]332

Ali, Mehmed Gülşen

IST_MFT_MSH_DFT02_01736_0001_0127

Seyyid Seyfullah ve Seyyid Nizam dergâhlarının meşihat ve türbedarlık cihetleri hakkında Turhan ve Kenan efendiler ile vâsiyeleri Hatice Hanım'ın verdiği arzuhalin Evkaf Mahkemesine gönderilmesi.

- / - / - / 593 / 58 / - / - / - / - / -

Seyyid Seyfullah ve Seyyid Nizâm Dergâhlarının Meşihat ve Türbedârlik Cihetleri Hakkında Turhan ve Kenan ve Veliyeleri Hatice İmzâlı Arzuhâl

Bu husûs hakkında mukaddemâ mu'tâ arzuhâller Mahkeme-i Evkâfa tevdi' kılınmış idi işbu arzuhâlin de mündericâtına nazaran iktizâsının beyânı zımında mahkeme-i müşârun-ileyhâya li-eclî'l-havâle mazrûfen Evkâf-ı Hümâyûn Nezâret-i celîlesine irsâli menût-ı emr ü irâde-i aliyye-i hazret-i Meşihat-penâhîleri olmağın ol bâbda emr ü fermân hazret-i veliyyü'l-emrindir.

Fî 23 Temmuz sene [1]332 [5 Ağustos 1916]

Ali, Mehmed Gülşen

IST_MFT_MSH_DFT02_01736_0001_0128

Evkaf Mahkemesinden bildirilen derkenarın, dilekçe sahibine tefhimi için Evrak Müdüriyetine gönderilmesi.

- / Fî 23 Temmuz sene [1]332 [5 Ağustos 1916] / - / 517 / 56 / - / - / - / - / -

Mahkeme-i Evkâfın bâlâdaki muktezî derkenârı mücebince müsted'inin mürâca'atında cevâb i'tâsıyla işbu arzuhâlin battâlda hıfzı zımında Evrâk Müdüriyyet-i aliyyesine tevdi'-i keyfiyyet kılındı.

Fî 23 Temmuz sene [1]332

Ali, Mehmed Gülşen

IST_MFT_MSH_DFT02_01736_0001_0129

Üsküdar Zincirlikuyu'da Halim Efendi Dergâhı şeyhi Mehmed Emin Efendi'nin vefatı üzerine, meşihatın vekâleten Üsküdar'da Emir Ahmed Efendi Dergâhı şeyhi Ahmed Şerafeddin Efendi'ye tevcihi.

- / Fî 13 Temmuz sene [1]332 [26 Temmuz 1916] / - / - / 55 / - / - / - / - / -

Üsküdar'da Zincirlikuyu'da kâin Halim Efendi Dergâhı şeyhi Mehmed Emin Efendi'nin bu kere vefâtıyla inhilâl eden cihet-i meşihat, terk eylediği bir nefer kebîr mahdûmu Hulusî Efendi'ye teveccüh etmekle mûmâ-ileyh Hulusî Efendi ise el-yevm taht-ı silâhta olmağla terhîs olunup isbât-ı ehliyet ile cihet-i mezkûreyi der'uhde edinceye kadar dergâh-ı mezkûrun umûr ve husûsunu tesviye ve icrâ-yı âyîn-i tarikat ve it'âm-ı fukarâ eylemek üzere bir vekîl ta'yîni iktizâ etmekle Üsküdar'da Emir Ahmed Efendi Dergâh-ı şerîfi şeyhi sulehâdan ve erbâb-ı iktidârdan Şeyh Ahmed Şerafeddin Efendi'nin ber-vech-i hasbî vekâleti Meclis-i dâ'iyânemizce tensîb edildiğinden tanzim olunan işbu müzekkirenin mazrûfen Evkâf-ı Hümâyûn Nezâret-i celîlesine irsâli menût-ı re'y-i âlî-i Meşihat-penâhîleri olmağın ol bâbda emr ü fermân hazret-i veliyyü'l-emrindir.

Ali

IST_MFT_MSH_DFT02_01736_0001_0130

Taşradaki tüm tekkelerin meşihat vazifeleriyle ilgili muameleleri, Şûrâ-yı Evkâfça yürütüldüğünden ilgili evrakın oraya havalesi.

- / Fî 3 Temmuz sene [1]332 [16 Temmuz 1916] / - / Kırmızı 2 - 41 / 61 / - / - / - / - / -

Taşralardaki bi'l-umûm tekâyâ meşihatleri Tevcîh-i Cihât Nizâmnâme-i Cedîdi mücebince Şûrâ-yı Evkâfca icrâ edilmekte olduğuna binâen âidiyyeti cihetiyle işbu evrâkın Evkâf-ı Hümâyûn Nezâreti Vekâlet-i celîlesine irsâli menûl-ı emr ü irâde-i aliyye-i Cenâb-ı Meşihat-penâhîleri olmağın ol bâbda emr ü fermân hazret-i veliyyü'l-emrindir.

Ali, Mehmed Gülşen

IST_MFT_MSH_DFT02_01736_0001_0131

Seyyid Seyfullah ve Seyyid Nizam dergâhlarının meşihati hakkında Aziz, Kenan, Turhan ve Hacı Sâlih efendilerin dilekçelerinin Mahkeme-i Evkâfa gönderilmesi.

- / Fî 2 Temmuz sene [1]332 [15 Temmuz 1916] / - / 517 - 525 / - / - / - / - / -

Aziz Efendi'nin İstid'ası

Kenan ve Turhan ve Hacı Sâlih Efendilerin İstid'aları

Şeyh Şücâeddin Efendi'den Münhal Olan Seyyid Nizam ve Seyfullah Efendi [Dergâhları] Meşihatleri Hakkında

Mu'amele-i lâzimenin ifâsı zımnında Mahkeme-i Evkâfa tevdi' kılındı.

Ali

IST_MFT_MSH_DFT02_01736_0001_0132

Mehmed Râzî Efendi ile Seyyid Seyfullah Efendi Dergâhı meşihatine tayini teklif edilen Şeyh Seyyid Hafız Mustafa Nûri Efendi'ye ait evrakların Şûrâ-yı Evkâf riyâsetine gönderilmesi.

- / Fî 20 Haziran sene [1]332 [3 Temmuz 1916] / - / 660 / - / - / - / - / -

Fî 3 Ramazan sene [1]334 târîh ve 666 numaralı Şûrâ-yı Evkâf tezkiresinde mahkî Mehmed Râzî Efendi'nin tasavvuf ve usûl-i tarîka vukûfu Meclis-i dâ'iyânemizce bi'l-imtihân sâbit olduğunun beyânıyla işbu evrâk Şûrâ-yı Evkâf Riyâset-i aliyyesine takdîm kılındı.

Ali

Fî 20 Haziran sene [1]332 / 640

Seyyid Seyfullah Efendi Dergâhı Meşihati Hakkında

Mûmâ-ileyh Şeyh Hâfız Seyyid Mustafa Nûri Efendi'nin Meclis-i dâ'iyânemizce imtihânı icrâ edilerek isbât-ı ehliyyet eylediğini mübeyyin işbu evrâk bâ-derkenâr Şûrâ-yı Evkâf Riyâset-i aliyyesine takdîm kılındı.

Ali

IST_MFT_MSH_DFT02_01736_0001_0133

Eyüp'te Ümmî Sinan Dergâhı meşihatine ait vakfiye şartlarının Evkaf Nezâretinden istenmesi.

- / Fî 18 Haziran sene [1]332 [1 Temmuz 1916] / - / 458 / 50 / - / - / - / - / -

Eyübsultân'da Ümmî Sinan Dergâh-ı şerîfi Meşihati Hakkında

İşbu istid'âda mahkî Dergâh-ı şerîf meşihatının der'uhde kaydıyla meşihat-i mezkûre hakkındaki şerâit-i vakfiyenin muvazzahan beyânı zımnında mazrûfen Evkâf-ı Hümâyûn Nezâret-i celîlesine irsâli menû-tı re'y-i âlî-i hazret-i Fetvâ-penâhîleridir ol bâbda emr ü fermân hazret-i veliyyü'l-emrindir.

Mehmed Gülşen

IST_MFT_MSH_DFT02_01736_0001_0134

Sultanahmet'te Sokullu Şehit Mehmed Paşa Dergâhı'ndaki kadınların dergâhtan tahliye edilmeleri.

- / Fî 18 Haziran sene [1]332 [1 Temmuz 1916] / - / 478 / 49 / - / - / - / - / -

Sultânahmed civârında kâin Sokullu Şehîd Mehmed Paşa Dergâhı Hakkında

İşbu istid'ânâme mündericâtına nazaran böyle dervîşânın ikâmetine ve icrâ-yı âyine mahsûs olan âyende ve revendegân-ı ricâlin her bâr bulunacağı bir mahalde nisvânın ve bâ-husûs bu kabîl kesânın iskânı hiçbir vechile câiz ve münâsib olamayacağından beyân olunan nisvânın sür'at-i mümkin ile dergâhtan ihrâc ve tahliyesi esbâbının istikmali zımnında işbu arzuhâlin mazrûfen Evkâf-ı Hümâyûn Nezâreti Vekâlet-i celîlesine irsâli menû-tı emr ü irâde-i aliyye-i Cenâb-ı Meşihat-penâhîleridir.

IST_MFT_MSH_DFT02_01736_0001_0135

Silivrikapı'da Hazret-i Seyyid Seyfullah Dergâhı şeyhi Şeyh Şücâeddin Efendi'nin vefatı üzerine, meşihate Seyyid Mustafa Nûri Efendi'nin tayini.

Fî 26 Şa'bân sene [1]334 [28 Haziran 1916] / Fî 14 Haziran sene [1]332 / - / - / 48 / - / - / - / - / -

Silivrikapısı dâhilinde kâin Hazret-i Seyyid Seyfullah -kuddise sırruhû- Dergâh-ı şerîfi meşihati şurût-ı vakfiyeye nazaran evlâd-ı seyyid-i müşârun-ileyhe meşrûta olduğundan dergâh-ı şerîf-i mezkûre postnişîni iken bilâ-veled-i zükûr irtihâl eden evlâttan Şeyh Şücâeddin Efendi'den münhal olan meşihat-i mezkûreye şurût-ı vakfiyyeye ve nizâmât-ı mevzû'asına tevfiқан evlâd-ı azîz-i müşârun-ileyhten ve sâireden tâlib olanların li-eclî'l-imtihân Meclis-i Meşâyih'e lüzûm-ı mürâca'atları evrâk-ı havâdisle i'lân edilmiş ise de tarîkat-i aliyye-i Halvetiyye hulefâsından Şeyh Seyyid Mustafa Nûri Efendi'den mâ'adâ ne evlâttan ve ne de hâricden tâlib zuhûr etmemiş ve mûmâ-ileyh Mustafa Nûri Efendi erbâb-ı fazl ve irfândan ve kürsî meşâyihinden olarak mesbûku'l-imtihân bulunmuş olduğundan meşihat-i münhalle-i mezkûrenin müteveffâ-yı mûmâ-ileyh mahlûlünden mûmâ-ileyh Mustafa Nûri Efendi'ye tevcihi muvâfık-ı emr ü irâde-i aliyye-i hazret-i Fetvâ-penâhîleri olduğu hâlde işbu mazbatanın mazrûfen Evkâf-ı Hümâyûn Nezâreti Vekâlet-i celîlesine havâlesi menû-tı müsâ'ade-i celîle-i Meşihat-penâhîleridir ol bâbda.

Ali, Mehmed Gülşen

IST_MFT_MSH_DFT02_01736_0001_0136

Kocamustafapaşa'da Hazret-i Sünbül Sinan Dergâhı meşihatine Mehmed Râzî Efendi'nin asaleten tayini.

26 Şa'bân sene [1]334 [28 Haziran 1916] / 14 Haziran sene [1]332 / - / - / 47 / - / - / - / - / -
Bihî

Mazbata

Kocamustafapaşa'da kâin Hazret-i Sünbül Sinan Hânkâhı meşihat cihetinin Şeyh Vâhî Efendi vekâletiyle Mehmed Râzî Efendi uhdesine tevcihine dâir olup Evkâf-ı Hümâyûn Nezâreti Vekâlet-i celîlesinden 14 Haziran sene [1]332 târih ve 95624/23 numaralı tezkire-i cevâbiye ile irsâl olunarak Meclis-i dâ'iyânemize havâle buyurulan sekiz kıt'a evrâk mütâla'a kılındı. Mündericâtı hânkâh-ı mezkûr seccâde-nişîni Kutbeddin Efendi'nin vefâtıyla meşihat-i münhallenin Vâhî Efendi vekâletiyle merhûmun mahdûmu Mehmed Râzî Efendi'ye tevcihini mutazammın idiği anlaşılmış ve mûmâ-ileyh Râzî Efendi'nin el-yevm kebîr olarak Şûrâ-yı Evkâfca bu kere bi'l-imtîhân uhdesine hânkâh-ı mezkûr hitâbeti tevcih edildiği istihbâr kılınmış ve kendisinin erkân ve usûl-i tarîkine vukûfu Meclisce de ma'lûm bulunmuş olduğundan vekâletten sarf-ı nazarla bizzât ifâ-yı hizmet etmek üzere meşihat-i mezkûrenin efendi-i mûmâ-ileyhe asâleten tevcihi muvâfık-ı emr ü irâde-i aliyye-i hazret-i Fetvâ-penâhîleri olduğu hâlde bu bâbdaki evrâkın ve işbu mazbata-i dâ'iyânemizin leffiyle keyfiyyetin cevâben nezâret-i müşârun-ileyhâya iş'ârı menût-ı müsâ'ade-i celîle-i Meşihat-penâhîleridir ol bâbda.

Ali, Mehmed Gülşen

IST_MFT_MSH_DFT02_01736_0001_0137

Üsküdar'da Bedevî Dergâhı'ndan Hoca Ali Efendi hakkında Merkez Kumandanlığından gönderilen tezkirenin diğer evraklarla birlikte Evrak Müdüriyetine irsali.

- / Fî 14 Haziran sene [1]332 [27 Haziran 1916] / - / - / - / - / - / - / - / -

Üsküdar'da Bedevî Dergâhında Hoca Ali Efendi Hakkında Merkez Kumandanlığı Tezkiresi

Makâm-ı âlî-i hazret-i Meşihat-penâhîlerinin bâlâdaki işâret-i aliyyesi mücebince li-eclî'l-hıfz merbût varaka-i isticvâbiyye ile beraber Evrâk İdâresi'ne tevdî' kılındı.

Mehmed Gülşen

IST_MFT_MSH_DFT02_01736_0001_0138

Silivrikapı'daki Seyyid Nizâmeddin Dergâhı meşihat, imamet, türbedarlık ve tevliyet cihetlerinin mutasarrıfı Şeyh İbrâhîm Şücâeddin Efendi'nin vefatı üzerine, meşihatın Edirne'deki Saçlı İbrâhîm Efendi Dergâhı postnişini Şeyh Seyyid Hasan Adli Efendi'ye tevcihi.

- / Fî 13 Haziran sene [1]332 [27 Haziran 1916] / - / - / - / - / - / - / - / -

Seyyid Nizâmeddin hazretlerinin Silivrikapısı hâricinde vâki' nâm-ı âlîlerine mensûb dergâh-ı şerifte imâmet ve türbedarlık ve meşihat ve tevliyet cihetlerinin müşârun-ileyh Seyyid Nizam hazretlerinin evlâd-ı evlâdından hâlâ hânkâh-ı mezkûrda seccâde-nişîn-i irşâd olan Şeyh İbrâhîm

Şücaeddin Efendi el-Halvetî ibnül-merhûm es-Seyyid eş-Şeyh Ali Efendi'ye ve ba'de'l-vefât mecmû'-ı cihât-ı mezkûr şeyh-i mûmâ-ileyhin isrine sâlik olan evlâdına ve evlâd-ı evlâdına ve evlâd-ı evlâd-ı evlâdının batnen ba'de batnin müstakîmü'l-etvâr sâlih ve zâhid ve âbid olanlarına ve ba'de'l-inkırâzi'l-kül şeyh-i mûmâ-ileyhin biraderleri es-Seyyid Yunus Talat ve es-Seyyid Lütfullah ve es-Seyyid Nizâmeddin efendilerin evlâd-ı evlâd-ı evlâd-ı evlâd-ı evlâd-ı evlâd-ı evlâdının kezâlik tarikat-i aliyye-i Halvetiyye'ye mensûb irşâda kâdir ve pederleri mesleğine sâlik âbid ve zâhid olanlarına batnen ba'de batnin ve onlar dahi külliyyen inkırâz bulursa fukarâ-yı azîz-i müşârun-ileyh Seyyid Nizâmeddin'den ve hulefâyı Halvetiyye'den müstahık bir zâta meşrûta olduğu ve cihât-ı mezkûrenin tevcihâtı Kocamustafapaşa Hânkâhı postnişinlerinin inhâsıyla icrâ olunmasının meşrûta bulunduğu merhûme ve mağfûrun-lehâ Adile Sultân hazretlerinin bin iki yüz doksan dört târihli vakfiyesinin kuyûd-ı vakfiyyeden muhrec cihât-ı mezkûrenin tevcihî hakkındaki fikrasından müstebân olduktan sonra Avratpazarı'nda Keçihatun Mahallesi'nde Bekçi Hasanağa Sokağı'nda altı numaralı hânedâ sâkin Mâliye Vâridât Müdîriyyeti Evrâk Kaleminde tezkire mukayyidi Mehmed Seyfullah Efendi ibn-i Mehmed Tevfik bin Mahmud meclis-i şer'-i şerîf-i enverde vakf-ı müşârun-ileyhâya taraf-ı şer'den kâimmakâm-ı mütevellî ta'yîn ve husûmeti re'y olunan Nezâret-i Evkâf-ı Hümâyûn da'vâ vekillerinden Mehmed Asaf Bey ibn-i Mustafa muvâcehesinde cihât-ı mezkûrenin ber-mûceb-i vakfiyye mutasarrıfı mûmâ-ileyh Şeyh Şücaeddin Efendi'nin bu defa bilâ-veled-i zükûr vefâtı vukû' bulup ve biraderleri mûmâ-ileyhim Yunus Talat ve Seyyid Lütfullah ve Seyyid Nizâmeddin efendilerin dahi mukaddemâ vefâtları vukû' bulduğundan ve evlâd-ı evlâdından kimsesi olmadığından yedimde bulunan şecere mûcebince ben azîz-i müşârun-ileyhin sulbî oğlu Seyyid Seyfullah Efendi hazretlerinin mahdûm-ı mükerremleri Şeyh Hasan Cüneydî hazretlerinin mahdûm-ı âlileri Şeyh Ahmed Murtaza Efendi hazretlerinin mahdûm-ı âlileri es-Seyyid Mehmed Nûri Efendi hazretlerinin mahdûm-ı âlileri Şeyh Abdüşşekûr Efendi hazretlerinin mahdûm-ı âlileri Şeyh Abdüssamed Efendi hazretlerinin mahdûm-ı âlileri Seyyid Mustafa Efendi hazretlerinin mahdûm-ı âlileri Seyyid Ali Efendi hazretlerinin mahdûm-ı âlileri Seyyid Mahmud Efendi hazretlerinin kerîmeleri Fatîma Zehra Hanım'ın mahdûm-ı âlileri Şeyh Mahmud Efendi hazretlerinin mahdûm-ı âlileri Şerîf Tevfik Efendi'nin sulbî oğlu ve bu sûretle azîz-i müşârun-ileyhin evlâd-ı evlâd-ı evlâdından olarak meşihat-i mezkûre ile cihât-ı sâirenin ber-mûceb-i vakfiyye-i mezkûre hasran meşrûtun-lehi olduğum hâlde uhdeme tevcihine kâimmakâm-ı mûmâ-ileyh mûmâna'at eder olmağla men'yle cihât-ı mezkûrenin ber-mûceb-i vakfiyye uhdeme tevcihî murâdımdır deyü fikra-i muhrece-i mezkûre mazmûnunu bi't-tasdik ber-vech-i muharrer müdde'âsını kâimmakâm-ı mûmâ-ileyh Asaf Bey'in inkârına mukârin da'vâ etmiş ve vakfiye-i mezkûrede musarrah ve mastûr olduğu vechile cihât-ı mezkûre azîz-i müşârun-ileyh Seyyid Nizâmeddin hazretlerinin evlâd-ı evlâdından mûmâ-ileyh Şeyh Şücaeddin Efendi'ye ba'dehû evlâd-ı evlâd-ı evlâd-ı evlâdına ba'dehûm şeyh-i mûmâ-ileyhin biraderleri mûmâ-ileyhime ve ba'dehûm evlâd-ı evlâd-ı evlâdına, evlâd-ı evlâd-ı evlâdlarına ve ba'de'l-inkırâzi'l-kül Kocamustafapaşa Dergâhında postnişin olan zâtın inhâsıyla fukarâ-yı azîz-i müşârun-ileyhten ve hulefâ-yı Halvetiyye'den bir zâta meşrûta olmasına ve müdde'î-i mûmâ-ileyh Mehmed Seyfullah Efendi mecmû'-ı cihât-ı mezkûrenin evvelâ meşrûtun-lehi olup bilâ-veled-i zükûr vefât etmiş olan merhûm Şeyh Şücaeddin Efendi'nin ve biraderleri mûmâ-ileyhim es-Seyyid Yunus Talat ve es-Seyyid Lütfullah ve es-Seyyid Nizâmeddin efendilerin evlâdlarından ve evlâd-ı evladlarından

olmayıp binâen alâ-hâzâ cihât-ı mezkûrenin meşrûtün-lehi değil iken takrîr-i meşrûhu üzere tasaddî eylediği da'vâsının iltifâta şâyân olmadığı müdde'î-i mûmâ-ileyhe tefhîm edilmiş ve zikr olunduğu üzere mûmâ-ileyhim Şeyh Şücâeddin ve biraderlerinin bilâ-veled-i zükûr vefâtları vukû' bulmuş olmağla cihât-ı mezkûrenin fıkra-i vakfiyye-i mezkûre mantûkunca fukarâ-yı azîz-i müşârun-ileyh Seyyid Nizâmeddin'den ve hulefâ-yı Halvetiyye'den müstahîk bir zâta usûl-i meşrû'asına ve mevzû'asına tevfi'kan tevcihi iktizâ edeceği Evkâf-ı Hümâyûn Kâdılığı'ndan bâ-derkenâr beyân edilmiş olmağla icrâ-yı icâbı lede't-teemmül vâkife-i müşârun-ileyhânın şart-ı ahîri mücebince Sünbül Efendi Hânkâh-ı şerîfi şeyh vekili Vahyî Efendi'nin inhâ-kerdesi olan kudemâ-yı meşâyih-i Halvetiyye'den evsâf-ı güzideyi hâiz ve mesbûku'l-imtihân Edirne'de kâin Saçlı İbrâhîm...[belgenin devamı yoktur].

IST_MFT_MSH_DFT02_01736_0001_0139

Saraçhanebaşı'nda Dülgerzâde Dergâhı sâbık şeyhi Arif Efendi'nin hanımı Fatma Hatun'un arzuhalinin Evrak Müdüriyetine gönderilmesi.

- / Fî 20 Haziran sene [1]332 [3 Temmuz 1916] / - / 249 / 45 / - / - / - / -

Saraçhanebaşı'nda Dülgerzâde Dergâhının sâbık şeyhi Arif Efendi'nin haremi Fatıma Hanım tarafından takdîm olup Meclis-i dâ'iyânemize havâle buyurulan işbu fî 23 Nisan sene [1]331 târîh ve 294 numaralı istid'â mütâla'a ve muktezâsı ifâ kılınmış olmağla mu'âmeleden müstağnî bulunan işbu arzuhâl berâ-yı hıfz Evrâk Müdüriyet-i behiyyesine tevdi' kılındı.

IST_MFT_MSH_DFT02_01736_0001_0140

Alaeddin Dergâhı meşihatine daha önce tayin yapıldığından, bu konudaki dilekçelerin Evrak Müdüriyetine gönderilmesi.

- / Fî 4 Haziran sene [1]332 [17 Haziran 1916] / - / - / 41-42-43-44 / - / - / - / -

Alaeddin Dergâhı Hakkındaki İstid'âlar

İşbu istid'âda mahkî dergâh-ı şerîf meşihati ale'l-usûl bi'l-imtihân fî 12 Mart sene [1]332 târîhinde tanzîm kılınan 5 numaralı mazbata mücebince âhara tevcihi tensib kılınmış olduğundan mu'âmeleden müstağnî bulunan işbu arzuhâl berâ-yı hıfz Evrâk Müdüriyet-i behiyyesine tevdi' kılındı.

IST_MFT_MSH_DFT02_01736_0001_0141

Eyüp'te Özbekler Dergâhı şeyhi Âkil Efendi'nin vefatı üzerine; meşihate vekâleten Şeyh Feyzullah Efendi tayin edildiğinden dergâh tahsisatının kendisine verilmesi.

- / Fî 4 Haziran sene [1]332 / - / - / - / - / - / - / Fî 4 Haziran sene [1]332 [17 Haziran 1916]

Eyüp'de kâin Özbekler Dergâh-ı şerîfi şeyhi Âkil Efendi'nin vukû'-ı vefâtına mebnî yerine şart-ı vâkıf vechile evsâf-ı lâzimeyi hâiz asâleten bir zât ta'yîn olununcaya kadar dergâh-ı mezkûr umûru mu'attal kalmamak ve âyîn-i tarîkatin icrâsıyla beraber sükkân-ı dergâh it'âm edilmek üzere meşihat vekâletine Şeyh Feyzullah Efendi'nin ta'yîni bi't-tensib keyfiyyet ale'l-usûl bâ-mazbata arz ve inhâ kılınmış olduğu hâlde efendi-i mûmâ-ileyhin uhdesinde Medîne-i Münnevver'de bir dergâh meşihati bulunmasından nâşî bu bâbda Hazîne-i Evkâfca bazı isti'lâma lüzûm görülerek mezkûr Özbekler Dergâhının muhassasâtı henüz itâ edilmediği efendi-i mûmâ-ileyh tarafından

bu kere ifâde olunmuş olup hâlbuki mûmâ-ileyh Şeyh Feyzullah Efendi ber-vech-i muharrer Özbekler Dergâhı meşihatine vekâleten ta'yîn kılınmasından dolayı Medîne-i Münnevver'e'deki dergâh meşihatinin esâsen uhdesinde bulunması buna bir mâni' teşkil edemeyeceği gibi mezkûr Özbekler Dergâhı muhassasâtı dahi zâta âid bir şey olmayıp ta'âmiye bulunmasından nâşî bunun te'hîr-i i'tâsına sebep olamayacağından ber-vech-i ma'rûz umûr-ı dergâh mu'attal kalmamak ve fukarâ-yı mevcûde i'âne olunmak üzere muhassasâtın mûmâ-ileyh Şeyh Feyzullah Efendi'ye i'tâsı zımnında Evkâf-ı Hümâyûn Nezâreti Vekâlet-i celîlesine tezkire-i aliyye şeref-tastîri menût-ı emr ü irâde-i aliyye-i hazret-i Fetvâ-penâhîleri olmağın ol bâbda emr ü fermân hazret-i veliyyü'l-emrindir.

Ali, Mehmed Gülşen

IST_MFT_MSH_DFT02_01736_0001_0142

Haseki'de Bayrampaşa Dergâhı meşihatinden azledilen Şeyh Ahmed Efendi'nin ailesinin tahliyesiyle, dergâhın Şeyh Ali Efendi'ye teslimi.

- / Fî 31 Mayıs sene [1]332 [13 Haziran 1916] / - / - / 38 / - / - / - / - / -

Haseki'de kâin Bayrampaşa Dergâhının meşihati bu kere uhdesine tevcih olunarak meşihat berâtını da istihsâl eylediği hâlde dergâh-ı mezkûrda iskân etmekte bulunanlar dergâhı ve meşrûta süknâyı tahliye ve teslimden imtinâ' etmekte olduklarından bahsile icrâ-yı icâbı Şeyh Ali Efendi tarafından ifâde olunmuş ve dergâh-ı mezkûr meşihati Şeyh Ahmed Efendi'nin ref'inden mûmâ-ileyh Şeyh Ali Efendi'ye müvecceh olmasıyla Şeyh Ahmed Efendi ile âilesinin bir gûne alâkaları kalmayıp dergâhın ve meşrûta hânenin tahliyesiyle Şeyh Ali Efendi'ye teslimi muktezâ bulunmuş olduğundan âyîn-i tarikat-i aliyyenin terk ve ta'tili gibi nâ-revâ bir hâl vukû'una meydan kalmamak üzere ber-vech-i muharrer dergâhın ve süknânın müsâra'aten tahliyesiyle Şeyh Ali Efendi'ye teslim ettirilmesi esbâbının istikmâli zımnında keyfiyyetin bâ-tezkire-i aliyye Evkâf-ı Hümâyûn Nezâret-i celîlesine iş'arı menût-ı müsâ'ade-i celîle-i hazret-i Meşihat-penâhîleri olmağın ol bâbda emr ü fermân hazret-i veliyyü'l-emrindir.

Mehmed Gülşen

IST_MFT_MSH_DFT02_01736_0001_0143

Seyyid Nizam Dergâhı meşihatine talip olanların, vâkıf evladından olduklarını Evkaf Mahkemesinde ispat etmeleri gerektiğinin bildirilmesi.

- / - / - / - / - / - / - / - / Fî 5 Şa'bân sene [1]334 [7 Haziran 1916] / Fî 24 Mayıs sene [1]332 Seyyid Nizâm hazretleri dergâhı Meşihat-i Münhalesi Hakkındaki Mu'âmeleli Evrâka Derkenâr 35

Kuyûd-ı Kadîme Kaleminin işbu müzekkiresiyle merbût arzuhâl üzerine muharrer derkenârı müfâdına ve bu bâbda Tevfik Beyzâde Mehmed mührüyle mahtûmen verilip rabt edilen arzuhâl mündericâtına nazaran evlâd-ı vâkıftan bulunduklarını iddi'â edenlerin ber-nehc-i şer'î sübût-ı nesebleri lâzım gelip bu da Mahkeme-i Evkâfa âid mevâddan olmasıyla mu'âmele-i tevcihe bâ'dehû icrâ edilmek üzere evveleminde ber-vech-i ma'rûz mu'âmele-i şer'iyyenin icrâ ve inbâsı zımnında işbu evrâkın mazrûfen Evkâf-ı Hümâyûn Nezâret-i celîlesine irsâli menût-ı emr

ü irâde-i aliyye-i hazret-i Meşihat-penâhîleri olmağın ol bâbda emr ü fermân hazret-i men lehü'l-emrindir.

Fî 5 Şa'bân sene [1]334 ve fî 24 Mayıs sene [1]332

Mehmed Gülşen

IST_MFT_MSH_DFT02_01736_0001_0144

Seyyid Nizam Dergâhı meşihatine tayinlerini isteyen Şeyh Mustafa ve Şeyh Süleyman efendiler vâkıf evladından olmadıklarından, taleplerinin kabul edilmemesi.

- / - / - / - / - / - / - / - / Fî 5 Şa'bân sene [1]334 [7 Haziran 1916] / Fî 24 Mayıs sene [1]332
Seyyid Nizâm Dergâhı hakkında Şeyh Mustafa imzâsıyla verilen istid'âya yazılan derkenâr
36

Bu husûs hakkında bi'l-muhâbere Evkâf-ı Hümâyûn Nezâret-i celîlesine Kuyûd-ı Kadîme Kaleminden ihrâc ve irsâl olunan kayda nazaran Seyyid Nizâm hazretleri dergâhı meşihatının evlâd-ı vâkıfa meşrûtiyeti tebeyyün eylemiş ve şart-ı vâkıf dâiresinde mu'âmele icrâsı da lâbûd bulunmuş olmasına nazaran mündericât-ı arzuhâlin is'âfi adîmü'l-immân bulunduğundan işbu istid'ânâmenin battâlda li-ecli'l-hıfz Evrâk İdâresi'ne havâlesi menût-ı emr ü irâde-i aliyye-i hazret-i Fetvâ-penâhîleri olmağın ol bâbda emr ü fermân hazret-i men lehü'l-emrindir.

Fî 5 Şa'bân sene 1334 ve fî 24 Mayıs sene 1332

37

Seyyid Nizâm Dergâhı hakkında Şeyh Süleyman imzâsıyla verilen istid'âya yazılan derkenâr
Bu husûs hakkında bi'l-muhâbere Evkâf-ı Hümâyûn Nezâret-i celîlesine Kuyûd-ı Kadîme Kaleminden ihrâc ve irsâl olunan kayda nazaran Seyyid Nizâm hazretleri dergâhı meşihatının evlâd-ı vâkıfa meşrûtiyeti tebeyyün eylemiş ve şart-ı vâkıf dâiresinde mu'âmele icrâsı da lâbûd bulunmuş olmasına nazaran mündericât-ı arzuhâlin is'âfi adîmü'l-immân bulunduğundan işbu istid'ânâmenin battâlda li-ecli'l-hıfz Evrâk İdâresi'ne havâlesi menût-ı emr ü irâde-i aliyye-i hazret-i Fetvâ-penâhîleri olmağın ol bâbda emr ü fermân hazret-i men lehü'l-emrindir.

Fî 5 Şa'bân sene 1334 ve fî 24 Mayıs sene 1332

Mehmed Gülşen

IST_MFT_MSH_DFT02_01736_0001_0145

Çâlâk (Çaylak) Dergâhı meşihatinden azledilen Şeyh Nûri Efendi'nin ailesinin, dergâhın tevliyet tahsisatının kendilerine verilmesi talebinin Evkâf-ı Hümâyûn Nezâretine bildirilmesi.

- / Fî 24 Mayıs sene [1]332 / - / - / - / - / - / Fî 5 Şa'bân sene [1]334 [7 Haziran 1916] / Fî 24 Mayıs sene [1]332

Çalak Dergâhı şeyh-i sâbıkı Nûri Efendi ailesi tarafından ref-i meşihate i'tirâzı havâ mu'tâ arzuhâle derkenâr

İşbu arzuhâlde mahkî Çalak Dergâhı meşihati Şeyh Nûri Efendi uhdesinde iken mûmâ-ileyhin Dîvân-ı Harb-i Örfice mahkûm ve mahbûs olmasından dolayı ref edildiği mukaddemâ

bi'l-muhâbere Kuyûd-ı Vakfiyye Kaleminden mürsel derkenârda beyân kılınmasına binâen meşihat-i mezkûreye Meclis-i dâ'iyânemizce Şeyh Muhyiddin Efendi bi'l-intihâb lâzım gelen mazbatası tanzîm ve takdîm kılınmış ve metn-i arzuhâlde ise dergâh-ı mezkûr vakfı tevliyetinin de hilâf-ı şart-ı vâkîf ref' ve bu cihetle mu'ayyenât ve muhassasâtı kat' edildiğinden bahs ve şikâyet edilmekte olup hâlbuki tevliyet cihetlerinin ref' ve tevcihi ve mu'ayyenâtının i'tâ veya adem-i i'tâsı Meclis-i dâ'iyânemize ta'alluk eder mevâddan olmayıp Hazîne-i Evkâf-ı Hümâyûnca tesviye edilecek husûsâtta bulunmuş olduğundan hazîne-i müşârun-ileyhâca icâbına bakılmak üzere işbu arzuhâlin mazrûfen Evkâf-ı Hümâyûn Nezâret-i celîlesine irsâli menû-ı emr ü irâde-i aliyye-i hazret-i Fetvâ-penâhîleri olmağın ol bâbda emr ü fermân hazret-i veliyyü'l-emrindir.

Mehmed Gülşen

IST_MFT_MSH_DFT02_01736_0001_0146

Edirnekapı'da Kefevî Dergâhı'nın meşihat cihetine ait vakfiye kaydının Evkaf Nezâretinden istenmesi.

- / Fî 14 Mayıs sene [1]332 [27 Mayıs 1916] / - / 304 / 34 / - / - / - / - / -

Edirnekapısı Civârında Kefevî Dergâhı

İşbu istid'âda mahkî dergâh-ı şerîf meşihat cihetinin der'uhdesi kaydıyla şürût-ı vakfiyyesinin muvazzahan beyânı zımında mazrûfen Evkâf-ı Hümâyûn Nezâret-i celîlesine irsâli menû-ı re'y-i âlî-i Cenâb-ı Meşihat-penâhîleri olmağın ol bâbda emr ü fermân hazret-i veliyyü'l-emrindir.

Ali

IST_MFT_MSH_DFT02_01736_0001_0147

Çarşamba'da İsmet Efendi Dergâhı meşihati hakkındaki dilekçenin Şûrâ-yı Evkafa gönderilmesi.

- / Fî 10 Mayıs sene [1]332 [23 Mayıs 1916] / - / 280 / 33 / - / - / - / - / -

İşbu istid'âda mahkî Çarşamba'da kâin İsmet Efendi Dergâhı meşihat ciheti mukaddemâ Şûrâ-yı Evkâfca mûmâ-ileyh Şeyh Ahmed Nimetullah Efendi uhdesinden ref' olunarak meşihat-i mezkûreye âharının ta'yini iş'âr kılınmış ve binâen-aleyh Meclis-i dâ'iyânemizce de bi'l-imtihân âhara tevcihi tensib ve iktizâ eden mazbatası tanzîm ve irsâl kılınmış olmağla ve şu hâlde Mec-lisce yapılacak bir mu'amele kalmamağla işbu arzuhâlin Şûrâ-yı Evkâfa havâle buyurulması menû-ı re'y-i âlî-i Meşihat-penâhîleridir.

Ali, Mehmed Gülşen

IST_MFT_MSH_DFT02_01736_0001_0148

Üsküdar'da Selimiye Dergâhı meşihatının deruhte kaydıyla vakfiye şartlarının Evkaf Nezâretinden istenmesi.

- / Fî 7 Mayıs sene [1]332 [20 Mayıs 1916] / - / 32 / - / - / - / - / -

Meclis'ten Re'sen Müzekkire

Üsküdar'da kâin Selimiye Dergâh-ı şerîfi meşihat cihetinin der'uhde kaydıyla şürût-ı vakfiyyesinin ve meşihat-i mezkûrenin vekâleti hakkında şimdiye kadar cereyân eden mu'âmelenin Evkâf-ı

Hümâyûn Nezâret-i celîlesinden bâ-tezkire istifsârı menû-tı re'y-i âlî-i Meşihat-penâhîleridir ol bâbda emr ü fermân hazret-i veliyyü'l-emrindir.

IST_MFT_MSH_DFT02_01736_0001_0149

Seyyid Nizâmeddin Dergâhı'nın meşihat kaydıyla vakfiye şartlarının Evkaf Nezâretinden istenmesi.

- / - / - / - / - / - / - / - / - / -

Seyyid Nizâmeddin -kuddise sırrıhu'l-azîz- hazretleri türbe-i şerîfesine merhûme ve mağfûrun-lehâ Adile Sultân -tâbe serâhâ- Hazretleri vakf-ı şerîflerinden meşihat vaz' ve ihdâs edildiği istihbâr kılınmış olmağla sultân-ı müşârun-ileyhâ vakfiyesine bi'l-mürâca'a meşihat-i mezkûre kaydının ve şart-ı vâkıfın inbâsı zımında mazrûfen Evkâf-ı Hümâyûn Nezâret-i celîlesine irsâl buyurulması bâbında emr ü fermân hazret-i men lehü'l-emrindir.

Fî 3 Mayıs sene [1]332 [16 Mayıs 1916]

Ali, Mehmed Gülşen

IST_MFT_MSH_DFT02_01736_0001_0150

Karaman'da Mevlevî Dergâhı meşihati hakkındaki müzekkirenin Evkaf Nezâretine gönderilmesi.

- / - / - / - / - / - / - / - / - / -

Taşralardaki tekâyâ meşihatleri Tevcih-i Cihât Nizâmname-i Cedîdi mücebince Şûrâ-yı Evkâfca tevcih edilmekte olduğuna ve husûsiyle işbu mazbatada mahkî Karaman'da kâin dergâh-ı şerîf Mevlevî Dergâhı olup bi'l-umûm mevlevîhâneler meşihatleri ise mine'l-kadîm çelebi efendiler hazerâtı taraflarından vukû' bulan intihâb ve ta'yîn ile tasarruf edilmekte bulunduğuna binâen o vech ile ifâ-yı muktezîyâtı zımında işbu mazbatanın mazrûfen Evkâf-ı Hümâyûn Nezâret-i celîlesine [irsâli] menû-tı emr ü irâde-i aliyye-i hazret-i Meşihat-penâhîleri olmağın ol bâbda emr ü fermân hazret-i men lehü'l-emrindir.

Fî 3 Mayıs sene [1]332 [16 Mayıs 1916]

Ali, Mehmed Gülşen

IST_MFT_MSH_DFT02_01736_0001_0151

Kasımpaşa'da Hüsâmeddin Uşşâkî Dergâhı meşihatının kendisine tevcih edilmesi gerekirken, İzzet Efendi'ye tevcih edildiğiyle ilgili dilekçenin gereği için Evkaf Nezâretine gönderilmesi.

- / Fî 3 Mayıs sene [1]332 [16 Mayıs 1916] / - / - / 31 / - / - / - / - / -

İşbu istid'ânâmede mahkî Kasımpaşa'da vâkî Hüsâmeddin-i Uşşâkî Dergâh-ı şerîfinin meşihati hakkında Meclis-i dâ'iyânemiz ifâdesiyle şeref-tastîr buyurulan tezkire-i Meşihat-penâhîlerine cevâben vârid olan fî 10 Receb sene [1]334 ve fî 30 Nisan sene [1]332 târîh ve 11 numaralı Evkâf-ı Hümâyûn Nezâret-i celîlesinin tezkiresinde meşihat-i mezkûrenin İzzet Efendi'ye tevcihine dâir kayıt olmadığı beyân kılınmasına ve mezkûr arzuhalde kendisi meşrûtün-leh olduğu hâlde vaktiyle meşihate İzzet Efendi'nin ta'yîn kılındığından bahs ile icrâ-yı iktizâsı

istid'â olunup meşrûtün-lehin tahakkuku ise Mahkeme-i Evkâfa âid bulunmasına binâen muktezâsının îfâsı zımında işbu evrâkın takımıyla nezâret-i müşârun-ileyhâya irsâli menût-ı re'y-i âlî-i Meşihat-penâhîleri olmağın ol bâbda emr ü fermân hazret-i veliyyü'l-emrindir.

Mehmed Gülşen

IST_MFT_MSH_DFT02_01736_0001_0152

Silivrikapı'da Seyyid Nizam ve Seyyid Seyfullah dergâhları meşihat kayıtlarının Evkaf Nezâretinden istenmesi.

- / Fî 30 Nisan sene [1]332 [13 Mayıs 1916] / - / 249 / - / - / - / - / - / -

İşbu istid'âda mahkî Silivrikapı hâricinde vâkî Seyyid Nizam ve Silivrikapı dâhilinde kâin Seyyid Seyfullah Efendi Hazerâtı Dergâh-ı şerîfeleri meşihatlerinin der'uhde kayıtlarının beyânı zımında işbu arzuhâlin mazrûfen Evkâf-ı Hümayûn Nezâret-i celîlesine irsâli menût-ı re'y-i âlî-i Meşihat-penâhîleridir ol bâbda emr ü fermân hazret-i veliyyü'l-emrindir.

Ali, Mehmed Gülşen

IST_MFT_MSH_DFT02_01736_0001_0153

Şehremini'nde Nazmî Efendi Dergâhı şeyh vekili Nâil Efendi'nin azli ve yerine İsmâil Efendi'nin tayin edilmesi sebebiyle, sonrasında verilen arzuhallerin Evrak Müdüriyetine gönderilmesi.

- / Fî 23 Nisan sene [1]332 [6 Mayıs 1916] / - / 1163 - 1195 / 48 - 50 / - / - / - / - / -

Meclis [numarası] 23 - 24

Şehremini cihetinde Nazmî Efendi Dergâhının Meşihat Vekâleti Hakkındaki İstid'aları Dergâh-ı mezkûrun şeyh vekîli Nail Efendi'nin azliyle bu kere Şeyh İsmâil Efendi vekîl ta'yîn olunduğundan işbu istid'â mu'âmeleden müstağnî olmağla berâ-yı hıfz Evrâk Müdüriyyet-i behiyyesine tevdi' kılındı.

23 Nisan sene-i minhü / "Evrâk 175, Meclis 8"

"Bi'l-imtihân mezkûr şeyh vekâleti mûmâ-ileyh Şeyh İsmâil Efendi'ye tevcîh olunduğundan mu'âmeleden müstağnî olmağla işbu istid'â Evrâk Müdüriyyet-i behiyyesine tevdi' kılındı."

Müsveddesine merbûtan mecliste hıfzedilmiştir.

Evrâk 283, Meclis [numarası] 12

Bayrampaşa'ya Ta'yîn Olunan Şeyh Ali Efendi'nin İstid'ası

Mu'âmeleden müstağnî olan işbu istid'â li-eclî'l-hıfz Evrâk Müdüriyyet-i behiyyesine tevdi' kılındı.

Fî 23 Nisan sene [1]333

IST_MFT_MSH_DFT02_01736_0001_0154

Kasımpaşa'da Hüsâmeddin Uşşâkî Dergâhı meşihat vazifesi kaydının Evkaf Nezâretinden istenmesi.

26 C. sene [1]334 / 16 Nisan sene [1]332 / - / - / 20 / - / - / 26 C. sene [1]334 [30 Nisan 1916] / 16 Nisan sene [1]332

Kasımpaşa'da kâin Hüsâmeddin-i Uşşâkî Dergâh-ı şerîfinin meşihat ciheti der'uhdesi kaydının bilinmesine lüzûm olduğundan keyfiyyetin bâ-tezkire-i aliyye Evkâf-ı Hümâyûn Nezâret-i celîlesinden istifsârı menûr-ı emr ü irâde-i aliyye-i hazret-i Fetvâ-penâhîleri olmağın ol bâbda.

Mehmed Abdülbâkî, Mehmed Gülşen

IST_MFT_MSH_DFT02_01736_0001_0155

Derviş kılığına girerek uygunsuz tavır ve harekette bulunanların tespit edilmesi ve engellenmesi için Meclis-i Meşâyih tarafından Müfettiş Hüsnu Efendi görevlendirildiğinden, kendisine yardımcı olunması hususunun Zabıta Müdüriyetine bildirilmesi.

26 C. sene [1]334 [30 Nisan 1916] / 16 Nisan sene [1]332 / - / - / 21 - 22 / - / - / - / -

Bihî

Müzekkire

Seele ve serseri takımdan bazı eşhâsın turuk-ı aliyyeden hiçbirine nisbet ve merbûtiyetleri olmadığı hâlde kıyâfet-i sûfiyyeyi telebbüs ile kendilerine dervîş süsü vererek şurada burada irtikâb-ı zell-i suâl ve buna munzam olmak üzere harekât-ı sâire-i halî'î'l-gaddârâneye de ictisâr ile kadr u haysiyet-i sûfiyyeyi kesr ve ihlâl etmekte oldukları ma'ât-teessüf işitilmekte ve görülmekte olup bu ise hiçbir vech ile tecvîz ve kabûl olunur hâlâttan olmamasına binâen ba'demâ bu gibi kesâna tesâdüf olundukta kıyâfet-i sûfiyyeden tecrîdi esbâbına ve inde'l-îcâb mu'âvenet-i zâbitaya teşebbüs ve tevessül olunması* Meclis-i dâ'iyânemiz müfettişi Hüsnu Efendi'ye tebliğ kılınmış olmağla müfettiş-i mûmâ-ileyhin ber-vech-i ma'rûz inde'l-iktizâ mu'âvenet-i zâbitaya mürâca'atında kendisine mu'âvenet ve teshîlât-ı lâzime îfâsı ve şûkr ü şikâyetinin istimâ' ve icrâsı husûsunun zâbita me'mûrlarına tebliği zımında dâire-i mûte'allıkasına bâ-tezkire-i aliyye emr ve iş'âr-ı keyfiyyet buyurulması menûr-ı emr ü irâde-i aliyye-i hazret-i Fetvâ-penâhîleri olmağın ol bâbda.

Meclis-i Meşâyih Müfettişi Fazîletlü Şeyh Hüsnu Efendi'ye

*[Seele ve serseri takımdan bazı eşhâsın turuk-ı aliyyeden hiçbirine nisbet ve merbûtiyetleri olmadığı hâlde kıyâfet-i sûfiyyeyi telebbüs ile kendilerine dervîş süsü vererek şurada burada irtikâb-ı zell-i suâl ve buna munzam olmak üzere harekât-ı sâire-i halî'î'l-gaddârâneye de ictisâr ile kadr u haysiyet-i sûfiyyeyi kesr ve ihlâl etmekte oldukları ma'ât-teessüf işitilmekte ve görülmekte olup bu ise hiçbir vech ile tecvîz ve kabûl olunur hâlâttan olmamasına binâen ba'demâ bu gibi kesâna tesâdüf olundukta kıyâfet-i sûfiyyeden tecrîdi esbâbına ve inde'l-îcâb mu'âvenet-i zâbitaya teşebbüs ve tevessül olunması] ve bu bâbda Meclis'e de raporla ma'lûmât î'tâ kılınması ve inde'l-iktizâ me'mûrîn-i zâbitaya irâe edilmesi zımında işbu vesîka tanzîm ve î'tâ kılındı.

Mehmed Abdülbâkî

IST_MFT_MSH_DFT02_01736_0001_0156

Bayrampaşa ve Nazmî Efendi dergâhları meşihatine tayinler yapıldığından, verilen arzuhallerin Evrak Müdüriyetine gönderilmesi.

- / Fî 12 Nisan sene [1]332 [25 Nisan 1916] / - / 1400 - 148 - 110 - 140 - 1398 / 15 - 16 - 17 - 18 - 19 / - / - / - / - / -

Bayrampaşa Dergâhı Hakkındaki İstid'â 4 aded Nazmî Efendi Dergâhı 1 aded

Derûn-ı istid'âda mahkî Dergâh-ı şerîfin meşihat ciheti bi'l-imtihân âhara tevcîh olunduğundan mu'âmeleden müstağnî olan işbu arzuhâl berâ-yı hıfz Evrâk Müdüriyyet-i behiyyesine tevdi' kılındı.

Mehmed Gülşen

IST_MFT_MSH_DFT02_01736_0001_0157

Arzuhalde bahsi geçen dergâh meşihatine daha önce tayin yapıldığından, verilen dilekçenin Evrakta hıfzı.

Fî 19 Cemâziyelâhir sene [1]334 [23 Nisan 1916] / Fî 9 Nisan sene [1]332 / - / 154 / 14 / - / - / - / -

İşbu arzuhâlde mahkî cihet-i meşihat vaktiyle müvecceh olup hâlâ ref'ine de bir sebep görülememesine binâen mu'âmeleden müstağnî olan işbu arzuhâl battâlde hıfz olunmak üzere Evrâk İdâresi'ne tevdi' kılındı.

Mehmed Abdülbâkî, Mehmed Gülşen

IST_MFT_MSH_DFT02_01736_0001_0158

Aksaray Sofular Mahallesi Alaeddin Zaviyesi meşihatine, Müderris Sâlih Nazım Efendi'nin tayin edilmesine itiraz eden Evkaf Nezâretine, Meclis-i Meşâyihçe cevap verilmesi.

- / Fî 9 Nisan sene [1]332 [22 Nisan 1916] / - / Kırmızı 20 / 10 / - / - / - / -

Aksaray'da Sofular Mahallesi'nde kâin Alaeddin Zâviyesinin müteveffâ Şeyh Halid Efendi'den mahlûl olan meşihat cihetinin Medresetü'l-mütehassısîn müderrislerinden ve tarikat-i Halvetiyye ve Celvetiyye meşâyihinden Sâlih Nazım Efendi'ye tevcîhi hakkında cereyân eden mu'amele üzerine Evkâf-ı Hümayûn Nezâret-i celîlesinden vârid olup Meclis-i dâ'iyânemize havâle buyurulan melfûf 5 Nisan sene [1]332 târîhli tezkirede meşihat-i mezkûre için müsâbaka i'lân olunmamış olduğu beyânıyla bu noksânın ikmâli ve zâviye-i mezkûrenin hangi tarikat-i aliyyeye mensûb olduğunun beyânı izbâr olunmuştur meşihat-i münhalle-i ma'rûzaya mûmâ-ileyh Sâlih Nazım Efendi'den mâ'adâ tâlib zuhûr etmemesine binâen bu bâbda müsâbakaya imkân görülemediği olduğundan arz-ı sâbık vechile cihet-i mezkûrenin efendi-i mûmâ-ileyhe tevcîhi ve zâviyye-i mezkûrenin hangi tarikat-i aliyyeye mensûb olduğu bahsine gelince dergâh-ı mezkûrda mukaddemâ meşâyih-i Halvetiyye ve ahîran meşâyih-i Celvetiyye icrâ-yı meşihat etmiş oldukları gibi şeyh-i sâbık müteveffâ Halid Efendi dahi meşâyih-i Celvetiyye'den bulunmuş olduğuna ve bu bâbda şart-ı vâkîfa veya cârî olan te'âmüle binâ-yı maslahat edilmek lâzım geleceğine binâen o vechile tahukuk-ı keyfiyyet ettirilmesi hususunun bâ-tezkire-i cevâbiye nezâret-i müşârun-ileyhâya iş'ârî menût-ı emr ü irâde-i aliyye-i hazret-i Meşihat-penâhîleri olmağın ol bâbda.

Mehmed Abdülbâkî, Mehmed Gülşen

IST_MFT_MSH_DFT02_01736_0001_0159

Haseki'deki Bayrampaşa Dergâhı postnişini Ahmed Efendi'nin azliyle, yerine Şeyh Ali Efendi'nin tayini.

Fî 19 Cemâziyelâhir sene [1]334 [23 Nisan 1916] / Fî 9 Nisan sene [1]332 / - / - / - / - / - / - / - / -

Bihî

Mazbata

Haseki'de kâin tarîkat-i aliyye-i Kâdiriyye'den Bayrampaşa Dergâh-ı şerîfinin Ahmed Efendi uhdesinden ref' edilen meşîhat cihetine ta'yîni mukaddemâ tensib ve bâ-mazbata arz olunan Şeyh Safvet Efendi bu kere meşîhat-i mezkûreden isti'fâ etmesine binâen meşîhat-i mezkûrenin erbâb-ı ehliyyetten diğerk münâsib bir zâta tevcîhi lâzım gelerek ol bâbdaki mevâdd-ı kânûniye mücebince evrâk-ı havâdisle bi'l-i'lân huzûru lâzım gelen zevât hâzır oldukları hâlde açılan müsâbaka imtihânında hulefâ-yı Kâdiriyye'den Şeyh Ali Efendi diğerk tâliblere ihrâz-ı müsâbaka ile tam yüz numaraya kesb-i istihkâk ve ibrâz-ı âsâr-ı ehliyyet ve liyâkat eylemiş ve kendisi erbâb-ı fazl ü kemâldan ve hüsn-i hâl ashâbından olup meşîhat-i mezkûreye ta'yîni münâsib görülmüş olduğundan muvâfık-ı emr ü irâde-i aliyye-i hazret-i Meşîhat-penâhîleri olduğu hâlde meşîhat-i mezkûrenin efendi-i mûmâ-ileyhe tevcîhi zımında keyfiyyetin Evkâf-ı Hümâyûn Nezâret-i celîlesine emr ü ahvâle buyurulması bâbında.

Mehmed Abdülbâkî, Mehmed Gülşen

IST_MFT_MSH_DFT02_01736_0001_0160

Kasımpaşa'da Büyükpiyâle Dergâhı meşihatine Şeyh Abdurrahman Sâmi Efendi'nin tayini.

19 C. sene [1]334 / 9 Nisan sene [1]332 / - / - / - / - / - / 19 C. sene [1]334 [23 Nisan 1916] / 9 Nisan sene [1]332

Kasımpaşa'da kâin Büyükpiyâle Dergâh-ı şerîfinin münhal bulunan meşîhat ciheti için alâ-tarîki'l-müsâbaka imtihân icrâsı zımında evrâk-ı havâdisle i'lânı keyfiyyet edildiği hâlde hulefâ-yı Kâdiriyye'den Şeyh Abdurrahman Sâmi Efendi'den mâ'adâ tâlib zuhûr etmeme-siyle mûmâ-ileyhin ber-müceb-i nizâm huzûru lâzım gelen zevât hâzır oldukları hâlde icrâ kılınan imtihânında müretteb olan yüz numaranın tamâmına kesb-i istihkâk ederek ehliyeti tezâhür etmiş ve kendisi esâsen ulemâ ve nâsihînden ve hüsn-i sîret ashâbından olup meşîhat-i mezkûreye münâsib görülmüş olmağla nezd-i sâmi-i Cenâb-ı Fetvâ-penâhîlerinde dahi rehîn-i tensib ve tasvib olduğu hâlde mûmâ-ileyh Abdurrahman Sâmi Efendi'nin meşîhat-i mezkûreye ta'yîni husûsunun Evkâf-ı Hümâyûn Nezâret-i celîlesine emr ü iş'ârı ve bu bâbdaki mu'ameleli arzuhâlin tesyârı menûr-ı re'y-i âlî-i hazret-i Meşîhat-penâhîleri olmağın ol bâbda emr ü fermân hazret-i veliyyü'l-emrindir.

Mehmed Abdülbâkî, Mehmed Gülşen

IST_MFT_MSH_DFT02_01736_0001_0161

Taşradaki tekkelerin meşihat tevcihi işlemlerinin Şûrâ-yı Evkafça yapılması sebebiyle, dilekçenin Evkafa havalesi.

- / Fî 23 Mart sene [1]332 [5 Nisan 1916] / - / - / 9 / - / - / - / - / -

Taşralardaki tekâyâ meşihatleri tevcihâtı Meclis-i âcizânemize âid olmamağla işbu arzuhâlin bi-hasebi't-ta'alluk mazrûfen Şûrâ-yı Evkâfa irsâli menû-tı emr ü irâde-i aliyye-i hazret-i Meşihat-penâhileridir ol bâbda emr ü fermân hazret-i veliyyü'l-emrindir.

Ali, Mehmed Gülşen

IST_MFT_MSH_DFT02_01736_0001_0162

Üsküdar'da Selimiye Dergâhı meşihat vekâletine Şeyh Ali Efendi'nin tayin edilmesi.

- / Fî 19 Mart sene [1]332 [1 Nisan 1916] / - / 62 / 7 / - / - / - / - / -

Üsküdar'da kâin Selimiye Dergâhı meşihatine vekâleten Şeyh Ali Efendi'nin ta'yini vaktiyle Meclis-i âcizânemizce bi't-tensîb lâzım gelen mazbatası tanzîm ve takdîm edilmiş ve şu hâlde işbu arzuhâl mu'âmeleden müstağnî bulunmuş olmağla berâ-yı hıfz Evrâk Müdîriyyet-i behiyyesine tevdi' kılındı.

Mehmed Gülşen

IST_MFT_MSH_DFT02_01736_0001_0163

Aksaray Sofular Mahallesi'ndeki Alaeddin Zaviyesi şeyhi Hâlid Efendi'nin vefatı üzerine, yerine Üsküdar müciz dersiâmlarından Sâlih Nazım Efendi'nin tayini.

- / Fî 12 Mart sene [1]332 [25 Mart 1916] / - / - / - / - / - / - / - / -

5

Evkâf-ı mülhakadan Aksaray'da Sofular Mahallesi'nde kâin Alaeddin Zâviyesi şeyhi Halid Efendi, oğlu Alaeddin Efendi'yi terk ile vefât etmesine ve mûmâ-ileyh muhtellü's-su'ur olarak bîmârhânedede taht-ı tedâvîde bulunmasına mebnî meşihat-i münhallenin erbâb-ı ehliyetten birine tevcihi lâzım gelmiş ve Üsküdar müciz dersiâmlarından ve el-yevm Medresetü'l-mütahassısın müderrislerinden olan tarikat-i Halvetiyye ve Celvetiyye meşâyihinden Sâlih Nazım Efendi erbâb-ı fazl ü kemâlden olarak ehliyet ve liyâkati zâhir ve irşâd-ı enâma kâdir olup meşihat-i mezkûreye münâsib ve ehak bulunmuş olduğundan meşihat-i ma'rûzanın efendi-i mûmâ-ileyhe tevcihi nezd-i âlî-i Cenâb-ı Fetvâ-penâhîlerinde dahi mazhar-ı tasvîb olduğu takdîrde icâbının icrâsı husûsunun Evkâf-ı Hümâyûn Nezâret-i celîlesine emr ü havâle buyurulması bâbında emr ü fermân hazret-i veliyyü'l-emrindir.

Mehmed Gülşen

IST_MFT_MSH_DFT02_01736_0001_0164

Aksaray Haseki'deki Bayrampaşa Dergâhı'na Urfa meşâyihinden Dersaadet'te mukim Şeyh Mustafa Safvet Efendi'nin asaleten tayini.

- / Fî 12 Mart sene [1]332 [25 Mart 1916] / - / 4 / - / - / - / - / - / -

Bihî

Mazbata

3 Teşrîn-i sâni sene [1]331 târihinde tanzîm ve takdîm kılınan mazbatada dahi arz ve beyân olunduğu üzere Aksaray civârında Haseki'de kâin Bayrampaşa Dergâh-ı şerîfi şeyhi Ahmed Efendi'nin meşîhatten isti'fâ etmesine ve mûmâ-ileyhin isti'fâ-yı vâkı'ı illet-i asabiye ile ma'lûl olmasından münba'is idiğinden bahsile ifâkatine kadar yerine bir vekîl ta'yini hemşiresi tarafından bâ-arzuhâl istid'â kılınmasına ve mûmâ-ileyhin icrâ-yı mu'âyenesi lüzûmu dâire-i celîle tabâbetine havâle ve bu bâbda Dâhiliyye Nezâret-i celîlesine Sıhhiyye Müdîriyyet-i Umûmiyyesi'ne de iş'âr-ı mâdde olunduğu hâlde kendisi mu'âyeneden istinkâf eylemekle beraber dergâh-ı şerîfe âid eşyâ-yı vakfiyeyi de fûrût eylediği ihbâr kılınmasına binâen cihet-i mezkûre mûmâ-ileyhten ref ile diğerine tevcih olununcaya kadar dergâh-ı mezkûr umûru mu'attal kalmamak ve hukûk-ı vakf ziyâ'dan sıyânet edilmek üzere Taştekneler Dergâhı şeyhi Kemâl Efendi vekîl ta'yîn kılınmış idi arz ve beyândan müstağnî olduğu üzere bu gibi meşîhat umûrunun tûl müddet vekâletle idâresi gayr-i câiz olarak meşîhat-i mezkûreye münâsib bir zâtın asâleten ta'yini lâzım gelmiş ve Urfa meşâyih-i kirâmından ve mesbûku'l-imtihân erbâb-ı fazl ü irfândan olup el-yevm Dersââdet'te bulunan Şeyh Mustafa Safvet Efendi'nin ehliyet ve kudret-i ilmiyesine binâen meşîhat-i mezkûrenin asâleten efendi-i mûmâ-ileyhe tevcih ve ihâlesi Meclis-i âcizânemizce tensib kılınmış olmağla nezd-i âlî-i Cenâb-ı Meşîhat-penâhîlerinde dahi rehîn-i tasvîb olduğu hâlde icrâ-yı icâbı husûsunun Evkâf-ı Hümâyûn Nezâret-i celîlesine emr ve havâle buyurulması bâbında.

Ali, Mehmed Gülşen

IST_MFT_MSH_DFT02_01736_0001_0165

Fatih'te Emîr Buhârî Dergâhı şeyhi İsmâil Efendi'nin vefatı üzerine, şeyh vekili Şeyh Mustafa Sabri Efendi'nin bu göreve asâleten tayini.

- / Fî 8 Mart sene [1]332 [21 Mart 1916] / - / - / - / - / - / - / - / -

İşbu ilâve sahihtir.

Fî 12 Mart sene [1]332

Fâtih civârında kâin Emîr Buhârî -kuddise sırruhu'l-Bârî- hazretleri dergâh-ı şerîfi şeyhi İsmâil Efendi'nin vefâtıyla inhilâl eden cihet-i meşîhatin hizmetini ve Dergâh-ı şerîf-i mezkûrun umûr ve husûsunu rü'yet ve icrâ-yı usûl-i âyîn-i tarikat etmek ve âyende ve revendegânın it'âm ve ta'âmına dikkat etmek üzere fî 31 Teşrîn-i evvel sene [1]331 târihli karar ile vekâleti tensib ve arz kılınan dergâhı mezkûr hulefâsından ve erbâb-ı salâh ve takvâdan Şeyh Mustafa Sabri Efendi'nin Meclis-i Mesâlih-i Talebe a'zasından lâzım gelen zevât hâzır oldukları hâlde bu kere Meclis-i dâ'iyyânemizce icrâ kılınan imtihânında müretteb olan doksan numaradan seksen sekiz numaraya kesb-i istihkâk ile ibrâz-ı ehliyyet ve liyâkat eylediği kendisi irşâd-ı enâma kâdir ve binâen-aleyh cihet-i mezkûrenin asâleten uhdesine tevcihi münâsib olmağla nezd-i âlî-i Cenâb-ı Fetvâ-penâhîlerinde dahi mazhar-ı tasvîb olduğu takdîrde icâbının icrâsı husûsunun Evkâf-ı Hümâyûn Nezâret-i celîlesine emr ü havâle buyurulması bâbında emr ü fermân hazret-i veliyyü'l-emrindir.

Mehmed Gülşen

IST_MFT_MSH_DFT02_01736_0001_0166

Bayrampaşa Dergâhı meşihatine tayin edilen Şeyh Safvet Efendi'nin istifası üzerine, yerine Şeyh Kemâl Efendi'nin vekâleten tayini.

- / Fî 8 Mart sene [1]332 [21 Mart 1916] / - / - / 8 / - / - / - / - / -

Bayrampaşa Dergâhı meşihatine Meclis-i dâ'iyânemizce bi't-tensîb lâzım gelen mazbata-sı da tanzîm ve takdîm olunmuş olan Şeyh Safvet Efendi tarafından bu kere verilen matvî arzu hâlde meşihat-i mezkûreden isti'fâ edilmekle yerine diğer münâsibi bulununcaya kadar Hazîne-i Evkâfca te'hîr-i mu'amele olunması ve evvelce vekâleti kararlaştırılmış olan Şeyh Kemâl Efendi'nin şimdilik devâm-ı vekâleti husûsunu Evkâf-ı Hümâyûn Nezâret-i celîlesine bâ-tezkire iş'ârı menû-tı emr ü irâde-i aliyye-i hazret-i Meşihat-penâhîleridir ol bâbda emr ü fermân hazret-i veliyyü'l-emrindir.

IST_MFT_MSH_DFT02_01736_0001_0167

Aksaray Haseki'deki Bayrampaşa Dergâhı meşihatının deruhte kayıtlarının Evkaf Nezâretinden istenmesi.

Fî 13 Cemâziyelâhir sene [1]334 [18 Mart 1916] / Fî 5 Mart sene [1]332 / - / 2 / - / - / - / - / -

Aksaray civârında Haseki'de kâin Bayrampaşa Dergâh-ı şerîfi şeyhi Ahmed Efendi'nin vukû'-ı isti'fâsına ve hemşiresi tarafından takdîm kılınan istid'ânâmede illet-i asabiye ile ma'lûl olduğunu beyân ve icrâ-yı mu'ayenesi dermiyân kılınması üzerine mûmâ-ileyh mu'ayeneye sevk olunduğu hâlde mu'ayeneden müstenkif bulunmasına mebnî uhdesindeki cihet-i meşihatın ref'iyle yerine muktedir bir zât ta'yîn olununcaya kadar Şeyh Kemâl Efendi'nin vekil ta'yîni Meclis-i dâ'iyânemizce bâ-müzekkire arz olunmuş idi bu bâbda yani ref'-i mu'amelesi hakkında Hazîne-i Evkâfca cereyân eden keyfiyyetin dergâh-ı mezkûr der'uhdesi kaydının muvazzahan ve müsâra'aten beyânı husûsunun Evkâf-ı Hümâyûn Nezâret-i celîlesine iş'ârı menû-tı emr ü irâde-i aliyye-i hazret-i Meşihat-penâhîleri olmağla ol bâbda emr ü fermân hazret-i veliyyü'l-emrindir.

Ali, Mehmed Gülşen

IST_MFT_MSH_DFT02_01736_0001_0168

Hacı Bektâş-ı Velî Dergâhı meşihat vekâletinde bulunan Mehmed Şâkir Efendi'nin bu göreve asaleten tayini için gelen evrakların Evkaf Nezâretine gönderilmesi.

- / Fî 5 Mart sene [1]332 [18 Mart 1916] / - / - / - / - / - / - / - / -

Kırşehirî Kâdılığı'ndan işbu fî 29 Teşrîn-i sâni sene [1]331 târîh ve 111 numaralı tahrîrâtında Hacı Bektâş-ı Velî Dergâhı meşihatının vekâletinde bulunan Mehmed Şâkir Efendi'ye asâleten tevcihi iş'âr olunmakta ise de bu husûs hakkında Meclis-i dâ'iyânemizce bir mu'amele sebk etmediği gibi taşralara âid mu'âmelât-ı tevcihiye Şûrâ-yı Evkâfa âid olmasıyla işbu tahrîrâtın mazrûfen Evkâf-ı Hümâyûn Nezâret-i celîlesine irsâli menû-tı re'y-i âli-i Meşihat-penâhîleri olmağın ol bâb da emr ü fermân hazret-i veliyyü'l-emrindir.

Ali, Mehmed Gülşen

